



L. ANNÆVS
FLORVS.
CL. SALMASIVS.
addidit
LVCIVM AMPELIVM.
E. cod. M. S.



Ex officina Cantabrigiæ IOANNIS FIELD Almic
Academiæ Typographi . MDCCXIV
John Chantrell sculp.



14-421



L. ANNÆI FLORI
R E R U M
ROMANARUM
LIBRI IV.

186/3
m. c. c. c.

Proœmium.

Opulus Romanus à rege Romulo in
Cæsarem Augustum, septingentos
P per annos, tantum operum pace bel-
loque gessit, ut si quis magnitudi-
nem imperii cum annis conferat,
ætatem ultra putet. Ita late per orbem terrarum
arma circumtulit, ut qui res ejus legunt, non u-
nius populi, sed generis humani facta discant.
Nam tot laboribus periculisq; jactatus est, ut ad
constituendum ejus imperium, contendisse Virtus
& Fortuna videantur. Quare quum præcipue hoc
quoque, sicut cætera, operæ pretium sit cognosce-
re, tamen quia ipsa sibi obstat magnitudo, re-
rumque diversitas aciem intentionis abruptit;
faciam quod solent qui terrarum situs pingunt: in
brevis quasi tabella totam ejus imaginem ample-
ctar, nonnihil, ut spero, ad admirationem prin-
cipis populi collaturus, si pariter atque insimul
universam magnitudinem ejus ostendero. Si quis
ergo populi Romanum quasi hominem consi-
deret, totamque ejus ætatem percenseat, ut cœ-
perit, utque adoleverit, ut quasi ad quendam ju-
ventæ florem pervenerit, ut postea velut conse-
nuerit; quatuor gradus processusque ejus inveni-
et. Prima ætas sub regibus fuit, prope ducentos
quinquaginta per annos, quibus circum ipsam

matrem suam cum finitimis luctatus est. hæc erat ejus infantia. Sequens à Bruto Collatinoq; consulibus, in Appium Claudium, Quinctum Fulvium consules, ducentos quinquaginta annos patet: quibus Italiam subegit, hoc fuit tempus viris armisque incitatissimum: ideo quis Adolescentiam dixerit. Dehinc ad Cæsarem Augustum ducenti anni, quibus totum orbem pacavit. hic jam ipsa Juventa Imperii, & quasi quædam robusta maturitas. A Cæsare Augusto in sæculum nostrum haud multo minus anni ducenti: quibus inertia Cæsarum quasi consenuit atque decoxit; nisi quod sub Trajano principe movet lacertos, & præter spem omnium, senectus imperii, quasi reddita juventute, revirescit.

LIBER I.

C A P. I. *De Romulo primo Romanorum Rege.*

✠✠✠✠✠ Rimus ille, & Urbis & Imperii conditor, Romulus fuit; Marte genitus,
 ✠ P ✠ & Rhea Silvia. Hoc de se sacerdos
 ✠ ✠ ✠ ✠ ✠ gravis confessa est: nec mox fama
 ✠✠✠✠✠ dubitavit, quum Amulii imperio ab-
 jectus in profluentem cum Remo fra-
 tre, non potuit extingui. Siquidem & Tiberinus
 amnem repressit: & relictis catulis lupa sequuta
 vagitum, uber admovit infantibus, matremque se-
 gessit. Sic repertos apud arborem, regis pastor tul-
 lit in casam, atq; educavit. Alba tunc erat Latio
 caput, Iuli opus: nam Lavinium patris Aeneæ con-
 tempserat. Ab his Amulius jam bis septima sobo-
 le regnabat, fratre pulso Numitore, cujus ex filia
 Romulus. Igitur statim prima, atæ face, pa-
 truum Amulium ab arce deturbat, avum reponit:
 Ipse fluminis amator, & montium, apud quos erat
 educatus, mœnia novæ urbis agitabat. Gemini e-
 rant: uter auspicaretur, & regeret, adhibuere
 piacula. Remus montem Aventinum, hic Palati-
 num occupat, Prior ille sex vultures, hic postea,
 sed

sed duodecim videt. Sic victor augurio, urbem excitat, plenus spei, bellatricem fore. ita illi assuetæ sanguine & præda aves pollicebantur. Ad tutelam novæ urbis sufficere vallum videbatur: cujus dum irridet angustias Remus, idq; increpat saltus dubium an jussu fratris occisus est. prima certe victima fuit, munitionemque urbis novæ, sanguine suo consecravit. Imaginem urbis magis quam urbem fecerat: incolæ deerant. Erat in proximo lucus: hunc Asylum facit: & statim mira vis hominum, Latini, Tusci que pastores: quidam etiam transmarini; Phryges qui sub Aenea, Arcades qui sub Evandro duce influxerant. Ita ex variis quasi elementis congregavit corpus unum; populumque Romanum ipse fecit. Res erat unius ætatis; populus virorum. Itaque matrimonia à finitimis petita: quia non impetrabantur, manu capta sunt. Simulatis quippe ludis equestribus, virgines, quæ ad spectaculum venerant, præda fuere. Et hæc statim causa bellorum. Pulsi fugatiq; Vejentes. Cæninensium captum ac dirutum est oppidum. Spolia insuper opima de rege, Feretrio Jovi manibus suis rex reportavit. Sabinis prodicæ portæ per virginem: nec dolo: sed puella pretium rei, quam gerebant in sinistris, petierat. dubium clipeos an armillis. Illi ut & fidem solverent, & ulciscerentur, clipeis obruere. Ita admissis intra mœnia hostibus, atrox in ipso foro pugna, adeo ut Romulus Jovem oraret, *ut sedam suorum fugam sisteret.* Hinc templum & Stator Jupiter. Tandem sævientibus intervenire raptæ laceris comis. Sic pax facta cum Tatio, fœdusque percussum: secutaque res mira dictu, ut relictis sedibus suis novam in urbem hostes demigrarent, & cum generis suis avitas opes pro dote sociarent. Auctis brevi viribus, hunc Rex sapientissimus statum Reipublicæ imposuit: juventas divisa per tribus, in equis & armis, ad subita belli excubaret: consilium Reipublicæ penes senes esset, qui ex auctoritate Patres, ob ætatem *Senatus* vocabantur. His ita

ordinatis, repente, quum concionem haberet, ante urbem apud Capræ paludem, è conspectu ablatus est. Discerptum aliqui à senatu putant, ob asperius ingenium: sed oborta tempestas solisque defectio, consecrationis speciem præbuere: cui mox Iulius Proculus fidem fecit, visum à se Romulam affirmans. augustiore forma quam fuisset: mandare præterea, ut se pro numine acciperent: *Quicunq* in cælo vocari, placitum diis: ita gentium Roma potiretur.

C A P. II. De Numa Pompilio.

Succedit Romulo Numa Pompilius: quem Cursibus Sabinis agentem, ulro petivere, ob inclinatam viri religionem. Ille sacra, & cæremonias, omnemque cultum deorum immortalium docuit: ille Pontifices, Augures, Salios, cæterosque per sacerdotia; annum quoque in duodecim menses, factos dies nefastosque descripsit. Ille Ancilia atque Palladium, secreta quædam imperii pignora; Janumque geminum, fidem pacis ac belli, in primis focum Vestæ virginibus colendum dedit; ut ad simulacrum cælestium siderum, custos imperii flamma vigilaret. Hæc omnia quasi monitu deæ Egeriæ, quo magis barbari acciperent. Eo denique ferocem populum redegit, ut quod vi & injuria occupaverat imperium, religione atque iustitia gubernaret.

C A P. III. De Tullo Hostilio.

EXcipit Pompilium Numam Tullus Hostilius: Cui in honorem virtutis regnum ulro datum. Hic omnem militarem disciplinam, artemq; bel-landi condidit. Itaque mirum in modum exercita juventute, provocare ausus Albanos, gravem & diu principem populum. Sed quum pari robore frequentibus præliis utrique comminuerentur, missò in compendium bello, Horatiis, Curiatiisque, tergeminis hinc atque inde fratribus, utriusque populi fata permixta sunt. Anceps, & pulchra contentio

contentio, exituque ipso mirabilis. Tribus quippe illinc vulneratis, hinc duobus occisis, qui supererat Horatius, addito ad virtutem dolo, ut distraheret hostem, simulat fugam: singulosque, prout sequi poterant, adortus exsuperat. Sic (rarum alias decus) unius manu parva victoria est: quam ille mox parricidio scædavit. Flentem spolia circa se, sponsi quidem, sed hostis, sororem viderat. hunc tam immaturum virginis amorem ultus est ferro. Citavere leges nefas: sed abstulit virtus parricidam: & facinus intra gloriam fuit: Nec diu in fide Albanus. Nam Fidenate bello missi in auxilium ex scædere, medii inter duos expectavere fortunam. Sed rex callidus, ubi inclinare socios ad hostem videt, tollit animos, quasi ipse mandasset. spes inde nostris, metus hostibus. Sic fraus proditorum irrita fuit. Itaque hoste victo, ruptorem scæderis Metium Fusetium, religatum inter duos currus, pernicibus equis distrahit: Albamque ipsam quamvis parentem, æmulam tamen, diruit, quum prius omnes opes urbis, ipsamque populum Romanam transtulisset: prorsus ut consanguinea civitas non periisse, sed in suum corpus rediisse rursus videretur.

CAP. IV. *De Anco Marcio.*

ANcus deinde Marcius, nepos Pompilii, pari ingenio. Hic igitur & mœnia muro amplexus est, & interfluentem Urbi Tiberinum ponte commisit: Ostiamque in ipso maris fluminisque confinio coloniam posuit: jam tum videlicet præfagiens animo, futurum, ut totius mundi opes & commeatus illo veluti, maritimo Urbis hospitio reciperentur.

CAP. V. *De Tarquinio Prisco.*

TARQUINIUS postea Priscus, quamvis transmarinæ originis, regnum ultro petens, accipit, ob industriam atque elegantiam: quippe qui oriundus Corintho, Græcum ingenium Italicis arti-

bus miscuisset. Hic & senatus majestatem numero ampliavit, & centuriis tribus auxit, quatenus Attius Navius numerum augeri prohibebat, vir summus augurio. quem rex in experimentum rogavit, *fierine posset quod ipse mente conceperat?* Ille rem expertus augurio, *posse* respondit. *Atqui hec*, inquit, *agitabam, an eodem illam secare novacula possem?* Augur, *Potes ergo*, inquit: & secuit. Inde Romanis sacer auguratus. Neque pace Tarquinius quam bello promptior. Duodecim namq; Tusciæ populos frequentibus armis subegit. Inde fasces, trabeæ, curules, anuli, phaleræ, paludamenta, prætextæ; inde, quod aureo curru quatuor equis triumphatur; togæ pictæ, tunicæque palmatæ; omnia denique decora & insignia, quibus imperii dignitas eminet.

C A P. VI. De Servio Tuillo.

Servius Tullius deinceps gubernacula Urbis invadit, nec obscuritas inhibuit, quamvis matre serva creatum. Nam eximiam indolem uxor Tarquinii Tanaquil liberaliter educaverat, & clarum fore, visa circa caput flamma promiserat. Ergo inter Tarquinii mortem, annitente regina, substitutus in locum regis, quasi ad tempus, Regnum dolo partum sic egit industrie, ut jure adeptus videretur. Ab hoc populus Romanus relatus in censum, digestus in classes, curiis atque collegiis distributus: summaque regis solertia ita est ordinata respublica, ut omnia patrimonii, dignitatis, ætatis, artium, officiorumque discrimina in tabulas referrentur; ac sic maxima civitas minimæ domus diligentia contineretur.

C A P VII. De Tarquinio Superbo.

Postremus omnium fuit regum Tarquinius, cui cognomen *Superbo* ex moribus datum. Hic regnum avitum, quod à Servio tenebatur, rapere maluit, quam expectare; immisissisque in eum percussoribus, scelere partam potestatem non melius egit,

egit, quam acquisierat. Nec abhorrebat moribus uxor Tullia, quæ, ut virum regem salutarer, super cruentum patrem, vecta carpento, consternatos equos egit. Sed ipse in Senatum cædibus, in omnes superbia, quæ crudelitate gravior est bonis, grassatus; quum sævitiam jam domi fatigasset, tandem in hostes conversus est. Sic valida oppida in Latio capta sunt, Ardea, Oriculum, Gabii, Sueffa Pometia. Tum quoque cruentus in suos. neque enim filium verberare dubitavit, ut simulanti transfugam, apud hostes hinc fides esset. Cui Gabiis, ut voluerat, recepto, atque per nuncios consulenti *quid fieri vellet*; eminentia forte papaverum capita virgula excutens, quum per hoc interficiendos esse principes intelligi vellet, (quæ superbia!) sic respondet. Tamen de manubiis captarum urbium templum erexit, quod quum inauguraretur, cedentibus cæteris deis (mira res dictu) resistere Juventas, & Terminus. Placuit vatibus contumacia numinum. siquidem firma omnia & æterna pollicebantur. Sed illud horrendum, quod molientibus ædem, in fundamentis humanum reperiuntur est caput, nec dubitavere cuncti, monstrum pulcherrimum, imperii sedem, caputq; terrarum promittere. Tamdiu superbiam regis Populus Romanus perpeßus est, donec aberat libido. hanc ex liberis ejus importunitatem tolerare non potuit. Quorum quum alter ornatissimæ sceminæ Lucretiæ stuprum intulisset, matrona dedecus ferro expiavit. Imperium tum regibus abrogatum.

C A P. VIII. *Anacephalaësis de septem regibus.*

HAec est prima ætas populi Romani, & quasi infantia, quam habuit sub regibus septem, quadam fatorum industria, tam variis ingenio, ut reipublicæ ratio & utilitas postulabat. Nam quid Romulo ardentius? tali opus fuit, ut invaderet regnum. Quid Numa religiosius? ita res poposcit, ut ferox populus deorum metu mitigaretur. Quid ille militiæ artifex Tullus, bellatoribus viris quam

necessarius? ut acueret ratione virtutem. Quid ædificator Ancus? ut Urbem colonia extenderet, ponte jungeret, muro tueretur. Jam vero Tarquinii ornamenta & insignia quantā principi populo addiderunt ex ipso habitu dignitatem? Actus a Servio census quid effecit, nisi ut ipsa se nosset Respublica? Postremo Superbi illius importuna dominatio nonnihil, immo vel plurimum, profuit. Sic enim effectum est, ut agitatus injuriis populus, cupiditate libertatis incenderetur.

C A P. I X. *De mutatione Reipublicæ.*

IGitur Bruto Collatinoque ducibus, & auctoribus, quibus ultionem sui moriens matrona mandaverat, populus Romanus ad vindicandum libertatis ac pudicitiae decus, quodam quasi instinctu deorum concitatus, regem repente destituit, bona diripit, agrum Marti suo consecrat, imperium in eosdem libertatis suæ vindices transfert, mutato tamen & jure, & nomine. Quippe ex perpetuo annum placuit, ex singulari duplex: ne potestas solitudine vel mora corrumpetur: *consules*que appellavit pro regibus, ut consulere se civibus suis debere meminissent. Tantumque libertatis novæ gaudium incesserat, ut vix mutati status fidem caperent; alterumque ex consulibus, tantum ob nomen & genus regium, fascibus abrogatis, Urbe dimitterent. Itaque substitutus Valerius Publicola, ex summo studio annexus est ad augendam liberi populi majestatem. Nam & fasces ei pro concione submisit, & jus provocationis adversus ipsos dedit. Et ne specie arcis offenderet, eminentes ædes suas in plana submisit. Brutus vero favori civium, etiam domus suæ clade & parricidio velificatus est. Quippe quum studere revocandis in Urbem regibus liberos suos comperisset, protraxit in forum, & concione media virgis cecidit, & securi percussit: ut plane publicus parens in locum liberorum adoptasse sibi populum videretur. Liber jam hinc populus Romanus, prima adversus ex-
teros

teros arma pro libertate corripuit; mox pro finibus; deinde pro sociis, tum gloria, & imperio, lacerantibus assidue usquequaque finitimis: quippe cui patrii soli gleba nulla, sed statim hostile pomærium, mediusque inter Latium & Tuscos, quasi in quodam bivio collocatus, omnibus portis in hostem incurreret: donec quasi contagione quadam per singulos itum est, & proximis quibusque correptis, totam Italiam sub se redegerunt.

C A P. X. *Bellum Etruscum cum rege Porsena.*

Pulsis ex urbe regibus, prima pro libertate arma corripuit. Nam Porsena rex Etruscorum ingentibus copiis aderat, & Tarquinius manu reducebat. Hunc tamen, quamvis & armis, & fame urgeret, occupatoque Janiculo ipsis Urbis faucibus incubaret, sustinuit, repulit, novissime etiam tanta admiratione perculit, ut superior ultro cum pæne victis amicitia fœdera feriret. Tunc illa Romana prodigia atque miracula, Horatius Mucius, Clœlia: quæ nisi in annalibus forent, hodie fabulæ viderentur. Quippe Horatius Cocles, postquam hostes undiq; instantes solus summovere non poterat, ponte reciso transnatat Tiberim, nec arma dimittit. Mucius Scævola regem per insidias in castris ipsius aggreditur: sed ubi frustrato circa purpuratum ejus ictu tenetur, ardentibus focis injicit manum, terroremque geminat dolo. *Ut scias, inquit, quem virum effugeris, idem trecenti juravimus:* quum interim (immane dictu!) hic interritus, ille trepidaret, tanquam manus regis arderet. Sic quidem viri: sed ne quis sexus à laude cessaret, ecce & virginum virtus. Una ex obsidibus regi data, elapsa custodiam, Clœlia, per patrium flumen equitabat. Et rex quidem tot tantisque virtutum territus monstis, *valere liberosque esse* jussit. Tarquinii tamdiu dimicaverunt, donec Aruntem filium regis manu sua Brutus occidit, superq; ipsum mutuo vulnere expiravit; plane quasi adulterum ad inferos usque sequeretur.

CAP. XI. *Bellum Latinum.*

LAtini quoque Tarquinius asserebant æmulatione, & invidia : ut populus, qui foris dominabatur, saltem domi serviret. Igitur omne Latium, Mamilius Tusculano duce, quasi in regis ultionem, tollit animos. Apud Regilli lacum dimicatur, diu Marte vario, donec Posthumius ipse dictator signum in hostes jaculatus est (novum & insigne commentum) uti peteretur cursu. Cossus equitum magister exuere frenos imperavit (& hoc novum) quo acrius incurrerent. Ea denique atrocitas fuit prælii, ut interfuisse spectaculo deos fama tradiderit ; duos in candidis equis, Castorem atque Pollucem, nemo dubitavit. Itaque & Imperator veneratus est, pactusque victoriam templa promissit ; & reddidit, plane quasi stipendium commilitonibus deis. Hactenus pro libertate : mox de finibus cum eisdem Latinis assidue & sine intermissione pugnatum est. Sora (quis credat?) & Algidum terrori fuerunt, Satricum atque Corniculum provinciæ. De Verulis & Bovillis pudet; sed triumphavimus. Tibur nunc suburbanum, & æstivæ Præneste delicia, nuncupatis in Capitolio votis petebantur. Idem tunc Fæsulæ, quod Carræ nuper, idem nemus Aricinum, quod Hercynius saltus: Fregellæ, quod Gesoriacum: Tiberis, quod Euphrates. Coriolum quoque, pro pudor! victos, adeo gloriæ fuisse, ut captum oppidum Caius Marcius Coriolanus, quasi Numantiam aut Africam, nomini induerit. Extant & parta de Antio spolia, quæ Mænius in suggestu fori, capta hostium classe, suffixit; si tamen illa classis: nam sex fuere rostratæ. Sed hic numerus illis initiis navale bellum fuit. Pervicacissimi tamen Latinorum Aequi & Volsci fiere; & quotidiani, ut ita dixerim, hostes. Sed hos præcipue Lucius Quinctius domuit, ille dictator ab aratro: qui obsessa, ac pæne jam capta, Marci Minucii consulis castra, egregia virtute servavit. Medium erat sorte tempus sementis, quum patricium

patricium virum innixum aratro suo, liſtor in ipſo opereprehendit, Inde in aciem profeſtus, ne quid à ruſtici operis imitatione ceſſaret, viſtos more pecudum ſub jugum miſit. Sic expeditione finita, rediit ad boves rurfus triumphalis agricola. Fidem numinum! qua velocitate? intra quindecim dies cœptum, peractumque bellum: prorsus ut feſtinàſſe dictator ad relictum opus videretur.

CAP. XII. *Bellum cum Etrufcis, Faliscis, & Fidenatibus.*

Aſſidui vero & anniverſarii, hoſtes ab Etruria Vejentes; adeo ut extraordinariam manum adverſus eos promiſerit, privatumq; geſſerit bellum gens una Fabiorum. Satis ſuperque idonea clades. Cæſi apud Cremeram trecenti, patricius exercitus, & ſcelerato ſignata nomine, quæ proficiſcentes in prælium porta dimiſit. Sed ea clades ingentibus expiata victoriis, poſtquam per alios atque alios duces robuſtiſſima capta ſunt oppida: vario quidem eventu, Falifci ſe ſponte dederunt, Cremati ſuo igne Fidenates, Rapti funditus deletique Vejentes. Falifci quum obſiderentur, mira viſa eſt fides Imperatoris, nec immerito: quod ladimagiſtrum, urbis proditorem, cum iis quos adduxerat pueris, vinctum ſibi ultro remiſiſſet. Eam namque vir ſanctus, & ſapiens, veram ſciebat victoriam, quæ ſalva fide, & integra dignitate pararetur. Fidenæ, quia pares non erant ferro, ad terrorem movendum facibus armatæ, & diſcoloribus, ſerpentum in modum, vittis, furiali more proceſſerant: ſed habitus ille feralis, everſionis omen fuit. Vejentium quanta res fuerit, indicat decennis obſidio. Tunc primum hiematum ſub pellibus: taxata ſtipendio hiberna: adactus miles ſua ſponte jurejurando, niſi capta urbe remearet. Spolia de Larre Tolumnio ſe ad Feretrium reportata. Denique non ſcalis, nec irruptione, ſed cuniculo, & ſubterraneis dolis peractum urbis excidium. Ea denique viſa eſt prædæ magnitudo, cujus de-

cine

cimæ Apollini Pythio mitterentur: univcrsusque populus Romanus ad direptionem urbis vocaretur. Hoc tunc Vejentes fuere: nunc fuisse quis meminit! quæ reliquæ? quodve vestigium? Laborat annalium fides, ut Vejos fuisse credamus,

CAP. XIII. *Bellum Gallicum.*

Hinc five invidia deûm, five fato, rapidissimus procurrentis imperii cursus, parumper Gallorum Senonum incursione supprimitur. Quod tempus populo Romano nescio utrum clade funestius fuerit, an virtutum experimentis speciosius. Ea certe fuit vis calamitatis, ut in experimentum illatam putem divinitus, scire volentibus immortalibus diis, an Romana virtus imperium orbis mereretur. Galli Senones, gens natura ferox, moribus incondita, ad hoc ipsa corporum mole, perinde armis ingentibus, adeo omni genere terribilis fuit, ut plane nata ad hominum interitum, urbium stragem, videretur. Hi quondam ab ultimis terrarum oris, & cingente omnia Oceano, ingenti agmine profecti, quum jam media vastassent, positis inter Alpes & Padum sedibus, ne his quidem contenti, per Italiam vagabantur. Tum Clusium obsidebant. Pro sociis ac fœderatis populus Romanus intervenit, missis ex more legatis, sed quod jus apud barbaros? ferocius agunt, exinde certamen. Conversis igitur à Clusio, Romamque venientibus, ad Alliam flumen cum exercitu Fabius consul occurrit. Non temere fœdior clades. Itaque hunc diem fastis Roma damnavit. Fuso exercitu jam mœnibus Urbis appropinquabant. Erant nulla præsidia. Tum igitur, aut nunquam alias apparuit vera illa Romana virtus. Jam primum majores natu, amplissimis usi honoribus, in forum coeunt. ibi devovente pontifice, diis se manibus consecrant. statimque in suas quisque ædes regressi, sicut in trabeis erant, & amplissimo cultu, in curulibus sellis sese posuerunt: ut quum venisset

hostis

hostis, in sua dignitate morerentur. Pontifices, & Flamines, quicquid religiosissimi in templis erat, partim in doliis defossa terræ recondunt, partim imposita plaustris secum avehunt. Virgines simul ex sacerdotio Vestæ, nudo pede fugientia sacra comitantur. Tamen excepisse fugientes unus è plebe fertur Lucius Albinus, qui depositis uxore & liberis, virgines in plaustrum recepit, adeo tum quoque in ultimis, religio publica privatis affectibus antecellebat. Juventus vero, quam satis constat vix mille hominum fuisse, duce Manlio, arcem Capitolini montis insedit, obtestata ipsum quasi præsentem Jovem, *ut quemadmodum ipsi ad defendendum templum ejus concurrissent, ita ille virtutem eorum numine suo tueretur.* Aderant interim Galli, apertamque Urbem, primo trepidi ne quis subesset dolus, mox ubi solitudinem vident, pari clamore & impetu iavadunt: patentes passim domos adeunt: ubi sedentes in curulibus suis prætextatos senes, velut Deos geniosq; venerati. mox eosdem, postquam esse homines liquebat, alioqui nihil respondere dignantes, pari vecordia mactant, facesq; testis injiciunt: & totam Urbem igne, ferro, manibus exæquant. Sex mensibus barbari (quis crederet?) circa montem unum pependunt, nec diebus modo, sed noctibus quoque omnia experti: quum tandem Manlius nocte subeuntes, clangore anseris excitatus, à summa rupe dejecit, & ut spem hostibus demeret, quanquam in summa fame, tamen ad speciem fiducia, panes ab arce jaculatus est. Et statò quodam die per medias hostium custodias, Fabium pontificem ab arce demisit; qui solemne sacrum in Quirinali monte conficeret. Atque ille per media hostium tela incolumis religionis auxilio rediit; *propitiosque deos* renunciavit. Novissime, quum jam obsidio sua barbaros fatigasset, mille pondo auri recessum suum venditantes, idque ipsum per insolentiam, quum ad iniqua pondera addito adhuc gladio, superbe victis increparent, subito aggressus à tergo

Camillus

Camillus adeo cecidit, ut omnia incendiorum vestigia, Gallici sanguinis inundatione, deleteret. Agere gratias diis immortalibus ipso tantæ cladis nomine libet. Pastorum eadem mensura, & flamma, pauperiâtem Romuli, & illud. Etenim illud quid egit aliud, nisi ut deinde, & urbem, & eorum domicilio civitas, non delecta, non quæ, sed expiata potius, & lustrata videatur. Rursum post assertam à Manlio, restitutam à Càmillo Urbem, acrius etiam vehementiusque in finitimos resurrexit. Ac primum omnium illam ipsam Gallicam gentem non contentus mœnibus expulisse, quum per Italiam naufragia sua latius traheret, sic persecutus est duce Camillo, ut hodie nulla Senonum vestigia supersint. Semel apud Anienem trucidatis, quum singulari certamine Manlius aureum torquem barbaro inter spolia detraxit: inde Torquati. Iterum Pomptino agro, quum in simili pugna Lucius Valerius, infidente galeæ sacra alite adjutus, retulit spolia: & inde Corvini. Tandem post aliquot annos, omnes reliquias eorum in Etruria ad lacum Vadimonis Dolabella delevit: ne quis extaret in ea gente, quæ incensam à se Romam urbem gloriaretur.

C A P. XIV. *Bellum Latinum.*

CONversus à Gallis in Latinos, Manlio Torquato, Decio Mure consulibus, semper quidem æmulatione imperii infestos, tum vero contemptu Urbis incensæ; quum *jus civitatis, partem imperii ac magistratuum* poscerent, atque jam amplius quam congregi auderent: quo tempore quis cessasse hostem mirabitur? quum alter consulum filium suum, quia contra imperium pugnaverat, quamvis victorem occiderit, quasi plus in imperio esset, quam in victoria: alter quasi monitu deorum, capite velato primam ante aciem diis manibus se devoverit: ut in confertissima se hostium tela jaculatus, novam ad victoriam iter, sanguinis sui semita, aperiret.

CAP. XV. *Bellum Sabinum.*

A Latinis aggressus est gentem Sabinorum, qui immemores factæ sub Tico Tatio afflictis, quodam contagio belli se Latinis adjunxerant. Sed Curio Dentato consule, omnem eum tractum, qui Nar ambit, fontesque Velini, Hadriatici, & Ausani, igne ferroque vastavit. Qua victoria, tantum hominum, tantum agrorum redactum in potestatem, ut in alio plus esset, nec ipse posset aestimare qui vicerat.

CAP. XVI. *Bellum Samniticum.*

Precibus deinde Campaniæ motus, non pro se, sed, quod est speciosius, pro sociis, Samnites invadit. Erat sordus cum utrisque percussus, sed hoc Campani sanctius, & prius, omnium suarum deditione fecerant. Sic ergo Romanus bellum Samniticum tanquam sibi gessit. Omnium non modo Italia, sed toto orbe terrarum, pulcherrima Campaniæ plaga est. Nihil mollius cælo: denique his floribus vernal. Nihil uberius solo: ideo Liberi Cererisque certamen dicitur. Nihil hospitalius mari: Hic illi nobiles portus, Cajeta, Misenus, & tepentes fontibus Baiæ: Lucrinus & Avernus, quædam maris ostia. Hic amicti vitibus montes, Gauris, Falernus, Maslicus, & pulcherrimus omnium Vesuvius, Aenæi ignis imitator. Urbes ad mare, Formiæ, Cumæ, Puteoli, Neapolis, Herculaneum, Pompeii, & ipsa caput urbium Capua, quondam inter tres maximas, Romam Carthaginemque numerata. Pro hac urbe, his regionibus populus Romanus Samnites invasit, gentem, si opulentiam quæris, auris & argenteis armis, discolori veste, usque ad ambitum armatam: si fallaciam, salibus fere & montium fraude grassantem: si rabiem ac furorem, sacratissimis legibus, humanisque hostiis in exitium Urbis agitatum: si pertinaciam, sexies rupto fœdere, cladibusq; ipsis animoforem. Hostem quinquaginta annis per Fabios

bros & Papirios patres, eorumque liberos, ita subegit, ac domuit, ita ruinas ipsas urbium diruit, hodie Samnium in ipsa Samnio requiratur: nec facile appareat materia quatuor & viginti triumphorum. Maxime tamen nota & illustris ex hac gente clades, apud Caudinas furculas Veturio Posthumioque Consulibus accepta est. Clauso enim per insidias intra eum saltum exercitu, unde non posset evadere, stupens occasione tanta dux hostium Pontius, Herennium patrem consuluit, & ille, *mitteret omnes, vel occideret*, sapienter, ut senior, *suaserat*. Hic armis exutos mittere sub jugum maluit; ut nec amici forent beneficio, & post flagitium hostes magis. Itaque & consules statim magnifice voluntaria deditioe turpitudinem foderis dirimunt, & ultionem flagitans miles, Patrio duce, (*horribile dictum!*) fractis ensibus per eandem viam ante pugnam fuit: & *in congressu* *omnium oculos*, hostis auctor fuit, nec prius quam cædibus datus, quam jugum & hostibus & ducto capto reposuerunt.

CAP. XVII. *Bellum Etruscum & Samnitium.*

HAstenus populus Romanus cum singulis gentium: mox acervatim: tamen sic quoque par omnibus. Etruscorum duodecim populi, Umbri in id tempus intacti, antiquissimus Italiae populus, Samnitiū reliqui, in excidium Romani nominis repente conjurant. Erat terror ingens tot simul tantorumque populorum, late per Etruriam infesta quatuor agminum signa volitabant. Ciminus interim saltus in medio, ante invius, plane quasi Calidonus, vel Hercynius, adeo tunc terrori erat, ut senatus consuli denunciaret, ne tantum periculi ingredi auderet. Sed nihil horum terruit ducem, quin fratre præmisso exploraret accessus. Ille per noctem pastorio habitu speculatus omnia, refert totum iter. Sic Fabius Maximus periculofissimum bellum periculo explicavit. Nam subito inconditos atque palantes aggressus est; captisq;

superi-

superioribus, in suisque fuerit deconit.
 Ea namque species fuit illius belli, quod in terri-
 genas e' celo de nubibus tela haurirentur. Nec in-
 cruenta tamen illa victoria, nam Pyrrhus in sinu
 vallis alter consulum Decur, more patris devo-
 tum diis manibus obtulit caput, & laetantemque
 familiae suae consecrationem in victoriae pretium
 redegit.

CAP. XVIII. *Bellum Tarentinum, & cum
 Pyrrho Rege.*

SEquitur bellum Tarentinum, unum quidem ti-
 tulo & nomine: sed victoria multiplex. Hoc
 enim Campanos, Apulos, atque Lucanos, & ca-
 put belli Tarentinos, id est totam Italiam, & cum
 istis omnibus Pyrrhum, clarissimum Graeciae re-
 gem, una veluti ruina pariter involvit: ut eodem
 tempore & Italiam consummaret, & transmar-
 ni triumphos auspicaretur. Tarentus Lacedae-
 moniorum opus, Calabriae quondam, & Apuliae,
 totiusque Lucaniae caput, cum magnitudine &
 muris, portuque nobilis, tum mirabilis situ: quip-
 pe in ipsis Adriatici maris faucibus posita, in o-
 mnes terras, Histriam, Illyricum, Epirum, Achai-
 am, Africam, Siciliam, vela dimittit. Imminet
 portui, ad prospectum maris positum, majus thea-
 trum: quod quidem causa miserae civitati fuit o-
 mnium calamitatum. Ludos forte celebrabant,
 quum adremigantem littori Romanam classem
 inde vident: atque hostem rati, emicant, sine dis-
 crimine insultant. *quienim, aut unde Romani?*
 nec satis: aderat sine mora querelam ferens lega-
 tio. hanc quoque foede per obscenam turpemque
 dictu contumeliam violant, ex hinc bellum. Sed ap-
 paratus horribilis, quum tot simul populi pro Ta-
 rentinis consurgerent, omnibusque vehementior
 Pyrrhus: qui semigracam ex Lacedaemoniis con-
 ditoribus civitatem vindicaturus, cum totius viri-
 bus Epiri, Thessaliae, Macedoniae, incognitisque
 in id tempus elephantis, mari, terra, viris, equis,
 armis,

armis, addito insuper ferarum terrore, veniebat. Apud Heracleam, & Campaniæ fluvium Lirim, Levino consule, prima pugna: quæ tam atrox fuit, ut Frentanæ turmæ præfectus Obsidius inventus in regem, turbaverit, coëgeritque projectis insignibus prælio excedere. Actum erat, nisi elephantum conversi in spectaculum belli procurrissent: quorum cum magnitudine, tum deformitate, & novo odore sibi belluas amplius quam erant suspicarentur, fugam stragemque late dederunt. In Apulia deinde apud Asculum melius dimicatum est, Curio, Fabricioque consulibus. jam quippe belluarum terror exoleverat, & Caius Minucius quartæ legionis hastatus, unius proboscide abscissa, mori posse belluas ostenderat. Itaque & in ipsas pila congesta sunt, & in turres vibratæ faces tota hostium agmina ardentibus ruinis operuere: nec ante cladi finis fuit, quam nox dirimeret, postremusque fugientium ipse rex à satellitibus humero saucius in armis suis referretur. Lucaniæ suprema pugna sub Arufinis, quos vocant, campis, ducibus iisdem qui superius: sed tunc ad totam victoriam, exitum, quem datura virtus fuit, casus dedit. Nam productis in primam aciem rursus elephantis, unum ex his pullum adacti in caput teli gravis ictus avertit: qui quum per stragem suorum percurrrens, stridore quereretur, mater agnovit, & quasi vindicaret, exiit. tum omnia circa quasi hostilia gravi timore permiscuit, ac sic eadem feræ, quæ primam victoriam abstulerant, secundam parem fecerant, tertiam sine controversia tradidere. Nec vero tantum armis, & in campis, sed consiliis quoque & domi intra Urbem cum rege Pyrrho dimicatum est. Quippe post primam victoriam rex calidus, intellecta virtute Romana statim desperavit armis: seque ad dolos contulit. Nam interemtis cremavit: captivosque indulgenter habuit, & sine pretio restituit. Missisque deinde legatis in Urbem, omni modo annixus est, ut in amicitiam reciperetur. Sed bello & pace, fo-

ris & domi, omnem in partem Romana virtus
 tum se adprobavit: nec alia magis, quam Taren-
 tina victoria ostendit populi Romani fortitudi-
 nem, senatus sapientiam, ducum magnanimita-
 tem. Quinam illi fuerunt viri, quos ab elephantis
 primo prælio obtritos accepimus? omnium vul-
 nera in pectore: quidam hostibus suis immortui:
 omnium in manibus enses: & relictæ in vultibus
 minæ: & in ipsa morte ira vivebat. Quod adeo
 Pyrrhus miratus est, ut diceret: *O quam facile erat*
orbis imperium occupare, aut mihi Romanis militi-
bus, aut me rege Romanis? Quæ autem eorum,
 qui superfuerunt, in reparando exercitu festina-
 tio? quum Pyrrhus, *Video me, inquit, plane Hercu-*
lis sydere procreatum, cui quasi ab angue Lernaeo, tot
caesa hostium capita de sanguine suo renascuntur.
 Qui autem ille senatus fuit? quum perorante Ap-
 pio Cæco, pulsus cum muneribus suis ab Urbe lega-
 ti, interroganti regi suo, quid de hostium sede sen-
 tirent, *Urbem templum sibi visam, senatum regum*
confessum esse, confiterentur. Qui porro ipsi duces?
 vel in castris: quum medicum venale regis Pyr-
 rhi caput offerentem, Curius remisit: Fabricius ob-
 latam sibi à rege imperii partem repudiavit. vel
 in pace: quum Curius fictilia sua Samnitico præfer-
 ret auro; Fabricius decem pondo argenti circa Ru-
 finum consularem virum, quasi luxuriam censo-
 ria gravitate damnet. Quis ergo miretur his mō-
 ribus, virtute, militia, victorem populum Roma-
 num fuisse? unoque bello Tarentino intra qua-
 driennium maximam partem Italiæ, fortissimas
 gentes, opulentissimas urbes, uberrimasque regio-
 nes in ditionem rede gisse? Aut quid adeo fidem
 superet, quam si principia belli cum exitu conse-
 quantur? Victor primo prælio Pyrrhus, tota tre-
 mēte Campania, Lirim, Fregellasque populatus,
 prope captam Urbem à Prænestina arce prospex-
 it: & à vicesimo lapide, oculos trepidæ civitatis,
 fumo ac pulvere implevit. Eodem postea bis ex-
 to castris, bis laucio, & in Græciam suam trans
 mare

ac terras fugato, pax & quies; sed tanta adeo de opulentissimis tot gentibus spolia, ut victoriam suam Roma non caperet. Nec enim temere ullus pulchrior in Urbem, aut speciosior triumphus intravit. Ante hunc diem nihil, nisi pecora, Volscorum, greges Sabinorum, carpenta Gallorum, fracta Samnitum arma vidisses: tum si captivos aspiceres; Molossi, Thessali, Macedones, Bruttii, Apulus, atque Lucanus; si pompas, aurum, purpura, signa, tabulæ, Tarentinæque deliciae. Sed nihil libentius Populus Romanus aspexit, quam illas quas timuerat, cum turribus suis belluas: quæ non sine sensu captivitatis, summissis cervicibus, victores equos sequebantur.

C A P. XIX. *Bellum Picenum.*

OMnis mox Italia pacem habuit. Qui enim post Tarentum auderent nisi quod ultro persequi socios hostium placuit. Domiti ergo Picentes, & caput gentis Asculum; Sempronio duce: qui tremante inter prælium campo, Tellurem deam, promissa æde, placavit.

C A P. XX. *Bellum Sallentinum.*

SAllentini Picentibus additi, caputque regionis Brundisium cum inclyto portu, Marco Atilio duce. Et in hoc certamine, victoriæ pretium templum sibi pastoria Pales ultro poposcit.

C A P. XXI. *Bellum Volsinense.*

Postremi Italicorum in fide mansere Volsini, opulentissimi Etruscorum, implorantes opem adversus servos quondam suos: qui libertatem à dominis datam; in ipsos erexerant: translataque in se republica, dominabantur. Sed hi quoque, dæce Fabio Gurgite, pœnas dederunt.

C A P. XXII. *De Seditionibus.*

Hæc est secunda ætas populi Romani, & quasi Adolescentia; qua maxime viruit, & quodam flore virtutis exarsit, ac ferbuit. Ita, quæ inerat, quædam adhuc ex pastoribus feritas, quiddam spirabat indomitum. Inde est, quod exercitus Posthumium Imperatorem, infocantem, quas pro-

promiserat prædas, facta in castris seditione, lapidavit: quod sub Appio Claudio noluit vincere hostem, quum posset: quod duce Volerone, detestantibus plerisque militiam, fracti consulis fascēs: inde, quod clarissimos principes; quum adversarentur voluntati suæ, exultatione multavit, ut, Coriolanum colere agros jubentem: nec minus ille ferociter injuriam armis vindicasset, nisi quod jam inferentem signa filium, mater Veturia lacrimis suis exarmavit, ut ipsum Camillum, quod ini-que inter plebem & exercitum divisisse Vejentem prædam videretur. Sed hic melior obsessis, in capta Urbe consenuit: & mox supplices de hoste Gallo vindicavit. Cum Senatu quoque vehementius æquo bonoque certatum est; adeo, ut relictis sedibus solitudinem & interitum patriæ suæ minaretur.

CAP. XXIII.

Prima discordia ob impotentiam fœneratorum, quibus in terga quoque serviliter sævientibus, in Sacrum montem plebs armata secessit: ægregque, nec nisi Tribunos impetrasset, Menenii Agrippæ facundi & sapientis viri auctoritate, revocata est. Extat orationis antiquæ satis efficax ad concordiam fabula, qua *dissedisse inter se quondam humanos dixit artus, quod omnibus opere fungentibus, solus venter immunis ageret: deinde moribundos à se-junctione redisse in gratiam, quando sensissent, quod ejus opera redactis in sanguinem cibus irrigarentur.*

CAP. XXIV.

Secundam in Urbe media, decemviratus libido conflavit. Allatas à Græcia leges, decem principes lecti, jubente populo conscripserant: ordinataque erat in duodecim tabulis tota justitia: quum tamen traditos fascēs regio quodam furore retinebant. Ante cæteros Appius eo insolentiæ elatus est, ut ingenuam virginem stupro destinaret, oblitus & Lucretiæ, & regum, & juris quod ipse composuerat. Itaque quum oppressam judicio filiam tra-

hi in servitutem videret Virginius pater, nihil cuius status, in medio foro manu sua interfecit: ad mortisque signis commilitonum, totam eam dominationem obsessam armis, in carcerem & catenas ab Aventino monte detraxit.

CAP. XXV.

Tertiam seditionem excitavit matrimoniorum dignitas; ut plebei cum patriciis jungerentur: qui tumultus in monte Janiculo, duce Canuleio Tribuno plebis, exarsit.

CAP. XXVI.

Quartam honorum cupido, ut plebei quoque magistratus crearentur. Fabius Ambustus durarum pater, alteram Sulpicio patricii sanguinis dederat, alteram plebeio Stolori. hæc quodam tempore, quod licitoræ virgæ sonum ignotum penatibus suis expaverat, à sorore satis insolenter irrita, injuriam non tulit. Itaque nactus tribunatum, honorum & magistratuum consortium, quamvis invito senatui extorsit. Verum in his ipsis seditionibus principem populum non immerito suspexit. Siquidem nunc libertatem, nunc pudicitiam, tum natalium dignitatem, honorum decora & insignia vindicavit; interque hæc omnia, nullius acrior custos, quam Libertatis fuit; nullaque in pretium ejus potuit largitione corrumpi; quum, ut in magno, & in dies majore populo, interim perniciosi cives existerent. Spurius Cassium, Agraria lege; Mælium, largitione suspectum regie dominationis, præsentis morte multavit. ac de Spurio quidem supplicium pater ipsius sumpsit: hunc Quinctii dictatoris imperio, in medio foro magister equitum Servilius Ahala confodit. Manlium vero Capitolii vindicem, quia plerosque debitorum liberaverat, altius se & incivilius efferentem, ab illa quam defenderat, arce dejecit. Talis domi ac foris; talis pace belloque Populus Romanus, fretum illud Adolescentiæ, id est, secundam imperii ætatem habuit; in qua totam inter Alpes fretumque Italiam armis subegit.

LIBER II.

CAP. I. *Præmium.*

Omnia subactaque Italia, Populus Romanus prope quingentesimum annum agens, quum bona fide adolevisset; si quod est robur, si qua juvenitas: tum ille vere robustus, & juvenis, & par orbi terrarum esse cœpit. Ita (mirum, & incredibile dictum) qui prope quingentis annis domi luctatus est (adeo difficile fuerat dare Italiæ caput) his ducentis annis, qui sequuntur, Africam, Europam, Asiam, totum denique orbem terrarum bellis victoriisque peragravit.

CAP. II. *Primum bellum Punicum.*

Igitur victor Italiæ Populus, quum à terra fretum usque venisset, more ignis, qui obvias populatus incendio silvas, interveniente flumine abruptitur paulisper substitit. Mox quum videret opulentissimam in proximo prædam, quodammodo Italiæ suæ abscissam, & quasi revulsam; adeo cupiditate ejus exarsit, ut quatenus nec jungi, nec pontibus posset, armis belloque iungenda, & ad continentem suum revocanda bello videretur. Sed ecce ultro ipsis viam pandentibus fatis, nec occasio defuit; quum de Pœnorum impotentia, fœderata Siciliæ civitas Messana quæreretur. Affectabat autem ut Romanus, ita Pœnus Siciliam; & eodem tempore, paribus uterque votis ac viribus, imperiû orbis agitabat. Igitur specie quidem socios juvandi, re autem sollicitante præda; quanquã terricaret novitas rei, (tanta tamen in virtute fiducia est) ille rudis, ille pastorius populus, vereq; terrester, ostendit nihil interesse virtutis, equis an navibus, terra an mari dimicaretur. Appio Claudio consule primum, fretum ingressus est: fabulosis infame monstris, æstuque violentum: sed adeo non est exterritus, ut illam ipsam ruentis æstus violentiam pro munere amplecteretur: statimque ac sine mora Hieronem Sy-

racusanum regem tanta celeritate vicit, ut ille ipse
 se prius victum, quam hostem videret, fateretur.
 Duillio Cornelioque consulibus, etiam mari con-
 gredi ausus est. Tum quidem ipsa velocitas classis
 comparata, auspiciū fuit. Intra enim sexagesi-
 mum diem quam cæsa silva fuerat, centum sexa-
 ginta navium classis in anchoris stetit; ut non arte
 facta, sed quodam munere deorum conversæ in
 naves, atque mutatae arbores viderentur. Prælii
 vero forma mirabilis: quum illas celeres volucres-
 que hostium naves, hæ graves tardaæque compre-
 henderent. Longe illis nauticæ artes, detorquere
 remos, & ludificari fuga rostra. Injectæ enim fer-
 reæ manus, machinæque aliæ, ante certamen mul-
 tum ab hoste derisæ: coactique hostes quasi in so-
 lido decernere. Victor ergo apud Liparas, mersa
 & fugata hostium classe, primum illum mariti-
 mum egit triumphum. Cujus quod gaudium fuit?
 quum Duillius Imperator, non contentus unius
 diei triumpho, per vitam omnem, ubi a cæna re-
 dired, præluce funalia, præcinere sibi tibias jus-
 sit, quasi quotidie triumpharet. Præ tanta victo-
 ria leve hujus prælii damnum fuit. Alter consulum
 interceptus Asina Cornelius; qui simulato col-
 loquio evocatus, atque ita oppressus fuit; perfidi-
 æ Punjæ documentum. Calatino dictatore,
 fere omnia præsidia Pænorum, Agrigento, Dre-
 panis, Panormo, Eryce, Lilybæo detraxit. Trep-
 datum est semel circa Camerinensium saltum: sed
 eximia virtute Calpurnii Flammæ tribuni militum
 evasimus, qui lecta trecentorum manu, infestum
 & infestum ab hostibus tumulum occupavit, ad-
 eoque moratus hostem, dum exercitus omnis eva-
 deret: ac sic pulcherrimo exitu, Thermopyla-
 rum & Leonidæ famam adæquavit: hoc illustrior
 noster, quod expeditioni tantæ superfuit & super-
 vixit, licet nihil scripserit sanguine. Lucio Corne-
 lio Scipione, quum jam Sicilia suburbana esset po-
 puli Romani provincia; serpente latius bello, Sar-
 diniam annexamque Corsicam transiit: ubi & sic
 Caralæ

Caralæ urbis excidio incolas terruit; adeoque omnes terra, mari Pœnos expugnauit, ut jam victoriæ nihil nisi Africa ipsa restaret. Marco Attilio Regulo duce jam in Africam navigabat bellum. nec deerant, qui ipso Punici maris nomine ac terrore deficerent, augente insuper Tribuno Mannio metum: in quem, nisi paruisset, securi districta, Imperator metu mortis navigandi fecit audaciam. Mox ventis remisque properatum est: tantusque terror hostici adventus Pœnis fuit, ac apertis pæne portis Carthago caperetur. Prima belli præmium fuit civitas Clypea: prima enim à Punico littore quasi arx & specula procurrit. Et hæc, & trecenta amplius castella vastata sunt. Nec cum hominibus, sed cum monstris quoque dimicatum est; quum quasi in vindictam Africæ nara, miræ magnitudinis serpens, posita apud Bragadam castra vexaret. Sed omnium victor Regulus, quum terrorem nominis sui late circumtulisset; quumque magnam vim iuventutis, ducesque ipsos, aut cecidisset, aut haberet in vinculis: classemque ingenti præda onustam, & triumpho gravem, in Urbem præmisisset; jam ipsam belli caput Carthaginem urgebat obsidio, ipsisque portis inhærebat. Hic paululum circumacta fortuna est, tantum, ut plura essent Romanæ virtutis insignia: cujus fere magnitudo calamitatibus approbatur. Nam conuersis ad externa auxilia hostibus; quum Xanthippum illis ducem Lacedæmon misisset, à viro militiæ peritissimo vincimur. Tum fœda clade, Romanisque usu incognita, vivus in manus hostium venit fortissimus imperator. Sed ille quidem par tantæ calamitatis fuit. Nam nec Punico carcere infractus est, nec legatione suscepta. quippe diversa, quam hostes mandauerant, censuit; ne pax fieret, ne commutatione captivorum reciperetur. Sed nec illo voluntario ad hostes suos reditu, nec ultimo, siue carceris, siue crucis supplicio deformata majestas, imo his omnibus admirabilior, quid aliud quam victus de victoribus, atque etiam,

quia Carthago non cesserat, de fortuna triumphavit? Populus autem Romanus multo acrior infestiorque pro ultione Reguli, quam pro victoria fuit. Metello igitur consule spirantibus altius Pœnis, & reverso in Siciliam bello, apud Panormum sic hostes cecidit, ut nec amplius eam insulam concitarent. Argumentum ingentis victoriæ, centum circiter elephantorum captivitas: sic quoque magna præda, si gregem illum non bello, sed venatione cepisset. Appio Claudio consule, non ab hostibus, sed à diis ipsis superatus est, quorum auspicia contempserat; ibi statim classe demersa, ubi ille præcipitari pullos jusserat, quod pugnare ab his vetaretur. Marco Fabio Buteone consule, classem hostium in Africo mari apud Ægimurum, jam in Italiâ ultro navigantē cecidit. Quantus o tunc triumphus tempestate intercidit, quum opulenta præda classis, adversis acta ventis, naufragio suo Africam & Syrtes, omnium imperia gentium insularum littora, implevit! Magna clades, sed non sine aliqua principis populi dignitate; interceptâ tempestate victoriam, & triumphum periisse naufragio: & tamen, quum Punicæ prædæ omnibus promontoriis insulisque frustrarentur & fluitarent, populus Romanus triumphavit. Lutatio Catulo consule tandem bello finis impositus, apud insulas, quibus nomen Ægates. Nec major alias in mari pugna; quippe commeatibus, exercitu, propugnaculis, armis gravis hostium classis, & in ea quasi tota Carthago: quod ipsum exitio fuit. Romana classis prompta, levis, expedita, & quodam genere castrensis: ad similitudinem pugnae equestris, sic remis, quasi habenis agebatur: & in hos vel in illos mobiliarostia, speciem viventium præferebant. Itaque momento temporis laceratæ hostium rates, totum inter Siciliam Sardiniamque pelagus naufragio suo operuerunt. Tanta denique fuit illa victoria, ut de excindendis hostium mœnibus non quæreretur. Supervacuum visum est, in arcem murosque sævire, quum jam in mari esset deleta Carthago.

CAP. III. *Bellum Ligusticum.*

Peracto Punico bello, sequuta est brevis sane, & quasi ad recipiendum spiritum requies, argumentumque pacis, & bona fide cessantium armorum, tunc primum post Numam clausa porta Iani fuit: sed statim ac sine mora patuit. Quippe jam Ligures, jam Insubres Galli, nec non & Illyrii lacescebant. sic desub Alpibus, id est, desub ipsis Italiz faucibus, gentes, deo quodam assidue incitante, ne rubiginem ac situm scilicet arma sentirent, denique utrique quotidiani, & quasi domestici hostes tirocinia militum imbuebant. nec aliter utraque gente quam quasi core quadam, populus Romanus ferrum suæ acuebat virtutis. Ligures imis Alpium jugis adhærentes inter Varum & Macræ flumen, implicitosque dumis silvestribus, major aliquanto labor erat invenire, quam vincere. Turilicis, & fuga, durum atque velox genus, ex occasione magis latrocinia, quam bella faciebat. Itaque quum diu multumq; eluderent Salyi, Deceates, Oxybii, Euburiates, Ingauni, tandem Fulvius latebras eorum ignibus sepsit: Bæbius in plana deduxit: Posthumius ita exarmavit, ut vix reliquerit ferrum quo terra coleretur.

CAP. IV. *Bellum Gallicum.*

Gallis Insubribus, & his accolis Alpium, animi ferarum, corpora plusquam humana erant: sed experimento deprehensum est quippe, sicut primus impetus eis major quam virorum est, ita sequens minor quam feminarum. Alpina corpora humenti cœlo educata, habent quiddam simile cum nivibus suis: quæ mox ut caluere pugna, statim in sudorem eunt; & levi motu, quasi sole, laxantur. Hi sæpe & alias, sed Britomaro duce, non prius soluturos se baltea, quam Capitolium ascendissent, juraverant. Factum est. victos enim Ænilius in Capitolio discinxit. Mox Ariovisto duce vovere de nostrorum militum præda Marti

sno torquem. Intercepit Juppiter votum, nam de torquibus eorum aureum trophæum Jovi Flaminus erexit. Viridomaro rege *Romana arma Vulcano* promiserant, aliorum vota ceciderunt, occiso enim rege, Marcellus tertio post Romulum patrem Feretrio Jovi arma suspendit.

CAP. V. *Bellum Illyricum.*

Illyrii, seu Liburni sub extremis Alpium radicibus agunt, inter Arsam, Tiriumque flumen, longissime pertorum Adriani maris littus effusi. Hi regnante Teutana muliere, populationibus non contenti, licentiæ scelus addiderunt. Legatos quippe nostros, ob ea quæ deliquerant, jure agentes, nec gladio quidem, sed ut victimas, securi percussunt. præfectos navium, igni comburunt, idque quo indignius foret, mulier imperabat. Itaque Cnæo Fulvio Centimalo duce, late domantur. Strictæ in principum colla secures, legatorum Manibus litavere.

CAP. VI. *Bellum Punicum secundum.*

Post primum Punicum bellum vix quadrienii requies, ecce alterum bellum: minus quidem spatio (nec enim amplius quam decem & octo annos habet) sed adeo cladum atrocitate, terribilius, ut si quis conferat damna utriusque populi, similior visio sit populus qui vicit. Urebat nobilem populum ablatum mare, captæ insulæ, dare tributa, quæ jubere consueverat. Hinc ultionem puer Annibal ad aram patri juraverat: nec morabatur. Igitur in causâ belli Saguntus deleta est; vetus Hispaniæ civitas & opulenta, fideique erga Romanos magnam quidem sed triste monumentum, quam in libertatem communi fœdere exceptam, Annibal causas novorum motuum quærens, & suis, & ipsorum manibus evertit, ut Italiam sibi rupto fœdere aperiret. Summa fœderum Romanis religio est: itaque ad auditum sociæ civitatis obsidium, memores isti cum Pœnis quoque fœderis, non sta-

tim ad arma procurrunt, dum prius more legitimo queri malunt. Interim jam novem mensibus fessi fame, machinis, ferro, versa denique in rabiem fide, immanem in foro excitant rogam: tum desuper se suosque cum omnibus opibus suis ferro & igni corrumpunt. Hujus tantæ cladis auctor Annibal poscitur. Tergiversantibus Pœnis, dux legationis, *Quæ, inquit, mora est?* Fabius. *In hoc ego sinu bellum pacemque porto: utrum eligitis?* Succlamantibus: *Bellum.* *Bellum igitur, inquit, accipite:* & excussio in mediam curiam togæ gremio, non sine horrore, quasi plane sinu bellum ferret, effudit. Similis exitus belli initio fuit nam quasi has inferias sibi Saguntinorum ultimæ diræ in illo publico parricidio incendioque mandassent; ita Manibus eorum, vastatione Italiæ, captivitate Africæ, ducum & regum, qui id gessere bellum, exitio parentatum est. Igitur ubi semel se in Hispania movit illa gravis & luctuosa Punici belli vis atq; tempestas; destinatumque Romanis jam diu fulmen, Saguntino igne conflavit: statim quodam impetu rapta, medias perfregit Alpes; & in Italiam ab illis fabulosæ altitudinis nivibus, velut cælo missa, descendit. Ac primi quidem impetus turbo inter Padum & Ticinum valido statim fragore detonuit. Tunc Scipione duce fusus exercitus, saucius etiam ipse venisset in manus hostium imperator, nisi protectum patrem prætextatus admodum filius ab ipsa morte rapuisset. Hic erit Scipio qui in exitium Africæ crescit, nomen ex malis ejus habiturus. Ticino Trebia succedit, hic securda belli Punici procella defævit, Sempronio consule. tunc callidissimi hostes frigidum & nivalem nacti diem, quum se ignibus prius oleoque fovissent (horribile dictu) homines à meridie & sole venientes nostra nos hieme vicerunt. Trasimenus lacus tertium fulmen Annibalis, imperatore Flaminio, ibi quoque ars nova Punicæ fraudis, quippe nebula lacus, palustribusq; virgultis tectus eques, terga subito pugnantium invasit. Nec de diis pos-

sumus queri, imminet quippe temerario duci
 cladem prædixerant infidentia signis examina, &
 aquilæ prodire nolentes, & commissam aciem se-
 quutus ingens terræ tremor: nisi illum horrorem
 soli, equitum virorumque discursus, & mota ve-
 hementius arma fecerunt. Quartum, id est, pene
 ultimum vulnus imperii Cannæ; ignobilis Apuliz
 vicus: sed magnitudine cladis emerfit; & quadra-
 ginta milliam cæde pacta nobilitas. Ibi in exitium
 infelicis exercitus, dux, terra, cælum, dies, tota
 denique rerum natura consensit. Siquidem non
 contentus simulatis transfugis Annibal, qui mox
 terga pugnantium ceciderunt, insuper callidissimus
 imperator, patentibus in campis, observato loci
 ingenio, quod & sol ibi acerrimus, & plurimus
 pulvis, & Eurus ab Oriente semper quasi ad con-
 stitutum, ita instruxit aciem, ut Romanis adver-
 sus hæc omnia obversis, quasi secundum cælum
 tenens, vento, pulvere, sole pugnaret. Itaque duo
 maximi exercitus cæsi ad hostium satietatem, do-
 nec Annibal diceret militi suo, *Parce ferro*. Du-
 cum effugit alter, alter occisus est: dubium uter
 majore animo. Paullum puduit, Varro non despe-
 ravit. Documenta cladis, cruentus aliquandiu Au-
 fidus: pons de cadaveribus, jussu ducis factus in
 mente Vergelli; modii duo anulorum Carthagi-
 nem missi, dignitasque equestris taxata mensura.
 Dubium deinde non erat, quin ultimum illum di-
 em habitura fuerit Roma, quantumque intra di-
 em epulari Annibal in Capitolio potuerit, si (quod
 Pœnum illum dixisse Adherbalem Bomilcaris
 ferunt) *Annibal quemadmodum sciret vincere,*
sic uti victoria scisset. Tum quidem illum, ut di-
 ci vulgo solet, aut fatum urbis imperaturæ, aut
 ipsius mens mala, & averſi à Carthagine dii, in
 diversum abstulerunt. Quum victoria posset uti,
 frui maluit, relictaque Roma, Campaniam Taren-
 tumque peragrarè: ubi mox & ipse, & exercitus
 ardor elanguit: adeo ut verum dictum sit; *Capuam*
Annibali Cannas fuisse. Siquidem in victum Alpi-
 bus,

bus, indomitum armis, Campaniæ (quis crederet?) soles, & tepentes fontibus Baiæ, subegerunt. Interim respirare Romanus, & quasi ab inferis emergere. Arma non erant; detracta sunt templis. deerat juvenus; in sacramentum militiæ liberata servitia, egebat ærarium: opes suas libens senatus in medium protulit; nec præter quod in bullis singulisque anulis erat, quicquam sibi aurireliquere. Eques sequutus exemplum, imitaturque equitem tribus, denique vix suffecere tabulæ, vix scribarum manus, Lævino Marcelloque consulibus, quum privatæ opes in publicum deferrentur. Quid autem in deligendis magistratibus, quæ centuriarum sapientia, quum juniores à senioribus consilium de creandis consulibus petivere? Quippe adversus hostem totiens victorem, tam callidum, non virtute tantum, sed suis etiam pugnare consiliis oportebat. Prima redeuntis, & ut sic dixerim, reviviscentis imperii spes Fabius fuit: qui novam de Annibale victoriam commentus est, non pugnare. Hinc illi cognomen novum, & Reipublicæ salutare, *Cunctator*. Hinc illud ex populo, ut *Imperii scutum* vocaretur. Itaque per Samnium totum, per Falernos Gauranosque saltus sic maceravit Annibalem, ut qui frangi virtute non poterat, mora comminneretur. Inde Claudio Marcello duce etiam congregi ausus est. Cominus venit, & pepulit in Campania sua, & ab obsidione Nolæ urbis excussit. Ausus & Sempronio Graccho duce per Lucaniam sequi, & premere terga cedentis: quamvis tunc (ô pudor!) manu servili pugnaret. Nam hucusque tot mala compulerant: sed libertate donati, fecerant de servitute Romanos. O horribilem in tot adversis fiduciam! ô singularem animum ac spiritum populi Romani! tam arctis afflictisque rebus, quum de Italia sua dubitaret, ausus est tamen in diversa respicere, quumque hostes in iugulo per Campaniam Apuliamque volitarent, mediamque de Italia Africam facerent; eodem tempore & hæc sustinebat, & in Siciliam, Sardiniam,

Hispaniam, divisa per terrarum orbem arma mittebat. Sicilia mandata Marcello, nec diu restitit. Tota enim insula in una urbe superata est. Grande illud, & ante id tempus, invictum caput Syracusæ, quamvis Archimedis ingenio defenderentur, aliquando cesserunt. Longe illi triplex murus, totidemq; arces, portus ille marmoreus, & fons celebratus Arethusæ: nisi quod hætenus profuere, ut pulchritudini victæ urbis parceretur. Sardiniam Gracchus arripuit. nihil illi gentium feritas, Infanorumque (nam sic vocantur) immanitas montium profuere. Savitum in urbes, urbemque urbium Caralim, ut gens contumax, vilisque mortis, saltem desiderio patrii soli domaretur. In Hispaniam missi Cnæus & Publius Scipiones, pæne totam Pœnis eripuerant; sed insidiis Punicæ fraudis oppressi rursus amiserunt, magnis quidē illi præliis, quum Punicas opes cecidissent: sed Punicæ insidiæ alterum ferro castra metantem, alterum quum evasisset in turrim, cinctum facibus oppresferunt. Igitur in ulcionem patris ac patruī missus cum exercitu Scipio, cui tam grande de Africa nomen fata decreverant, bellatricem illam, viris armisque nobilem Hispaniam, illam seminarium hostilis exercitus, illam Annibalis eruditricem, (incredibile dictu) totam à Pyrenæis montibus in Herculis columnas & Oceanum recuperavit: ne scias citius, an felicius, quam velociter, quatuor anni fatentur, quam facile, vel una civitas probat, eodem quippe, quo obsessa est die, capta est: omenque Africanæ victoriæ fuit, quod tam facile victa est Hispana Carthago. Certum est tamen, ad profligandā provinciam maxime profecisse singularem ducis sanctitatem: quippe qui captivos pueros, puellasque præcipuæ pulchritudinis, barbaris restituerit, ne in conspectum quidem suum passus adduci, nequid de virginittis integritate delibasse sal em oculis videretur. Hæc inter diversa terrarum populus Romanus: nec ideo tamen Italiæ visceribus in hærentem summovere poterat Annibalem,

balem. Pleraque ad hostem defecerant: & dux acerrimus contra Romanos Italicis quoque viribus utebatur. Jam tamen cum plerisque oppidis & regionibus excusseramus. Tarentum ad nos redierat: jam & Capua, sedes & domus, & patria altera Annibalis, tenebatur: cujus amissio tantum Pœno duci dolorem dedit, ut inde totis viribus Romanam converteretur. O populum dignum orbis imperio! dignum omnium favore, & admiratione hominum ac deorum! Compulsus ad ultimos metus, ab incepto non destitit & de sua Urbe sollicitus, Capuam tamen non omisit; sed parte exercitus sub Appio consule relicta, parte Flaccum in urbem sequuta, absens simul, præsensque pugnavat. Quid ergo miramur; moventi castra à tertio lapide Annibali, iterum ipsos Deos, Deos inquam, (nec fateri pudebit) restituisse? Tanta enim ad singulos illius motus vis imbrium effusa, tanta ventorum violentia coorta est, ut divinitus hostem summo veris; neque cælo, sed ab Urbis ipsius mœnibus, & Capitolio ferri videretur. Itaque fugit, & cessit, & in ultimum se Italiæ recepit sinum, quum Urbem tantum non adoratam reliquisset. Parva res dictu, sed ad magnanimitatem populi Romani probandam satis efficax: quod illis ipsis, quibus obsidebatur diebus, ager, quem Annibal castris infederat, venalis Romæ fuit, hastæque subiectus invenit emptorem. Voluit Annibal contra fiduciam imitari; subiecitque argentarias Urbis tabernas: nec sector inventus est, ut scias, etiam præfagia fatis fuisse. Nihil actum erat tanta virtute, tanto favore etiam deorum, siquidem Asdrubal frater Annibalis, cum exercitu novo, novis viribus, nova belli mole veniebat. Actum erat proculdubio, si vir ille se cum fratre junxisset, sed hunc quoque castrametantem Claudius Nero cum Livio Salinatore debellat. Nero in ultimo Italiæ angulo summovebat Annibalem. Livius in diversissimam partem, id est, in ipsas nascentis Italiæ fauces, signa converterat. Tanto id est, omni qua

longissima Italia, solo interjacente, quo consilio, qua celeritate, consules castra conjunxerint, inopinanterq; hostem collatis signis compresserint, neque id fieri Annibal senserit, difficile dictu est. Certe Annibal re cognita, quum projectum fratris caput ad sua castra vidisset, *Agnosco, inquit, infelicitatem Carthaginis.* Hæc fuit illius viri, non sine præfagio quodam fati imminentis, prima confessio. Jam certum erat, Annibalem, etiam ipsius confessione, posse vinci: sed tot rerum prosperarum fiducia plenus populus Romanus, magni aestimabat asperrimum hostem in sua Africa debellare. Duce igitur Scipione, in ipsam Africam tota mole conversus, imitari cœpit Annibalem, & Italiæ suæ clades in Africam vindicare. Quas ille (dii boni!) Asdrubalis copias, quos Syphacis exercitus fudit? quæ quantaque utriusque castra facibus illatis una nocte delevit? denique jam non à tertio lapide, sed ipsas Carthaginis portas obsidione quatiebat. Sic factum est, ut inhærentem atque incubantem Italiæ extorqueret Annibalem. Non fuit major sub imperio Romano dies, quam ille, quum duo omnium & antea & postea ducum maximi, ille Italiæ, hic Hispaniæ victor, collatis cominus signis direxere aciem. Sed & colloquium fuit inter ipsos de legibus pacis. Steterunt diu mutua admiratione defixi, ubi de pace non conveni, signa cecinere. Constat utriusque confessione, *nec melius instrui aciem, nec acrius potuisse pugnari.* Hoc Scipio de Annibalis, Annibal de Scipionis exercitu prædicaverunt. Sed tamen Annibal cessit; præmiumque victoriæ Africa fuit, & sequutus Africam statim terrarum orbis.

C A P. VII. *Bellum Macedonicum primum.*

POST Carthaginem vinci neminem puduit. Sequitur statim Africam gentes, Macedonia, Græcia, Syria, cæteraque omnia, quodam quasi æstu, & torrente fortunæ. Sed primi omnium Macedones, affectator quondam imperii populus, itaque

que quamvis tunc Philippus regno præfideret, Romani tamen dimicare sibi cum rege Alexandro videbantur. Macedonicum bellum nomine amplius, quam spectacione gentis fuit. Causa cœpit à scedere Philippi, quo rex jam pridem dominantem in Italia Annibalem sibi sociaverat: postea crevit, implorantibus Athenis auxilium contra regis injurias, quum ille ultra jus victoriæ in templa, aras, & sepulcra ipsa sæviret. Placuit senatui opem tantis ferre supplicibus. Quippe jam gentium reges, duces, populi, nationes, præsidia sibi ab hac urbe petebant. Primo igitur Lavino consule populus Romanus Ionium mare ingressus, tota Græciæ littora velut triumphanti classe peragravit. Spolia quippe Siciliæ, Sardinia, Hispaniæ, Africæ præferebat; & manifestam victoriam nata in prætoria puppe laurus pollicebatur. Aderat sponte in auxilium Attalus rex Pergamenorum, aderant Rhodii, nauticus populus: qui navibus à mari, consul à terris, omnia equis virisque quatiebat. Bis victus rex, bis fugatus, bis exutus castris: quum tamen nihil terribilius Macedonibus fuit ipso vulnerum aspectu: quæ non spiculis, non sagittis, nec ullo Græculo ferro, sed ingentibus pilis, nec minoribus adaucta gladiis, ultra mortem patebant. Enimvero Flaminio duce invios antea Chaonum montes, Aoumque amnem per abrupta vadentem, id est, ipsa Macedoniæ claustra penetravimus. Introisse, victoria fuit, nam nunquam postea ausus congregi rex, ad tumulos, quos Cynocephalas vocant, uno, ac ne hoc quidem justo prælio opprimitur. Et illi quidem consul pacem dedit, regnumque concessit: mox, ne quid esset hostile, Thebas, & Eubæam, & grassantem sub Nabide suo Lacedæmonia compescuit. Græciæ vero veterem statum reddidit, ut legibus viveret suis, & avita libertate frueretur. Quæ gaudia, quæ vociferationes fuerunt, quum hoc forte Nemeæ in theatro, quinquennialibus ludis à præcone caneretur? quo certavere plausu? quid florum in consulem profuderunt?

derunt? Et iterum iterumque præconem repetere illam vocem jubebant, qua libertas Achaiae pronuntiabatur: nec aliter illa consulari sententia, quam modulatissimo aliquo tibiarum, aut fidium cantu, fruebantur.

C A P. VIII. *Bellum Syriacum regi: Antiochi.*

MAcedoniam statim, & regem Philippum Antiochus excepit, quodam casu, quasi industria, sic adgubernante fortuna, ut quemadmodum ab Africa in Europam, sic ab Europa in Asiam, ultro se suggerentibus causis, imperium procederet, & cum terrarum orbis situ, ipse ordo victoriarum navigaret. Non aliud formidolosius fama bellum fuit: quippe quum Persas, & orientem, Xerxem, atque Darium cogitarent; quando perfossi invii montes, quando velis opertum mare nunciaretur. ad hoc cœlestes minæ territabant, quum humore continuo Cumanus Apollo sudaret. Sed hic faventis Asiæ suæ numinis timor erat. Nec sane viris, opibus, armis, quicquam copiosius Syria: sed in manus tam ignavi regis inciderat; ut nihil fuerit in Antiocho speciosius, quam quod à Romanis victus est. Impulere regem in id bellum, illinc Thoas *Ætolia* princeps, in honoratam apud Romanos querens adversus Macedones militiæ suæ societatem: hinc Annibal, qui in Africa victus, profugus, & pacis impatiens, hostem populo Romano toto orbe quærebat. Et quod illud fuisset periculum, si se consiliis ejus rex tradidisset, id est, si Asiæ viribus usus fuisset miser Annibal? Sed rex suis opibus, & nomine regio fretus, satis habuit bellum movere. Europa jam dubio procul jure ad Romanos pertinebat. hic *Lysimachiam* urbem, in littore *Thracio* positam à majoribus suis, Antiochus ut hæreditario jure reposcebat. hoc velut fidere, Asiatici belli mota tempestas. Et maximus regum contentus fortiter indixisse bellum, quum ingenti strepitu ac tumultu movisset ex Asia, occupatis statim insulis, Græciæque littoribus, etia

& luxus tanquam victor agitabat. Eubœam insulam continenti adhærentem tenui freto, reciprocantibus aquis Euripus abscidit. Hic ille positis aureis sericisque tentoriis, sub ipso freti murmure, quum iuter fluentia tibiis fidibusque concineret, collatis undique, quamvis per hiemem, rosis, ne non aliquo ducem genere agere videretur, virginum puerorumque delectus habebat. Talem ergo regem jam sua luxuria debellatum, populus Romanus Acilio Glabrione consule, in insula aggressus, ipso statim adventus sui nuncio coëgit ab insula fugere. Tum præcipitem apud Thermopylas assequutus, locum trecentorum Laconum speciosa cæde memorandum, ne ibi quidem fiducia loci resistentem, mari ac terra cedere coëgit. Statim & evestigio itur in Syriam. Classis regia Polyxenidæ Annibalique commissa, nam rex prælium nec spectare poterat, igitur duce Emilio Regillo, adremigantibus Rhodiis, tota laceratur. Ne sibi placeant Athenæ; in Antiocho, vicinus Xerxem; in Anilio, Themistoclem æquavimus; Ephesiis, Salamina pensavimus. Tum consule Scipione, cui frater, ille modo victor Carthaginis Africanus voluntaria legatione aderat, debellari regem placet: & jam toto cesserat mari, sed nos imus ulterius. Mæandrum ad amnem, montemque Sipyllum, castra ponuntur. Hic rex, incredibile dictu, quibus auxiliis, quibus copiis confederat, trecenta millia peditum; equitum, falcatorumque; curruum non minor numerus. Elephantis ad hoc immensæ magnitudinis, auro, purpura, argento, & suo ebore fulgentibus, aciem utrinque vallaverat. Sed hæc omnia præpedita magnitudine sua; ad hoc imbre, qui subito superfusus, mira felicitate Persicos arcus corruperat: primum trepidatio, mox fuga, dehiuc triumphus fuerunt. Victo & supplici pacem atque partem regni dari placuit, eo libentius, quod tam facile cessisset.

CAP. IX. *Bellum Aetolicum.*

SYriatico bello successit, ut debebat, *Aetolicum*. Victo quippe Antiocho, Romanus faces Asiatici belli persequabatur. Ergo Fulvio Nobiliori mandata ultio est. Hic protinus caput gentis Ambraciam, regiam Pyrrhi, machinis quatit. Sequuta deditio est. Aderant Aetolorum precibus Attici, Rhodii: & meminerasus auxilii, sic placuit ignoscere. Serpsit tamen latius in proximos bellum, omnemq; late Cephalleniam, Zacynthon: & quicquid insularum in eo mari inter Ceraunios montes jugumq; Maleum, *Aetolici* belli accessio fuerunt.

CAP. X. *Bellum Histricum.*

Histri sequuntur Aetolos: quippe bellantes eos nuper adjuverant. & initia pugnae prospera hosti fuerunt, eademque exitii causa. Nam quum Cnæi Manlii castra cepissent, optimæque prædæ incubarent sepulantes, ac ludibundos plerosque, ac ubi essent, præ poculis nescientes, Appius Pulcher invadit. Sic cum sanguine & spiritu male partam revomuere victoriam. Ipse rex Apulo, equo impositus, quum subinde crapula & capitis errore lapsaret, captum sese vix & ægre, postquam experrectus est, didicit.

CAP. XI. *Bellum Gallogræcam.*

Gallogræciam quoque Syriaci belli ruina convolvit, fuerat inter auxilia regis Antiochi. An fuissent, an cupidus triumphus Manlius eos visos simulaverit, dubium est. Certe negatus est victori triumphus; quia causam belli non approbavit. Cæterum gens Gallogræcorum, sicut ipsum nomen indicio est, mixta, & adulterata reliquæ Gallorum, qui Brenno duce vastaverant Græciam: mox Orientem sequuti, in media Asia parte fuerunt. Itaque ut frugum semina mutato solo degenerant, sic illa genuina feritas eorum, Asiatica amœnitate mollita est. Duobus itaque præliis fusi fugatique

fugatique sunt: quamvis sub adventu hostis relictis sedibus, in altissimos se montes recepissent, quos Tolostobogi, Testolagique jam infederant. Utrique fundis sagittisque acti, in perpetuam se pacem dediderunt. Sed alligati miraculo quodam fuere, quum catenas moribus & ore tentassent, quum offocandas invicem fauces præbuissent. Nam Orgiagontis regis uxor à centurione stuprum passa, memorabili exemplo custodiam evasit, revulsumque militis caput ad maritum suum retulit.

CAP. XII. *Bellum Macedonicum secundum.*

Dum aliæ aliæque gentes, Syriaci belli sequuntur ruinam, Macedonia se rursus erexit. Fortissimum populum memoria & recordatio suæ nobilitatis agitabat: & successerat Philippo filius Perses; qui semel in perpetuum victam esse Macedoniam, non putabat ex gentis dignitate. Multo vehementius sub hoc Macedones, quam sub patre consurgunt. quippe Thracas in vires suas traxerant: atque ita industriam Macedonum, viribus Thracum; ferociam Thracum, disciplina Macedonum temperaverunt. Accessit his consilium ducis, qui situm regionum suarum summo speculatus Hæmo, positis per abrupta castris, ita Macedoniam suam armis ferroque vallaverat, ut non reliquisset aditum, nisi à cælo venturis hostibus videretur. Nam Marcio Philippo consule eam provinciam ingressus populus Romanus, exploratis diligenter accessibus, per Astrudem paludem, per acerbos dubiosque tumulos, illa quæ volucris quoque videbantur invia, accessit: regemque securum, & nihil tale metuentem, subita belli irruptione terruit. Cujus tanta trepidatio fuit, ut pecuniam omnem in mare jussit mergi, ne periret: classẽ cremari, ne incenderetur. Paulo consule quum majora & crebra essent imposita præsidia, per alias vias Macedonia deprensa est; summa quidem arte & industria ducis, quum alia minatus, alia irrephisset. Cujus adventus ipse adeo

terribilis

terribilis regi fuit, ut interesse non auderet, sed gerenda ducibus bella mandaverit. Absens ergo victus, fugit in maria, insulamque Samothracen, fretus celebri religione, quasi templa & aræ possent defendere, quem nec montes sui, nec arma potuissent. Nemo regum diutius amissæ fortunæ conscientiam retinuit, supplex quum scriberet ad imperatorem ab illo quo confugerat templo, nomenque epistolæ notaret suum, regem addidit. Sed nec reverentior captæ majestatis alius Paulo fuit. Quum in conspectum venisset hostis, in templum recepit, & convivii adhibuit, liberosque admonuit suos, ut fortunam, cui tantum liceret, revererentur. Inter pulcherrimos hunc quoque populus Romanus de Macedonia duxit atque vidit triumphum: quippe cujus spectaculo triduum impleverit. Primus dies signa tabulasque: sequens arma, pecunia; & transvexit: tertius captivos, ipsumque regem, attonitum adhuc, tanquam subito malo stupentem. Sed multo prius gaudium victoriæ populus Romanus, quam epistolis victoris perceperat, quippe eodem die, quo victus Perses in Macedonia, Romæ cognitum est. Duo juvenes candidis equis apud Iuturnæ lacum pulverem & cruorem abluebant, hi nunciavere, Castorem & Pollucem fuisse creditum vulgo, quod gemini fuissent: inter fuisse bello, quod sanguine maderent à Macedonia venire, quod adhuc anhelarent.

C A P. XIII. *Bellum Illyricum.*

Macedonici belli contagio traxit Illyrios. Ipsi quidem ut Romanum à tergo distringerent, à Perse rege conducti pecunia, militavere. Sine mora ab Anicio prætore subiguntur. Scordam caput gentis delesse suffecit, statim sequuta deditio est. Denique hoc bellum ante finitum est, quam geri Romæ nunciaretur.

C A P. XIV. *Bellum Macedonicum tertium.*

Quodam fato, quasi ita convenisset inter Perseos & Macedonas, ut tertio quoque vincerentur, eodem tempore utrique arma moverunt.

sed prior jugum excutit Macedo, aliquanto quam ante gravior, dum contemnitur. Causa belli prope erubescenda, quippe regnum pariter & bellum vir ultimæ fortis Andiscus invaserat; dubium liber an servus, mercenarius certe: sed quia vulgo ex similitudine Philippi, *Pseudophilippus* vocabatur, regiam formam, regium nomen, animo quoque regio implevit. Igitur dum hæc ipsa contemnit populus Romanus, Juventio prætor contensus, virum non Macedonicis modo, sed Thraciæ quoque auxiliis ingentibus validum, temere tentavit: invictusque à veris regibus, ab illo imaginario & scenico rege superatur. Sed consule Metello, amissum cum legione prætorem, plenissime ultus est. Nam & Macedoniam servitute multavit: & ducem belli deditum ab eo ad quem confugerat, Thraciæ regulo, in Urbem in catenis reduxit; hoc quoque illi in malis indulgente fortuna, ut de eo populus Romanus, quasi de vero rege triumpharet.

C A P. XV. *Bellum Punicum tertium.*

Tertium cum Africa bellum, & tempore exiguum, (nam quadriennio patratum est) & in comparatione priorum minimum labore: (non enim tam cum viris, quam cum ipsa urbe pugnatum est) sed plane maximum eventu: quippe eo tandem Carthago finita est. Atque si quis trium temporum momenta consideret, primo commissum bellum, profligatum secundo, tertio vero confectum est. Sed hujus causæ belli, quod contra fœderis legem adversus Numidas quidem semel parasset classem & exercitum, frequens autem Massinissæ fines terribabat. Sed huic bono socioque regi favebatur. Quum bellum sederet, de belli fine tractatum est. Cato inexpiabili odio delendam esse Carthaginem, & quum de alio consuleretur, pronuntiabat: Scipio Nasica servandam, ne metu ablato æmulæ urbis, luxuriari felicitas Urbis inciperet. Medium senatus elegit, ut urbs tantum loco moveretur. Nihil enim speciosius videbatur quam esse Carthaginem, quæ non timeretur. Igitur Manilio

nilio Cenſorinoque conſulibus, populus Romanus
 aggreſſus Carthaginem, ſpe pacis injecta, traditam
 à volentibus claſſem, ſub ipſo ore urbis incendit.
 Tum evocatis principibus, ſi ſalvi eſſe vellent, ut
 migrarent finibus, imperatum. Quod pro rei atrocitate
 adeo movit iras, ut extrema mallent. Complo-
 ratum igitur publice ſtatim, & pari voce cla-
 matum eſt, Ad arma. ſeditque ſententia, quoquo
 modo rebellandum: non quia ſpes ulla jam ſuper-
 eſſet, ſed quia patriam ſuam mallent hoſtium
 quam ſuis manibus everti. Qui rebellantium fue-
 rit furor, vel hinc intelligi poteſt, quod in uſum
 novæ claſſis teſta domuſque reſciderunt: in armo-
 rum officinis, aurum & argentum pro ære ferro-
 que conſlatum eſt: in tormentorum vincula, ma-
 tronæ crines ſuos contulerunt. Mancino deinde
 Conſule, terra marique fervebat obſidio. Operis
 portus nudatus; & primus, & ſequens, jam, & ter-
 tius murus; quum tamen Pyrsa, quod nomen arci
 fuit, quaſi altera civitas reſiſtebat. Quamvis pro-
 ſtigato urbis excidio, tamen fatale Africæ nomen
 Scipionum videbatur. Igitur in alium Scipionem
 converſa Reſpublica, ſinem belli repoſcebat. Hunc
 Paulo Macedonico procreatum, Africani illius
 magni filius, in decus gentis aſſumpſerat, hoc ſci-
 licet fato, ut quam urbem concuſſerat avus, nepos
 ejus everteret. Sed ut quammaxime mortiferi eſſe
 morſus ſolent morientium beſtiarum; ſic plus ne-
 gotii fuit cum ſemirutâ Carthagine, quam integra
 Compulſis in unam arcem hoſtibus, portum quo-
 que maris Romanus obſederat. Illi alterum ibi
 portum, ab alia urbis parte foderunt: nec ut fuge-
 rent, ſed quia nemo illos hac evadere poſſe crede-
 bat. Inde quaſi enata ſubito claſſis erupit: quum
 interim jam diebus, jam noctibus, nova aliqua
 moles, nova machina, nova perditorum homi-
 num manus, quaſi ex obruto incendio ſubita de
 cineribus flamma, prodibat. Deploratis noviffime
 rebus, quadraginta ſe millia virorum dederunt:
 quod minus credas, duce Aſdrubale. Quanto for-

tius femina, & uxor ducis? quæ comprehensis duobus liberis, à culmine se domus in medium misit incendium, imitata reginam, quæ Carthaginem condidit. Quanta urbs deleta sit, ut de cæteris taceam, vel ignium mora probari potest, quippe per continuos decem & septem dies vix potuit incendiū extingui, quod domibus ac templis suis sponte hostes immiserant: ut quatenus urbs eripi Romanis non poterat, triumphus arderet.

CAP. XVI. *Bellum Achaicum.*

Quasi sæculum illud everfionibus urbium curreret, ita Carthaginis ruinam statim Corinthus excepit, Achaïæ caput, Græciæ decus, inter duo maria, Ionium & *Ægeum*, quasi spectaculo exposita. Hæc (facinus indignum!) ante oppressa est, quam in numerum certorum hostium referretur. Critolaus causa belli: qui libertate à Romanis data adversus ipsos usus est: legatosque Romanos, dubium an & manu, certe oratione violavit. Igitur Metello, ordinanti tum maxime Macedoniam, mandata est ultio: & hinc Achaicum bellum, ac primum Critolai manum Metellus Consul, per patentes Elidis campos, toto cecidit Alpheo. Et uno prælio peractum erat bellum: jam & urbem ipsam terebat obsidio: sed (fata rerum!) quum Metellus dimicasset, ad victoriam Mummius venit. Hic alterius ducis Diæi late exercitum sub ipsis Isthmi faucibus fudit, geminosque portus sanguine infecit. Tandem ab incolis deserta civitas, direpta primum, deinde tuba præcinente, deleta est. Quid signorum, quid vestium, quidve tabularum raptum, incensum atque projectum est? Quantas opes & abstulerit & cremaverit, hinc scias, quod quicquid Corinthii æris toto orbe laudatur, incendio superfuisse comperimus. Nam & æris notam preciosiorem ipsa opulentissima urbis fecit injuria: quia incendio permistis plurimis statuis atque simulacris, æris, auri, argentique venæ in commune fluxere.

CAP. XVII. *Res in Hispania gestæ.*

UT Carthaginem Corinthus, ita Corinthum Numantia sequuta est. Nec deinde toto orbe quicquam intactum armis fuit. Postilla duo clarissima urbium incendia, late atque passim, nec per vices, sed simul pariter quasi unum undique bellum fuit; prorsus ut illæ urbes, quasi agitantibus ventis, diffudisse quædam belli incendia toto orbe viderentur. Hispaniæ nunquam animus fuit adversus nos universæ consurgere: nunquam conferre vires suas libuit, neque aut imperium experiri, aut libertatem tueri suam publice, alioquin ita undique mari Pyrenæoque vallata est, ut ingenio fitus nec adiri quidem potuerit. Sed ante à Romanis obsessæ est, quam se ipsa cognosceret; & sola omnium provinciarum vires suas, postquam victa est, intellexit. In hac prope ducentos per annos dimicatum est, à primis Scipionibus in Cæsarem Augustum, non continue nec cohærenter, sed prout causæ lacerant: nec cum Hispanis initio, sed cum Pœnis in Hispania, inde contagio & series causæque bellorum. Prima per Pyræneum jugum signa Romana Publius & Cnæus Scipiones intulerunt: præliisque ingentibus Annonem & Asdrubalem fratrem Annibalis ceciderunt: raptaque erat impetu Hispania, nisi fortissimi viri in ipsa sua victoria, oppressi Punica fraude cecidissent, terra marique victores. Igitur quasi novam integramque provinciam ultor patris & patrui Scipio ille, mox Africanus, invasit: isque statim capta Carthagine, & aliis urbibus, non contentus Pœnos expulisse, stipendiariam nobis provinciam fecit: omnem citra ultraque Iberam subjecit imperio: primusque Romanorum ducum, victor ad Gades & Oceani ora pervenit. Plus est provinciam retinere, quam facere: itaque per partes jam huc, jam illuc missi duces, qui ferocissimas, & ad id temporis liberas gentes, ideo impatientes jugi, multo labore, nec incruentis certaminibus servire docuerunt.

docuerunt. Cato ille Censorius Celtiberos, id est
robore Hispaniæ, aliquot præliis fregit. Gracchus,
pater ille Gracchorum, eosdem centum & quin-
quaginta urbium everfione multavit. Metellus ille
qui ex Macedonia cognomen meruit, quum & Ner-
to brigas, majori gloria pepercit. Lucullus Turdu-
los, atque Vaccæos. de quibus Scipio ille poste-
rior, singulari certamine, quum rex fuisset provo-
catus, optima retulerat. Decimus Brutus aliquan-
to latius, Celticos Lusitanosque, & omnes Callæ-
ciæ populos, formidatumque militibus flumen
Oblivionis: peragratoque victor Oceani littore,
non prius signa convertit, quam cadentem in ma-
ria solem, obrutumque aquis ignem, non sine quo-
dam sacrilegii metu & horrore, deprehendit. Sed
tota certaminum moles cum Lusitanis fuit & Nu-
mantinis, nec immerito. Quippe solis gentium Hi-
spaniæ duces contigerunt. Fuisset & cum omnibus
Celtiberis, nisi dux illius motus, initio belli oppres-
sus esset, summus vir astu & audacia, si res cessis-
set, Salondicus, qui hastam argenteam quatiens,
velut cælo missum, vaticinanti similis, omnium
in se mentes converterat. Sed quum pari temeri-
tate sub nocte castra consulis adiisset, juxta tento-
rium ipsum pilo vigilis exceptus est. Cæterum Lu-
sitanos Viriatus erexit, vir calliditatis acerrimæ:
qui ex venatore latro, ex latrone subito dux atque
imperator, &, si fortuna cessisset, Hispaniæ Ro-
mulus, non contentus libertatem suorum defen-
dere, per quatuordecim annos omnia citra ultra-
que Iberum & Tagum, igni, ferroque populatus;
castra etiam prætorum, & præsidum aggressus,
Claudiam Unimanum pæne ad internecionem ex-
ercitus cecidit, & insignia trabeis & fascibus no-
stris, quæ ceperat, in montibus suis trophæa fixit:
tandem etiam Fabius Maximus consul oppresse-
rat: sed à successore Pompilio violata victoria est.
quippe qui conficiendæ rei cupidus, fractum du-
cem, & extrema deditionis agitantem, per frau-
dem,

dem, & insidias, & domesticos percussores aggressus, hanc hosti gloriam dedit, ut videretur aliter vinci non potuisse.

CAP. XVIII. *Bellum Numantinum.*

Numantia, quantum Carthaginis, Capuæ, Corinthi opibus inferior; ita virtutis nomine & honore par omnibus, summumque, si viros estimemus, Hispaniæ decus. quippe quæ sine muro, sine turribus, modice edito in tumulo apud flumen Durium sita, quatuor millibus Celtiberorum, quadraginta millium exercitum, per annos quatuordecim sola sustinuit; nec sustinuit modo, sed saevius aliquanto perculit, pudendisque fœderibus affecit. Novissime quum invictam esse constaret, opus quoque eo fuit, qui Carthaginem everterat. Non temere, si fateri licet, ullius causa belli injustior. Segulences, socios & consanguineos, Romanorum manibus elapsos exceperant. habita pro eis deprecatio nihil valuit. quum se ab omni bellorum contagione removerent, in legitimi fœderis pretium jussi arma deponere. Hoc sic à barbaris acceptum, quasi manus abscinderentur. Itaque statim, Megara viro fortissimo duce, ad arma conversi, Pompeium prælio aggressi. fœdus tamen maluerunt, quum debellare potuissent. Hostilium deinde Mancinum. hunc quoque assiduis cædibus ita subegerunt, ut ne oculos quidem aut vocem Numantini viri quisquam sustineret. Tamen cum hoc quoque fœdus maluere, contenti armorum manubiis, quum ad internecionem favire potuissent. Sed non minus Numantini, quam Caudini illius fœderis flagrans ignominia ac pudore populus Romanus, dedecus quidem præsentis flagitii, deditio Mancini expiavit: cæterum duce Scipione, Carthaginis incendiis ad excidia urbium imbuto, tandem etiam in ultionem excanduit. Sed tunc acrius in castris, quam in campo, nostro cum milite, quam cum Numantino, præliandum fuit. Quippe assiduis & injustis & servilibus maxime operibus

operibus attriti, ferre plenius vallum, qui arma nescirent; luto inquinari, qui sanguine nollent, jubebantur. Ad hoc scorta, calones, sarcinae nisi ad usum necessariae, amputantur. Tanti esse exercitum, quanti imperatorem, vere proditum est. Sic redacto in disciplinam milite, commissa acies: quodque nemo visurum se unquam speraverat, factum est, ut fugientes Numantinos quisquam videret. Dedere etiam sese volebant, si toleranda viris imperaretur. Sed quum Scipio veram velleret & sine exceptione victoriam, eo necessitatum compulsi primum, ut destinata morte in praelium rue- rent, quum sese prius epulis, quasi inferiis, imple- vissent, carnis semicrudae, & celae: sic vocant in- digenam ex frumento potionem. Intellectum ab imperatore consilium: itaque non est permessa pugna morituris. Quum fossa, atque lorica, quatuor- que castris circumdatos, fames premeret; ab duce orantes praelium, ut tanquam viros occideret, ubi non impetrabant, placuit eruptio. sic conferta ma- nu plurimi occisi: & quum urgeret fames, aliquan- tis per inde vivere. novissime consilium fugae sedit: sed hoc quoque, ruptis equorum cingulis, uxores ademere, summo scelere, per amorem. Itaque de- plorato exitu, in ultimam rabiem furoremque conversi, postremo mori hoc genere destinarunt: duces suos, seque, patriamque, ferro & veneno, subiectoque undique igne peremerunt. Maeste for- tissimam, & meo iudicio beatissimam in ipsis ma- liscivitatem! asseruit cum fide socios, populum orbis terrarum viribus sultum, sua manu, aetate tam longa, sustinuit. Novissime, maximo duce oppressa civitas, nullum de se gaudium hosti reli- quit. Unus enim vir Numantinus non fuit qui in catenis duceretur. Praeda, ut de pauperibus, nulla: arma ipsi cremaverant, Triumphus fuit tantum de nomine.

CAP. XIX.

HAtenus populus Romanus pulcher, egregius, pius, sanctus, atque magnificus: reliqua se-
culi,

culi, ut grandia æque, ita vel magis turbida & fœda; crescentibus cum ipsa magnitudine imperii, vitiis: adeo ut si quis hanc tertiam ejus ætatem transmarinam, quam ducentorum annorum fecimus, dividat; centum hos priores, quibus Africam, Macedoniam, Siciliam, Hispaniam domuit, aureos (sicut poëtæ canunt) jure meritoque fateatur: centum sequentes, ferreos plane & cruentos, & si quid immanius: quippe qui Jugurthinis, Cimbricis, Mithridaticis, Parthicis bellis, Gallicis atq; Germanicis, quibus cælum ipsum gloria ascendit, Gracchanas, Drusianasque cædes, ad hoc Servilia bella miscuerunt: & nequid turpitudini desit, Gladiatoria. Denique, in se ipse conversus, Marianis, atque Sullanis, novissime Pompeii, & Cæsaris manibus, quasi per rabiem, & furorem, & nefas semet ipse laceravit. Quæ etsi involuta inter se, sunt omnia atque confusa: tamen quo melius appareant, simul & ne scelera virtutibus obstrepant, separatim proferentur: priusque, ut cœpimus, iusta illa, & pia cum exteris gentibus bella, memorabimus; ut magnitudo crescentis in dies imperii appareat, tum ad illa civium scelera, turpesque & impias pugnas revertemur.

C A P. XX. *Bellum Asiaticum.*

Victa ad Occasum Hispania, populus Romanus ad Orientē pacem agebat; nec pacem modo, sed inusitata & incognita quadam felicitate, relictæ regis hæreditatibus opes, & tota insimul regna veniebant. Attalus rex Pergamentorum, regis Eumenis filius, socii quondam commilitonisque nostri, testamentum reliquit: *Populus Romanus bonorum meorum hæres esto.* in bonis regis fuerant. Adita igitur hæreditate, provinciam populus Romanus, non quidem bello, nec armis; sed, quod est æquius, testamenti jure retinebat. Sed hanc, difficile dictu est, utrum facilius amiserit, an recuperaverit. Aristonicus regii sanguinis ferox juvenis, urbes regibus parere consuetas, partim facile

sol.

sollicitat : paucas resistentes, Myndum , Samon, Colophonem, vi recipit. Crassi quoque prætoris cecidit exercitum, ipsumque cepit. sed ille memor & familiæ, & Romani nominis, custodem sui barbarum virgula excæcat, in exitium sui quod volebat, ita concitat. Mox à Perperna domitus, & captus, & per deditiōem in vinculis habitus. Aquilius Asiatici belli reliquias confecit, mixtis (nefas!) veneno fontibus ad deditiōem quarundam urbium. Quæ res ut maturam, ita infamem fecit victoriam: quippe quum contra fas deum, moresque majorum, medicaminibus impuris, in id tempus sacrosancta Romana arma violasset.

LIBER III.

CAP. I. Bellum Jugurthinum.

✠✠✠✠✠ *Ec* ad Orientem, sed non ad Meridiana-
 ✠✠✠✠✠ nam plagam eadem quies. Quis spe-
 ✠✠✠✠✠ **H** raret post Carthaginem aliquod in
 ✠✠✠✠✠ Africa bellum? Atqui non leviter se
 ✠✠✠✠✠ Numidia concussit: & fuit in Jugurtha, quod post Annibalem timeretur. Quippe rex callidissimus populum Romanum armis inclytum, & invictum, opibus aggressus est: & citra spem omnium fortuna cessit, ut rex fraude præcipuus, fraude caperetur. Hic avo Masinissa, & Micipsa patre per adoptionem, quum interficere fratres statuisset, agitated regni cupiditate, nec illos magis, quam senatum populumq; Romanum, quorum in fide & clientela regnum erat, metueret: primum scelus mandat insidiis: potitusque Hiempsalis capite, quum se in Adherbalem convertisset, isque Romam profugisset, missa per legatos pecunia traxit in sententiam suam Senatum. Ethæc fuit de nobis ejus prima victoria. Missos deinde, qui regnum inter illum Adherbalemque dividerent, similiter aggressus, quum in Scauro ipsos Romani imperii mores expugnass-

set, inchoatum nefas perfecit audacius. Sed diu non latent scelera, corruptæ nefas legationis erupit: placuitque bello persequi parricidam. Primus in Numidiam Calpurnius Bestia Consul immittitur: sed rex, peritus, fortius adversus Romanos aurum esse quam ferrum, pacem emit. Cujus flagitii reus, quum interveniente publica fide à senatu accerferetur, pari audacia & venit, & competitor imperii Masinissæ Massivam immisso percussore consecit. Hæc altera contra regem fuit causa bellandi, igitur sequens ultio mandatur Albino. Sed hujus quoque (pro dedecus!) ita corruptit exercitum, ut voluntaria nostrorum fuga vinceret Numida, castrisque potiretur. addito etiam turpi scedere, in pretium salutis, quod prius emerat, dimisit exercitum. Eodẽ tempore in ultionem non tam imperii Romani, quam pudoris, Metellus affurgit: qui callidissime hostem nunc precibus, nunc minis, jam simulata, jam quasi vera fuga eludentem, artibus suis aggressus est. Agrorum atque vicorum populatione non contentus, in ipsa Numidiæ capita impetum fecit, & Zamam quidem frustra diu voluit; cæterum Thalam, gravem armis, thesauroque regis, diripuit. Tunc urbibus exutum regem, & jam finium suorum, regnique fugitivum, per Mauros atque Getuliam sequebatur. Postremo Marius auctis admodum copiis, quum pro obscuritate generis sui capite censos sacramento adegisset, jam fuscum & saucium regem adortus, non facilius tamen vicit, quam si integrum & recentem. Hic & urbem Herculi conditam Capsam in media Africa sitam, anguibus arenisque vallatam, mira quadam felicitate superavit: & saxeo inditam monti Mulucham urbem, per Ligurem, aditu arduo inaccessoque, penetravit. Mox non ipsum modo, sed Bocchum quoque Mauritaniz regem, jure sanguinis Numidam vindicantem, apud oppidum Cirtam graviter cecidit. Qui ubi, diffusus rebus suis, alienæ cladis accessio fieri timeret, pretium fœderis, atque amicitiz, regem facit,

icit. Sic fraudulentissimus regum, fraude soceri sui in insidias deductus est, & Sullæ in manum traditus; tandemque opertum catenis Iugurtham in triumpho populus Romanus aspexit. sed ille quoque, quamvis victus, & victus, vidit Urbem; quam venalem, & quandoq; perituram, si habuisset emptorem, frustra cecinerat. Tamen ut venalis fuisset, habuit emptorem: & quum ille non evaserit, certum erit eam non esse perituram.

CAP. II. *Bellum Allobrogicum.*

Sic ad meridiem populus Romanus. Multo atrocius, & multipliciter magis, & a Septemtrione lævitum. Nihil hac plaga infestius. Artrox cælum, perinde ingenio. Omni igitur tractu violentus hostis, a dextris atq; lævis, & medio Septemtrionis, erupit. Prima trans Alpes arma nostra sensere Salyi, quum de incursionibus eorum fidissima atque amicissima civitas Massilia quereretur. Allobroges deinde, & Arverni, quum adversus eos similes *Æluorum* querelæ opem & auxilium nostrum flagitarent. Varus victoriæ testis, Isaraque, & Vindelicus amnis, & impiger fluminum Rhodanus, Maximus barbaris terror elephantum fuere, immanitati gentium pares. Nil tam conspicuum in triumpho, quam rex ipse Bituitus, discoloribus in armis, argenteoque carpento, qualis pugnaverat. Utriusque victoriæ quod quantumque gaudium fuerit, vel hinc existimari potest, quod & Domitius *Ænobarbus*, & Fabius Maximus, ipsis quibus dimicaverant in locis, saxeas erexere turres, & desuper exornata armis hostilibus trophæa fixere: quum hic mos inusitatus fuerit nostris. Nunquam enim populus Romanus, hostibus domitis victoriam suam exprobravit.

CAP. III. *Bellum Cimbricum, Theutonicum, ac Tigurinum.*

Cimbri, Theutoni, atque Tigurini, ab extremis Galliæ profugi, quum terras eorū inundasset Oceanus, novas sedes toto orbe quærebant: exclu-

fique Gallia & Hispania, quum in Italiam remigarent, misere legatos in castra Silani; inde ad senatum, petentes, ut *Martius populus aliquid sibi terræ daret quasi stipendium: cæterum, ut vellet, manibus atque armis suis uteretur.* Sed quas daret terras populus Romanus agrariis legibus intra se dimicaturus? Repulsi igitur, quod nequiverant precibus, armis petere constituunt. Sed nec primum quidem impetum barbarorum Silanus, nec secundum Manlius, nec tertium Cæpio sustinere poterunt, omnes fugati, exuti castris. Actum erat, nisi Marius illi sæculo contigisset. Ille quoque non ausus congredi statim; militem tenuit in castris donec invicta illa rabies, & impetus, quem pro virtute barbari habent, consenesceret. Recessere igitur increpantes, & (tanta erat capiendæ Urbis fiducia) consulentes, *si quid ad uxores suas mandarent.* Nec segnius, quam minati fuerant, tripercito agmine per Alpes, id est claustra Italiæ, ferebantur. Marius mira statim velocitate occupatis compendiis, prævenit hostem. prioresque Theutonos sub ipsis Alpium radicibus assequutus, in locum, quem Aquas Sextias vocant, quo, fidem numinum! prælio oppressit? vallem fluviumque medium hostes tenebant, nostris aquarum nulla copia. consultone id egerit imperator, an errorem in consilium verterit, dubium. certe necessitate aucta virtus, causa victoriæ fuit. Nam flagitante aquam exercitu, *Viri inquit, estis, en illic habetis.* Itaque tanto ardore pugnatum est, eaque cædes hostium fuit, ut victor Romanus de cruento flumine non plus aquæ biberit, quam sanguinis Barbarorum. Certe rex ipse Theutobochus quaternos senosque equos transilire solitus, vix unum quum fugeret ascendit; proximoque in saltu comprehensus, insigne spectaculum triumphi fuit, quippe vir proceritatis eximiæ super trophæa ipsa eminebat. Sublatis funditus Theutonibus, in Cimbros convertitur. Hi jam (quis credere?) per hiemem, quæ altius Alpes levat, Tridentinis jugis in Italiam, pro-

provoluti ruina descenderant. Atesim flumen non ponte, nec navibus, sed quadam stoliditate barbara primum corporibus aggressi; postquam retinere amnem manibus & clipeis frustra tentaverant, ingesta obrutum silva transiluire: &, si statim infesto agmine Urbem petiissent, grande discrimen esset: sed in Venetia, quo fere tractu Italia mollissima est, ipsa soli cœlique clementia robur elanguit. ad hoc panis usu, carnisque coctæ, & dulcedine vini mitigatos, Marius in tempore aggressus est. Jam diem pugnae à nostro imperatore petierunt, & sic proximum dedit. In patentissimo, quem Radium vocant, campo procurrere. Millia inde ad sexaginta ceciderunt; hinc trecentis minus: per omnem diem conciditur barbarus. Istic quoque imperator addiderat virtuti dolum; sequutus Annibalem, artemque Cannarum: primum, nebulosum nactus diem, ut hosti inopertus occurreret; tum ventosum quoque, ut pulvis in oculos & ora ferretur; tum acie conversa in Orientem, ut, quod ex captivis mox cognitum est, ex splendore galearum, ac percussu, quasi ardere cœlum videretur. Nec minor cum uxoribus eorum pugna, quam cum ipsis fuit: quum objectis undique plaustris, atque carpentis, altæ desuper quasi è turribus, lanceis contisque pugnarent. Perinde speciosa mors earum fuit quam pugna. Nam quum missa ad Marium legatione, libertatem ac sacerdotium non impetrassent, (nec fas erat) suffocatis elisisque passim infantibus suis, aut mutuis concidere vulneribus, aut vinculo è crinibus suis facto, ab arboribus, jugisque plaustrorum pependerunt. Bojorix rex in acie dimicans, Impigre nec inultus occubuit. Tertia Tigurinorum manus, quæ quasi subsidio Noricos infederat Alpum tumulos, in diversa lapsi, fuga ignobili & latrociniiis evanuit. Hunc tam lætum, tamque felicem liberatæ Italiæ, assertique imperii nuncium, non per homines, ut solebat, populus Romanus accepit; sed per ipsos, sic credere fas est, deos. Quippe eodem die, quo ge-

ita res est, visi pro æde Castoris & Pollucis, juvenes laureati Prætori literas tradere: frequensque in spectaculo rumor, *Victoriæ Cimbricæ felicitæ*, dixit. Quo quid admirabilius, quid insignius fieri potest? Quippe velut elata montibus suis Roma spectaculo belli interesset, quod in gladiatorio munere fieri solet, uno eodemque momento quum in acie Cimbri succumberent, populus in urbe plaudebat.

C A P. IV. *Bellum Thracicum.*

Post Macedonas, si diis placet, Thraces rebellabant, ipsi quondam tributarii Macedonum: nec in proximas modo provincias contenti incurrere, Thessaliam, atq; Dalmatiam; in Adriaticum mare usque venerunt: eoque fine contenti, quasi interveniente natura, contorta in ipsas aquas tela miserant. Nihil interim per id omne tempus residuum crudelitatis fuit in captivos sævientibus: litare diis sanguinem humanum: bibere in ossibus capitum, & cujusque modi ludibrio fœdare mortem tam igni quam fumo: partus quoque gravidarum extorquere tormentis, Sævissimi omnium Thracum Scordisci fuere: sed calliditas quoque ac robur accesserat. Silvarum & montium situs cum ingenio consentiebant, itaque non fusus modo ab his, aut fugatus, sed (simile prodigio) omnino totus interceptus exercitus, quem duxerat Cato, Didius vagos, & libera populatione diffusos, intra suam repulit Thraciam. Drusus ulterius egit, & vetuit transire Danubium. Minucius toto vastavit Hebro, multis quidem amissis, dum per perfidum glacie flumen equitatur. Piso Rhodopen Caucasumque penetravit. Curio Dacia tenuis venit: sed tenebras saltuum expavit. Appius in Sarmatas usque pervenit; Lucullus ad terminum gentium Tanaïm, lacumque Mæotim. Nec aliter crauentissimi hostium quam suis moribus domiti, quippe in captivos igne ferroq; sævitum est. Sed nihil Barbaris atrocius visum est, quam quod abscissis manibus relictî, vivere superstites pœnæ suæ jubebantur.

CAP. V. *Bellum Mithridaticum.*

Ponticæ gentes ad Septemtrionem in mare finit-
 strum jacent, à Pontico cognominatæ mari.
 Harum gentium atque regionum rex antiquissi-
 mus *Aeras*: post Artabazes, à septem Persis ori-
 undus: inde Mithridates omnium longe maximus;
 quippe quum quatuor Pyrrho, decem & septem
 anni Annibali suffecerint; ille per quadraginta an-
 nos restitit, donec tribus ingentibus bellis subactus;
 felicitate Syllæ, virtute Luculli, magnitudine Põ-
 peii consumeretur. Causam quidem illius belli
 prætenderat apud Cassium legatum, *attrectari ter-
 minos suos à Nicomede Bithynico*: cæterum elatus
 animis ingentibus, Asiæ totius, & si posset, Euro-
 ropæ cupiditate flagrabat. Spem ac fiduciam da-
 bant nostra vitia. quippe quum civilibus bellis dis-
 jungeremur, invitabat occasio: nudumque impe-
 rii latus ostentabant procul Marius, Sylla, Serto-
 rius. Inter hæc Reipublicæ vulnera, & hos tumult-
 us, repente, quasi captato tempore, in lassos simul
 atque districtos, subitus turbo Pontici belli, ab ulti-
 ma veluti specula Septemtrionis erupit. Primus
 statim impetus belli Bithyniâ rapuit. Asia deinde
 pari terrore correpta est. Nec cunctantur ad regē
 ad urbibus nostris, populisque descitum est. Ad-
 erat, instabat, sæ vitia quasi virtute utebatur. Nam
 quid artocius uno ejus edicto, quum omnes, qui
 in Asia forent Romanæ civitatis homines inter-
 fici jussit? Tum quidem domus, templa & aræ,
 humana omnia atque divina jura violata sunt, Sed
 hic terror Asiæ, Europam quoque regi aperiebat.
 itaque missis Archelao Neoptolemoque præfests,
 excepta Rhodo, quæ pro nobis stetit, cæterum
 Cyclades, Delos, Eubœa, & ipsum Græciæ decus
 Athenæ, tenebantur. Italiam jam, ipsamque ur-
 bem Romam regius terror afflabat. Itaque Lucius
 Sylla festinat, vir armis optimus: parique violen-
 tia ruentem ulterius hostem, quadam quasi manu,
 repulit: primumque Athenas urbem (quis crede-

ret?) frugum parentem, obsidione, ac fame ad humanos cibos compulit. Mox subruto Piræei portu, sex quoque & amplius muris, postquam conuerat *ingratissimos*, ut ipse dixit, *hominum*, in honorem tamen mortuorum, sacris suis famæque donavit. Mox quum Eubœa, atque Bœotia, præsidia regis dispulisset, omnes copias, uno apud Chæroneam, apud Orchomenon altero bello dissipavit: statimque in Asiam transgressus, ipsum opprimit. & debellatum foret, nisi de Mithridate triumphare cito, quam vere maluisset. Ac tunc quidem hunc Asiæ statum Sylla dederat. Ictum cum Ponticis fœdus, recepit Bithyniam à rege Nicomede, ab Ariobarzane Cappadociam: ac sic erat Asia rursus nostra, ut cœperat: Mithridates tantum repulsus, itaque non fregit ea res Ponticos, sed incendit. Quippe rex Asia & Europa quodammodo inescatus, non jam quasi alienam, sed quia amiserat, quasi raptam belli jure repetebat. Igitur ut extincta parum fideliter incendia majore flamma reviviscunt, ita ille de integro, auctis majorem in modum copiis, tota denique regni sui mole, in Asiam rursus mari, terra, fluminibusque veniebat. Cyzicum nobilis civitas, arce, mœnibus, portu, turribusque marmoreis, Asiaticæ plagæ litora illustrat. hanc ille quasi alteram Romam toto invaserat bello: sed fiduciam oppidanis resistendi nuncius fecit, docens adventare Lucillum qui (horribile dictu!) per medias hostium naves utre suspensus, & pedibus iter adgubernans, videntibus procul quasi marina pistrinx evasetat. Mox clade conversa, quum ex mora obsidentem regem fames, & ex fame pestilentia urgeret, recedentem Lucillus assequitur: adeoque cecidit, ut Granicus & Ælæus amnes, cruenti redderentur. Rex callidus Romanæq; avaritiæ peritus, spargi à fugientibus sarcinas & pecuniam jussit, qua sequentes moraretur. Nec felicius in mari, quam in terra fuga, quippe centum amplius navium classem, apparatusque belli gravem, in Pontico mari aggressa

rempeſtas, tam ſæda ſtrage laceravit, ut navalis belli inſtar efficere: plane quaſi Lucullus quædam cum fluctibus procellisq; commercio, debellandum tradidiſſe regem ventis videretur. Attritæ jam omnes validiſſimi regni vires erant; ſed animus malis augebatur. Itaq; converſus ad proximas gentes, totum præ Orientem, ac Septemtrionem ruina ſua involvit. Iberi, Caſpii, Albani, & utræque ſollicitabantur Armeniæ: perque omnia & decus, & nomen, & titulos Pompeio ſua fortuna quærebat. Qui ubi novis motibus ardere Aſiam videt, alioſq; ex aliis prodire reges; nihil cunctandum ratus, priuſquam inter ſe gentium robora coirent, ſtatim ponte navibus factò, omnium ante ſe primus tranſit Euphratem: regemq; fugientem media naſtus Armenia (quanta felicitas viri!) uno prælio confecit. Nocturna ea dimicatio fuit, & luna in partibus, quippe quaſi commilitans, quum à tergo ſe hoſtibus à facie Romanis præbuiſſet, Pontici per errorem longius cadentes umbras ſuas quaſi hoſtium corpora petebant. Et Mithridates quidem nocte illa debellatus eſt, nihil enim poſtea valuit; quanquam omnia expertus, more anguium, qui obtrito capite, poſtremum cauda minantur. Quippe quum effugiſſet hoſtem Colchos, Sicilia quoque litora, & Campaniam noſtram ſubito adventu terrere voluit: mox ſubruto Pyraei portu, Colchis tenus jungere Boſphoron; inde per Thraciam, Macedoniam & Græciam tranſilire; ſic Italiam nec opinatus invadere, tantum cogitavit. nam per defectionem civium, Pharnacisq; filii ſcelere præventus, male tentatum veneno ſpiritum ferro expulit. Cnæus interim Magnus rebelles Aſiæ reliquias ſequens, per diverſa gentium terrarumq; volitabat. Nam ſub Orientem ſequentus Armenios, captis ipſo capite gentis Artaxatis, ſupplicem juſſit regnare Tigranem. At in Septemtrionem Sythicum, iter tanquam in mari ſtelkis ſequutus, Colchos cecidit. ignovit Iberiæ. pepercit Albanis, regem Colchorum Orodem, poſitis
sub

sub ipso Caucaſo caſtris, juſſit in plana deſcendere: Arthocen, qui Iberis imperabat, & obſides liberos dare. Orodem etiam remuneratus eſt, ultro ab Albania ſua lectulum aureum, & alia dona mittemenem. Nec non & in meridiem verſo agmine, Libanum Syriae, Damafcumque tranſgreſſus, per nemora illa odorata, per turis & baſſami ſilvas, Romana circumtulit ſigna. Arabes, ſi quid imperaret, præſto fuere. Hieroſolymam defendere tentare Judæi: verum hanc quoque intravit; & vidit illud grande impiæ gentis arcanum patens ſub aureo vitæ cælo, diſſidentibusque de regno fratribus, arbiter factus, regnare juſſit Hircanum. Ariſtobulo, quia renovabat eam rem, catenas dedit. Sic Pompeio duce populus Romanus totam qua latiffima eſt, Aſiam pervagatus, quam extremam habebat imperii provinciam, mediâ fecit. Exceptis quippe Parthis, qui fœdus maluerunt, & Indis, qui adhuc nos non noverant; omnis Aſia inter Rubrum mare, & Caſpium, & Oceanum, Pompeianis domita, vel oppreſſa ſignis, tenebatur.

C A P. VI. *Bellum Piraticum.*

Interim dum populus Romanus per diverſa terrarum diſtractus eſt, Cilices invaſerant maria ſublatisque commerciis, rupto fœdere generis humani, ſic maria bello, quaſi tempeſtate præcluſerant. Audaciam perditis furioſisque latronibus dabat inquieta Mithridatis præliis Aſia: dum ſub alieni belli tumultu, exterique regis invidia, impune graſſantur, ac primum duce Iſidoro, contenti proximo mari, Cretam inter atque Cyrenas, Piræum & Achaiam, ſinumque Maleum, quod à ſpoliis *Aureum* ipſi vocavere, latrocinabantur. miſſusque in eos Publius Servilius, quamvis leves & fugaces myoparonas gravi & Martia claſſe turbaret, non incruenta victoria ſuperat. Sed nec mari ſubmoſiſſe contentus, validiſſimas urbes eorum, & diutina præda abundantes, Phaſelin, & Olympon evertit, Iſaurumque ipſam arcem Cilicis:

ciæ: unde conscius sibi magni laboris, *Isaurici* cognomen adamavit. Non ideo tamen tot cladibus domiti, terra se continere potuerunt: sed ut quædam animalia, quibus aquam terramque incolendi gemina natura est, sub ipso hostis recessu impatientes soli, in aquas suas resluerunt; & aliquanto latius, quam prius. Sic ille quoque ante felix, dignus nunc victoria Pompeius visus est; & *Mithridaticæ* provinciæ factus accessio. Ille dispersam toto mari pestem, semel & in perpetuum volens extinguere, divino quodam apparatu aggressus est. Quippe cum classibus suis & socialibus *Rhodium* abundaret, pluribus legatis atque præfectis utraque *Ponti* & *Oceani* ora complexus est. *Gellius* Tusco mari impositus; *Plotius* Siculo. *Gratilius* Ligusticum finum, Pompeius Gallicum obsedit, *Torquatus* Baleaticum, *Tiberius* Nero Gadi-tanum fretum, qua primum maris nostri limen aperitur: *Lentulus* Lybicum; *Marcellinus* *Ægyptium*; *Pompeii* juvenes *Adriaticum*; *Varro* *Tarentius* *Ægæum*, & *Ponticum*, *Pamphilius* *Metellus*; *Asiaticum* *Capio*; ipsas *Propontidis* fauces *Porcius* *Cato* sic obditis navibus, quasi portam observavit. Sic per omnis æquoris portus, sinus, latebras, recessus, promontoria, freta, pæni-nfulas, quicquid piratarum fuit, quadam indagine inclusum & oppressum est. Ipse Pompeius in originem fontemque belli *Ciliciam* versus est: nec hostes detrectavere certamen, non ex fiducia, sed quia oppressi erant, ausi videbantur. sed nihil tamen amplius, quam ut ad primum ictum concurrerent: Mox ubi circumfusa undique rostra viderunt, abjectis statim telis, remisque, plausu undique pari, quod supplicantium signum fuit, vitam petiverunt. Non alias tam incruenta victoria usi unquam sumus: sed nec fidelior in posterum reperta gens ulla est. Idque prospectum singulari consilio ducis, qui maritimum genus à conspectu longe removit maris, & mediterraneis agris quasi obligavit. Eodemque tempore & usum maris navibus

recuperavit, & terræ homines suos reddidit. Quid prius in hac mirere victoria? velocitatem, quod quadagesimo die parata est? an felicitatem, quod ne una quidem navis amissa est? an vero perpetuitatem, quod amplius piratæ non fuerunt?

C A P. VII. *Bellum Creticum.*

Creticum bellum, si vera volumus noscere, nos fecimus; sola vincendi nobilem insulam cupiditate, favisse Mithridati videbatur, hoc placuit armis vindicare. Primus invasit insulam Marcus Antonius, cum ingenti quidem victoriæ spe atque fiducia, adeo, ut plures catenas in navibus, quam arma portaret. Dedit itaq; pœnas vecordiæ. Nam plerasque naves interceptere hostes: captivæq; corpora religata velis ac funibus pependere: ac sic velificantes triumphantium in modum Cretes portibus suis adremigaverunt. Metellus deinde totam insulam igni ferroque populatus, intra castella & urbes redegit, & Cnossum, & Erythræam, & ut Gæci dicere solent, *urbium matrem* Cydonæam: adeoque sæve in captivos consulebatur, ut veneno se plerique conficerent, alii deditionem suam ad Pompeium absentem mitterent. Et quum ille res in Asia gerens, eo quoque præfectum misisset Antonium; in aliena provincia inclytus fuit: eoque infestior Metellus in hostes jus victoris exercuit: victisque Læsthene & Panare Cydonææ ducibus, victor rediit, nec quicquam amplius tamen de tam famosa victoria, quam cognomen *Creticum* reportavit.

C A P. VIII. *Bellum Balearicum.*

Quatenus Metelli Macedonici domas bellicis nominibus assueverat; altero ex liberis ejus Cretico facto, mora non fuit, quin alter quoque *Balearicus* vocaretur. Baleares per idem tempus insulæ peratica rabie corruperant maria. Homines feros atque silvestres mireris ausos à scopulis suis saltem maria prospicere. Ascendere etiam inconditas

ditas rates, & prænavigantes subinde inopinato impetu terruere. Sed quum venientem ab alto Romanam classem prospexissent, prædam putantes, ausi etiam occurrere: & primo impetu, ingenti lapidum saxorumque nimbo classem operuerunt. Tribus quisque fundis præliatur, certos esse quis miretur ictus, quum hæc sola genti arma sint. id unum ab infantia studium. Cibus puer à matre non accipit, nisi quem ipsa monstrante percussit. Sed non diu lapidatione terruere Romanos. postquam cominus ventum est, expertique rostra, & pila venientia, pecudum in morem clamore sublato, petierunt fuga litora: dilapsique in proximos tumulos, quærendi fuerunt ut vincerentur.

CAP. IX. *Expediitio in Cyprum*

Aderat fatum insularum: igitur & Cypres recepta sine bello. Insulam veteribus divitiis abundantem, & ob hoc Veneri sacram, Ptolemæus regebat. Sed divitiarum tanta erat fama, nec falso, ut victor gentium populus, & donare regna consuetus, Publio Clodio Tribuno duce, socii vivique regis confiscationem mandaverit. Et ille quidem ad rei famam veneno fata præcepit. cæterum Porcius Cato Cyprias opes liburnis per Tiberinum ostium invexit. quæ res latius ærarium populi Romani, quam ullus triumphus implevit.

CAP. X. *Bellum Gallicum.*

Asia Pompeii manibus subacta; reliqua quæ restabant in Europa, fortuna in Cæsarem transiit. Restabant autem immanissimi gentium Galli, atque Germani: & quam vis toto orbe divisa, tamen qui vinceret habuit Britannia. Primus Galliarum motus ab Helvetiis cæpit: qui Rhodanum inter & Rhenum siti, non sufficientibus terris, venire sedes petiit, incensis mœnibus suis. hoc sacramentum fuit, ne redirent. Sed petito tempore ad deliberandum, quum inter moras Cæsar, Rhodani ponte rescisso, abstulisset fugam; statim bellum

cossissimam gentem sic in sedes suas, quasi greges
 in stabula pastor, deduxit. Sequens longe; cruen-
 tior pugna Belgarū; quippe pro libertate pugnan-
 tium. Hic cum multa Romanorum militum infi-
 gnia, tum illud egregium ipsius ducis, quod nu-
 tante in fugam exercitu, rapto fugientis è manu
 scuto, in primam volitans aciem, manu prælium
 restituit. Inde cum Venetis etiam navale bellum:
 sed major cum Oceano, quam cum ipsis navibus
 rixa, quippe illæ rudes, & informes, & statim nau-
 fragæ quum rostra sensissent, sed hærebat in vadis
 pugna, quum æstibus solitis cum ipso certamine
 subductus Oceanus intercedere bello videretur. Il-
 læ quoque accessere diversitates prægentium lo-
 corumque natura. Aquitani callidum genus, in
 speluncas se recipiebant; iussit includi: Morini di-
 labebantur in silvas; iussit incendi. Nemo tantum
 feroces dixerit Gallos; fraudibus agunt: Inducio-
 marus Treviros, Ambiorix convocavit Eburo-
 nes, utrique, absente Cæsare conjuratione facta
 invenere legatos, sed ille fortiter à Dolabella sum-
 motus est, relatumque regis caput, hic insidiis in
 valle dispositis, dolo perculit, itaque & castra di-
 repta sunt, & aurum ablatum. Cottam cum Titu-
 rio Sabino legato ibi amisimus. Nec ulla de rege
 mox ultio: quippe perpetua trans Rhenum fuga
 latuit. Nec Rhenus ergo immunis, nec enim fas
 erat, ut liber esset receptator hostium atque de-
 fensor. Sed prima contra Germanos illius pugna,
 iustissimis quidem ex causis. Hædui enim de in-
 cursionibus eorum querebantur. Quæ Ariovisti
 superbia? Quum legati dicerent, *Veni ad Cæsarem.*
Quis est autem Cæsar? & *Si vult, veniat,* inquit.
 & *Quid ad illum, quid agat nostra Germania?*
nam ego me interpono Romanis? Itaque tantus gen-
 tis novæ terror in castris, ut testamenta passim
 etiam in principiis scriberentur. Sed illa immania
 corpora, quo erant majora, eo magis gladiis fer-
 roque patuerunt. Qui calor in præliando militum
 fuerit, nullo magis exprimi potest, quam quod elat-
 tis

ris super caput scutis, quum se testudine barbarus regeret, super ipsa Romani scuta salierunt: & inde in jugulos gladiis descendebant. Iterum de Germano Tensteri querebantur. Hic vero jam Caesar ultro Mosulam navali ponte transgreditur, ipsumque Rhenum: & Hercyniis hostem quærit in silvis: sed in saltus & paludes genus omne diffugerat, tantum pavoris incussit intra ripam subito Romana vis. Nec semel Rhenus, sed iterum quoque, & quidem ponte facto, penetratus est. Sed major aliquanto trepidatio: quippe quum Rhenum suum sic ponte, quasi jugo captum viderent, fuga rursus in silvas ac paludes: &, quod acerbissimum Casari fuit, non fuere qui vincerentur. Omnibus terra marique captis, respexit Oceanum: & quasi hic Romanis orbis non sufficeret, alterum cogitavit. Classe igitur comparata, Britanniam transit, mira celeritate: quippe quum tertia vigilia Morino solvisset à portu, minus quam mediodie insulam ingressus est. Plena erant tumultu hostico littora; & trepidantia ad conspectum rei novæ carpenta volitabant. itaque trepidatio pro victoria fuit, arma, & obsides accepit à trepidis: & ulterius iisset, nisi improbam classem naufragio castigasset Oceanus. Reversus igitur in Galliam, classe majore, auctisque admodum copiis, in eundem rursus Oceanum, eodemque rursus Britannos, Calidonas sequutus in silvas, unum quoque è regibus Cavelanis in vincula dedit. Contentus his (non enim provincie, sed nomini studebatur) cum majore quam prius præda relictus est; ipso quoque Oceano tranquillo magis, & propitio, quasi imparem se fateretur. Sed maxima omnium, eademque novissima conjuratio fuit Galliarum, quum omnes pariter Arvernos atque Biturigas, Carnatas simul Sequanosque contraxit, ille corpore, armis, spirituque terribilis, nomine etiam quasi terrore composito, Vercingetorix, ille festis diebus, & conitibus, cum frequentissimos in lucis haberet, ferocibus dictis ad jus pristinum libertatis

libertatis erexit. Aberat tunc Cæsar, Ravennæ delectum agens: & hieme creverant Alpes: sic interclusum putabant iter. Sed ille qualis erat ad nuncium rei felicissimæ temeritatis? Per invios ad id tempus montium tumulos, per intactas vias, & nives, expedita manu emerfus, occupat Galliam: & ex distantibus hibernis castra contraxit; & ante in media Gallia fuit quam ab ultima timeretur. Tum ipsa capita belli aggressus, urbes; Avaricum cum quadraginta millibus propugnantium sustulit: Alexiam ducentorum quinquaginta millium juventute subnixam flammis adæquavit. Circa Gergoviam Arvernorum, tota belli moles fuit quippe quum octoginta millia muro, & arce, & abruptis defenderent; maximam civitatem, vallo, sudibus, & fossa, inductoque fossæ flumine, ad hoc decem & octo castellis, ingentique lorica circumdatam, primum fame domuit: mox audentem eruptiones, in vallo, gladiis, sudibusque concidit: novissime in deditionem redegit. Ipse ille rex, maximum victoriæ decus, supplex quum in castra venisset, tum & phaleras, & sua arma ante Cæsaris genua projecit: *Habes, inquit; sortem virum, vir fortissime, vicisti.*

CAP. XI. Bellam Parthicum.

Dum Gallos per Cæsarem in Septemtrione debellat, interim ad Orientem grave vulnus à Parthis populus Romanus accepit. Nec de fortuna queri possumus. caret solatio clades. Adversis & diis, & hominibus, cupiditas consulis Crassi, dum Parthico inhiat auro, undecim itrage legionum, & ipsius capite multata est. Et tributus plebis Metellus, exeuntem ducem hostilibus diris devoverat: & quum Zeugma transisset exercitus, rapta subitis signa turbinibus hausit Euphrates: & quum apud Nicephorum castra posuisset, missi ab Orode rege legati denunciavere, *percussorum cum Pompeio fœderum, Syllaque, meminisset.* Regiis inhians ille thesauris, nihil, ne imaginario quidem jure;

sed *Seleucia se responsurum esse* respondit. Itaque
 dii fœderum ultores, nec infidiis, nec virtuti ho-
 stium defuerunt. Jam primum, qui solus & sub-
 vehere commeatus, & munire poterat à tergo,
 relictus Euphrates. tum simulato transfugæ cui-
 dam Mezera Syro creditur, dum in mediam cam-
 porum vastitatem eodem duce ductus exercitus,
 undique hosti exponeretur. Itaque vix dum vene-
 rat Carras, quum undique præfecti regis, Sillaces
 & Surenas, ostendere signa auro sericisque vexil-
 lis vibrantia. Tum sine mora circumfusi undique
 equitatus, in modum grandinis atque nimborum
 densa pariter tela fuderunt. Sic miserabili strage
 deletus exercitus. Ipse in colloquium sollicitatus,
 signo dato, vivus in hostium manus incidisset,
 nisi tribunis reluctantibus, fugam ducis, barbari
 ferro occupassent. Sic quoque relatum caput ludi-
 brio hosti fuit. Filium ducis, pæne in conspectu
 patris, eisdem telis operuere. Reliquæ infelicis ex-
 ercitus, quo quemque rapuit fuga, in Armeniam,
 Ciliciam, Syriamque distractæ, vix nuncium cla-
 dis retulerunt. Caput ejus recisum cum dextera
 manu, ad regem reportatum, ludibrio fuit, neque
 indigno. Aurum enim liquidum in rictum oris
 infusum est; ut cujus animus arserat auri cupidi-
 tate, ejus etiam mortuum & exangue corpus au-
 ro ureretur.

C A P. XII. *Anacephalæosis.*

HÆc est illa tertia ætas populi Romani trans-
 marina, qua Italia progredi ausus, orbe toto
 arma circumtulit. Cujus ætatis superiores centum
 anni, sancti, pii, & ut diximus, *aurei*, sine flagi-
 tio, sine scelere, dum sincera adhuc & innoxia pa-
 storis illius sectæ integritas, dumque Pœnorum
 hostium imminens metus disciplinam veterem
 continebat. Postremi centum, quos à Carthaginiæ,
 Corinthi, Numantiæque excidiis, & Attali regis
 Asiatica hæreditate deduximus in Cæsarem &
 Pompeium, sequunturque hos, de quo dicemus,
 Augustum,

Augustum, ut claritate rerum bellicarum magnifici, ita domesticis cladibus miseri & erubescendi. Quippe sicut Galliam, Thraciam, Ciliciam, Capadociam, uberrimas validissimasque provincias Armenios etiam, & Britannos, ut non in usum, ita ad imperii speciem magna nomina acquisisse pulchrum atque decorum: ita eodem tempore dimicasse domi cum civibus, sociis, Mancipiis, gladiatoriis, totoque inter se senatu, turpe atque miserandum. Ac nescio an satius fuerit populo Romano, Sicilia, & Africa contento fuisse, aut his etiam ipsis carere, dominanti in Italia sua, quam eo magnitudinis crescere, ut viribus suis conficeretur. Quæ enim res alia furores civiles peperit, quam nimia felicitas? Syria prima nos victa corripuit: mox Asiatica Pergameni regis hæreditas. Illæ opes atque divitiæ afflixere sæculi mores: mersamque vitiis suis, quasi sentina, rempublicam pessumdedere. Unde enim populus Romanus à tribunis agros & cibaria flagitaret, nisi per famem, quam luxu fecerat? Hinc ergo Gracchana & prima & secunda, & illa tertia Apuleiana seditio. Unde regnaret judiciariis legibus divulsus à senatu eques, nisi ex avaritia, ut vectigalia reipublicæ, atque ipsa judicia in quæstu haberentur? Hinc rursus & promissa civitas Latio, & per hoc arma sociorum. Quid autem bella servilia? unde nobis, nisi ex abundantia familiarum? Unde gladiatorii adversus dominos suos exercitus, nisi ad conciliandum plebis favorem effusa largitio, quum spectaculis indulget, supplicia quondam hostium artem facit? Jam ut speciosiora vitia tangamus, nonne ambitus honorum ab iisdem divitiis incitatus? Atqui inde Mariana, inde Syllana tempestas. Aut magnificus apparatus conviviorum, & sumptuosa largitio, nonne ab opulentia, paritura mox egestatem? Hæc Catilinam patriæ suæ impegit. Denique illa ipsa principatus & dominandi cupiditas, unde, nisi ex nimis opibus venit? Atqui hæc Cæsarem atque Pompeium, furialibus in exitium reipublicæ

Reipublicæ facibus armavit. Hos igitur populi Romani omnes domesticos motus, separatos ab externis justisque bellis, ex ordine prosequemur.

C A P. XIII. *Seditiofitas. tribuniciæ potestatis.*

Editionum omnium causas Tribunicia potestas excitavit: quæ specie quidem plebis tuendæ, cuius iu auxilium comparata est, re autem dominationem sibi acquirens, studium populi ac favorem, agrariis, frumentariis, judiciariis legibus aucupabatur. Inerat omnibus species æquitatis. Quid enim tam iustum, quam recipere plebem jus suum à patribus? ne populus gentium victor, orbisque possessor, extorris aris ac focis ageret. Quid tam æquum, quam inopem populum vivere ex ærario suo? Quid ad jus libertatis æquandæ magis efficax, quam ut senatu regente provincias, ordinis equestris auctoritas saltem judiciorum regno niteretur? Sed hæc ipsa in perniciem redibant: & misera respublica in exitium suum merceserat. Nam & à senatu in equitem translata judiciorum potestas, vestigalia, id est, imperii patrimonium, suppresserat: & emptio frumenti, ipsos Reipublicæ nervos, exhauriebat ærarium. Reduci plebs in agros unde poterat sine possidentium everfione? qui ipsi pars populi erant, & tamen relictas sibi à majoribus sedes, ætate, quasi jure hæreditario possidebant.

C A P. XIV. *Seditio Tiberii Gracchi.*

PRimam certaminum facem Tiberius Gracchus accendit, genere, forma, eloquentia facile princeps. Sed hic, sive Mancinianæ deditionis, quia sponsor fœderis fuerat, contagium timens, & inde popularis: sive æquo & bono ductus, quia depulsam agris suis plebem miseratus est, quacunque mente, rem ausus ingentem, postquam rogationis dies aderat, ingenti stipatus agmine Rostra conscendit: nec deerat obvia manu tota inde nobilitas, & tribuni in partibus. Sed ubi intercedentem legibus

legibus suis Cnæum Octavium videt Gracchus, contra fas collegii, jus potestatis, injecta manu depulit Rostris: adeoque præsentī metu mortis exterruit, ut abdicare se magistratu cogeretur. fit triumvir creatus dividendis agris. Quum ad perpetranda cæpta, die comitiorum prorogari sibi vellet imperium, obvia nobilium manu, eorumque quos agris moverat, cædes à foro cæpit. Inde quum in Capitolium profugisset, plebemque ad defensionem salutis suæ, manu caput tangens, hortaretur, præbuit speciem regnum sibi & diadema poscentis: atque ita duce Scipione Nasica, concitato in arma populo, quasi jure oppressus est.

C A P. XV. *Seditio Caii Gracchi.*

STatim & mortis, & legum fratris sui vindex non minore impetu incaluit Caius Gracchus, qui cum pari tumultu atque terrore plebem in avitos agros arcesseret; & recentem Attali hæreditatem in alimenta populo polliceretur; jamque nimius, & potens altero tribunatu, secunda plebe voliraret: obrogare auso legibus suis Minucio tribuno, fretus comitum manu, fatale familiæ suæ Capitolium invasit. Inde proximorum cæde pulsus, quum se in Aventinum recepisset; inde quoque obvia senatus manu, ab Opimio consule oppressus est. Insultatum quoque mortis reliquis: & illud sacrosanctum caput Tribuni plebis percussoribus auro pensatum est.

C A P. XVI. *Seditio Apuleiana.*

Nihilominus Appuleius Saturninus Gracchanas asserere leges non destitit. Tantum animorum viro Marius dabat. qui nobilitati semper inimicus, consulatu suo præterea confusus, occiso palam comitiis Annio competitore Tribunatus, subrogare conatus est in ejus locum Caium Gracchum, hominem sine tribu, sine nomine: sed subdito titulo, in familiam ipse se adoptabat. Quot, tantisque ludibriis exultaret impune, rogatus

dis Gracchorum legibus ita vehementer incubuit, ut Senatum quoque cogeret in verba jurare; quum abnuentibus *aqua & igni interdictum se minaretur*. Unus tamen exitit, qui mallet exilium. Igitur post Metelli fugam omni nobilitate percussa, quum jam tertium annum dominaretur, eo vesaniae progressus est, ut consularia quoque comitia nova cæde turbaret. Quippe ut satellitem furoris sui Glauciam, consulem faceret, Caium Memmium competitorem interfici jussit: & in cotumultu *regem* ex satellitibus suis se appellatum, lætus accepit. Tum vero jam conspiratione Senatus, ipso quoque jam Mario consule, quia tueri non poterat, adverso; directæ in foro acies, expulsus inde, Capitolium invasit. Sed quum abruptis fistulis obsideretur, Senatuque per legatos pœnitentiæ fidem faceret, ab arce degressus, cum ducibus factionis receptus in curiam, aggressus est. Ibi eum facta irruptione, populus fustibus faxisque coopertum in ipsa quoque morte laceravit.

C A P. XVII. *Drusiana seditio.*

Postremo Livius Drusus non tribunatus modo viribus, sed ipsius etiam Senatus auctoritate, totiusque Italiæ consensu, easdem leges asserrere conatus, dum aliud captat ex alio, tantum conflavit incendium, ut ne prima illius flamma posset sustineri; & subita morte correptus, hæreditarium in posteros suos bellū propagaret. Judiciaria lege Gracchi diviserant populum Romanum, & bicipitem ex una fecerant civitatē: Equites Romani, tanta potestate subnixi, ut qui fata fortunæque principum haberent in manu, interceptis vestigaliis, peculabantur suo jure rempublicam: Senatus exilio Metelli, damnatione Rutillii debilitatus, omne decus majestatis amiserat. In hoc statu rerum pares opibus, animis, dignitate, (unde & nata Livio Druso æmulatio accesserat) equitem Servilius Cæpio, Senatum Livius Drusus asserrere. Signa, & aquilæ, & vexilla aderant: cæterum sic
urbe

urbe in una, quasi in binis castris diffidebatur. Prior Cæpio in senatum impetu facto, reos ambitus Scaurum & Philippum, principes nobilitatis elegit. His motibus ut resisteret Drusus, plebem ad se Gracchanis legibus, eisdem socios ad plebem spe civitatis erexit. Extat vox ipsius, *Nihil se ad largitionem ulli reliquisse, nisi si quis aut cænum dividere vellet, aut cælum.* Aderat promulgandi dies, quum subito tanta vis hominum undique apparuit, ut hostium adventu obsessa civitas videretur. Ausus tamen obrogare de legibus consul Philippus: sed apprehensum faucibus viator non ante dimisit, quam sanguis in ora & oculos redundaret. Sic per vim latæ, justæque leges: sed pretium rogationis statim socii flagitare, quum interim imparem Drusum, ægrumque rerum temere motarum, matura, ut in tali discrimine, mors abstulit. nec ideo minus socii promissa Drusi à populo Romano reposcere armis defecerunt.

C A P. XVIII. *Bellum Sociale.*

Sociale bellum vocetur licet; ut extenuemus invidiam: si verum tamen volumus, illud civile bellum fuit. quippe quum populus Romanus Etruscos, Latinos, Sabinosque miscuerit, & unum ex omnibus sanguinem ducat; corpus fecit ex membris, & ex omnibus unus est. Nec minore flagitio socii intra Italiam, quam intra urbem cives rebellabant. Itaque quum jus civitatis, quam viribus auxerant, socii justissime postularent, ad quam spem eos cupidine dominationis Drusus erexerat, postquam ille domestico scelere oppressus est, eadem fax, quæ illum cremavit, socios in arma & oppugnationem Urbis accendit. Quid hac clade tristius? quid calamitosius? quum omne Latium, atque Picenum, Etruria omnis, atque Campania, postremo Italia contra matrem ac parentem suam Urbem consurgerent. quum omne robur fortissimorum fidelissimorumq; sociorum sub suis quosque signis haberent, municipalia illa prodigia: Popedius

pedius Marfos, & Latinos Afranius; Umbros totus senatus, & consules; Samnium Lucaniamque Telesinus: quum regum & gentium arbiter populus ipsum se regere non posset, ut victrix Asiae Europæque à Corfinio Roma peteretur. Primum fuit belli in Albano monte consilium, ut festo die Latinarum Julius Cæsar, & Martius Philippus consules, inter sacra & aras immolarentur. Postquam id nefas proditione discussum est, Asculo furor omnis erupit, in ipsa quidem ludorum frequentia trucidatis, qui tum aderant ab Urbe, legatis, hoc fuit impii belli sacramentum. Inde jam passim ab omni parte Italiæ, duce & auctore belli discursante Popedio, diversa per populos & urbes signa cecinere. Nec Annibalis, nec Pyrrhi fuit tanta vastatio. Ecce Ocriculum, ecce Grumentum, ecce Fesulæ, ecce Carseoli; reſerata Nuceria, & Picentia; cædibus, ferro, & igne vastantur. Fusæ Rutilii cõpiæ, fusæ Cæpionis. Nam ipse Julius Cæsar exercitu amisso, quum in Urbem cruentus referretur, miserabili funere mediam etiam Urbem perviam fecit. Sed magna populi Romani fortuna, & semper in malis major, totis denuo viribus insurrexi: aggressique singuli populos; Cato discutit Etruscos; Gabinus Marfos; Carbo Lucanos; Sylla Samnites. Strabo vero Pompeius; omnia flammis ferroque populatus, non prius finem cædium fecit, quam Asculi everſione, Manibus tot exercituum consularium, direptarumque urbium dis, litaretur.

C A P. XIX. *Bellum Servile.*

U Tcunque, etsi cum sociis, (nefas!) cum liberis tamen, & ingenuis dimicatum est. quis æquo animo ferat in principe gentium populo bella servorum? Primum Servile bellum inter initia Urbis Herdonio Sabino duce in ipsa Urbe tentatum est: quum occupata tribuniciis seditionibus civitate, Capitolium obsessum est, & à consule captum. sed hic tumultus magis fuit quam bellum. Mox

D

impe

imperio per diversa terrarum occupato, quis crederet Siciliam multo cruentius servili, quam Punico bello esse vastatam? Terra frugum ferax, & quodammodo suburbana provincia, latifundiis civium Romanorum tenebatur. Hic ad cultum agri, frequentia ergastula, catenatique cultores, materiam bello præbuere. Syrus quidam nomine Eunus (magnitudo cladium facit, ut meminerimus) fanatico furore simulato, dum Syriæ deæ comas jactat, ad libertatem & arma servos, quasi numinum imperio concitavit; idque ut divinitus fieri probaret, in ore abdita nuce, quam sulphure & igne stipaverat, leniter inspirans, flammam inter verba fundebat. Hoc miraculum primum duo millia ex obviis; mox jure belli refractis ergastulis, sexaginta amplius millium fecit exercitum: regisque, nequid malis deesset, decoratus insignibus, castella, oppida, vicos, miserabili direptione vastavit. Quin illud quoque (ultimum belli dedecus) capta sunt castra Prætorum; nec nominare ipsos pudebit, castra Manilii, Lentuli, Pisonis, Hypsæi. Itaque qui per fugitivarios distrahi debuissent, prætorios duces, profugos prælio, ipsi sequebantur. Tandem Perperna Imperatore supplicium de eis sumptum est. Hic enim victos, & apud Ennam novissime obsessos, quum fame quasi pestilentia consumpsisset, reliquias latronum compedibus & catenis religavit, crucibusque punivit. fuitque de servis ovatione contentus, ne dignitatem triumphi servili inscriptione violaret. Vix dum respiraverat insula, quum statim à servis, & à Syro reditur ad Cilicem. Athenio pastor, interfecto domino, familiam ergastulo liberatam sub signis ordinat. Ipse veste purpurea, argenteoque baculo, & regium in morem fronte redimita, non minorem, quam ille fanaticus prior, conflat exercitum: acriusque multo, quasi & illum vindicaret, vicos, castella, oppida diripiens, in dominos, in servos infestius, quasi in transfugas, sæviebat. Ab hoc quoque Prætorii exercitus cæsi; capta Servilii castra,

stra, capta Luculli. Sed Aquilius Perperæ usus exemplo, interclusum hostem com meatibus ad extrema compulit: communitasq; copias armis, fame facile delevit: dedidissentq; se, nisi suppliciorum metu voluntariam mortem prætulissent. Ac ne de duce quidem supplicium exigi potuit, quamvis in manus venerit. quippe dum circa deprehendendum eum multitudo contendit, interrixantium manus præda lacerata est.

C A P. XX. *Bellum Spartacum.*

ENimvero servilium armorum dedecus feras. Nam & ipsi per fortunam in omnia obnoxii, tamen quasi secundum hominum genus sunt; & in bona libertatis nostræ adoptantur. Bellum Spartaco duce concitatum, quo nomine appellem, nescio, quippe quum servi militaverint, gladiatores imperaverint: illi infimæ fortis homines: hi pessimam auxere ludibrio calamitatem. Spartacus, Crixus, Oenomaus, effracto Lentuli ludo, cum triginta haud amplius ejusdem fortunæ viris eruperunt Capua; servisque ad vexillum & ad auxilium vocatis, quum statim decem amplius millia coissent hominum, non modo effugisse contenti, jam vindicare volebant. Prima velut harena viris mons Vesuvius placuit. Ibi quum obsiderentur à Clodio Glabro, per fauces cavi montis vitigineis delapsi vinculis, ad imas ejus descendere radices: & exitu invio, nihil tale opinantis ducis subito impetu castra rapuere, inde alia castra. Deinceps Coram, totamque pervagantur Campaniam, nec villarum atque vicorum vastatione contenti, Nolam atque Nuceriam, Thurios atque Metapontum terribili strage populantur. Affluentibus in diem copiis, quum jam esset justus exercitus; è viminibus, pecudumque tegumentis inconditos sibi clipeos: è ferro ergastulorum recocto, gladios ac tela fecerunt. Ac ne quod decus justo deesset exercitui, domitis obviis gregibus paratur equitatus, captaque de prætoribus insignia & fasces ad ducem

detulere. Nec abnuvit ille de stipendiario Thrace miles, de milite defector, inde latro, deinde in honore virium gladiator, qui defunctorum quoque prælio ducum funera imperatoriis celebravit exequiis, captivosque circa rogum iussit armis depugnare: quasi plane expiaturus omne præteritum dedecus, si de gladiatore munerator fuisset. Inde jam consulares quoque aggressus, in Apennino Lentuli exercitum percecidi: apud Mutinam Caii Cassii castra delevit. Quibus elatus victoriis, de invadenda urbe Romana (quod satis est turpitudini nostræ) deliberavit. Tandem etiam totis imperii viribus contra mirmillonem confurgitur: pudoremque Romanum Licinius Crassus asseruit, a quo pulsi fugatique (pudet dicere) hostes, in extrema Italiæ refugerunt. Ibi circa Bruttium angulum clusi, quum fugam in Siciliam pararent, neque navigia suppeterent, ratesque ex cratibus, & dolia connexa virgultis in rapidissimo freto frustra experirentur; tandem eruptione facta, dignam viris obiere mortem: & quod sub gladiatore duce oportuit, sine missione pugnatum est. Spartacus ipse in primo agmine fortissime dimicans, quasi imperator occisus est.

C A P. XXI. *Bellum civile Marianum.*

HOc decrat unum populi Romani malis, jam ut ipse intra se parricidiale bellum domi stringeret; & in urbe media ac foro, quasi harena, cives cum civibus suis, gladiatorio more concurrerent. *A*quiore animo utcunque ferrem, si plebei duces; aut si nobiles, mali saltem, ducatum sceleri præbuisent: quum vero, pro facinus! qui viri! qui imperatores! decora & ornamenta sæculi sui Marius, & Sylla; pessimo facinori suam etiam dignitatem præbuerunt. Tribus, ut sic dixerim, fidei-bus agitatum est: primo & levi, & modico, tumultu magis quam bello, intra ipsos armorum duces subsistente sævitia: mox atrocius, & cruentius, per totius viscera senatus grassante victoria: ulti-

ultimum non civicam modo, sed hostilem quoque
rabiem supergressum est; quum armorum furor
totius Italix viribus niteretur, eoque odiis sa-
ventibus, donec deessent, qui occiderentur. Initi-
um & causa belli, inexplibilis honorum Marii
fames, dum decretam Syllæ provinciam Sulpicia
lege sollicitat. Sed impatiens injuriæ statim Sylla
legiones circumegit: dilatoque Mithridate, Esqui-
lina, Collinaque porta geminum agmen Urbi in-
fudit. Unde quum consulto Sulpicius, & Albino-
vanus objecissent catervas, fudesque & saxa undi-
que à mœnibus ac tela jacerentur; ipse quoque ja-
culatus incendio viam fecit, arcemque Capitolii,
quæ Pœnos quoque, Gallos etiam Senones evase-
rat, quasi captivam victor insedit. Tum ex con-
sulto senatus adversariis hostibus judicatis, in præ-
sentem tribunum, aliosque diversæ factionis, jure
savitum est. Marium servilis fuga exemit; inmo
fortuna alteri bello reservavit. Cornelio Cinna,
Cnæo Octavio consulibus, male obrutum resurre-
xit incendium: & quidem ab ipsorum discordia,
quum de revocandis, quos senatus hostes judicave-
rat, ad populum referretur. Cincta quidem gladiis
concione, sed vincentibus quibus pax & quies po-
tior, profugus patria sua Cinna confugit ad partes.
Redit ab Africa Marius, clade major, siquidem
carcer, catenæ, fuga, exilium, horrificaverant
dignitatem. Itaque ad nomen tanti viri late con-
curritur: servitia (pro nefas!) & ergastula ar-
mantur: & facile invenit exercitum miser impera-
tor. Itaque vi patriam reposcens, unde vi fuerat
expulsus, poterat videri jure agere, nisi causam
suam savitia corrumpere. Sed quum diis homi-
nibusque infestus rediret, statim primo impetu
cliens & alumna Urbis Ostia, nefanda strage diri-
pitur, mox in urbem quadruplici agmine intratur.
divisere copias Cinna, Marius, Carbo, Sertorius.
Hic postquam manus omnis Octavii depulsa Ja-
niculo est; statim ad principum cædem signodato,
aliquanto savius, quam aut in Punica, aut in Cim-
brica

brica urbe, sævitur. Octavii consulis caput pro Rostris exponitur; Antonii consularis in Marii ipsius mensis: Cæsar, & Fimbria in penatibus domorum suarum trucidantur; Crassi pater & filius in mutuo alter alterius aspectu: Eæbium atq; Numitorium per medium forum unci traxere carnificum: Catulus se ignis haustu ludibrio hostium exemit: Merula flamen Dialis in Capitolio Jovis ipsius oculos venarum cruore resperfit: Ancharius ipso vidente Mario confossus est, quia fatalem illam scilicet manum non porrexerat salutati. Hæc tot senatus funera intra calendas & idus Januarii mensis, septima illa Marii purpura dedit. Quid futurum fuit, si annum consularis impleisset? Scipione & Norbano Quinto consulibus, tertius ille turbo civilis insanix toto furore deronuit; quippe quum hinc octo legiones, inde quingentæ cohortes starent in armis, & inde ab Asia cum victore exercitu Sylla properaret. Et sane quum tam ferus in Syllanos Marius fuisset; quanta sævitia opus erat, ut Sylla de Mario vindicaretur? Primum apud Capuam sub amne Vulturno signa concurrunt: & statim Norbani fusus exercitus. statim omnes Scipionis copix, ostentata spe pacis, oppressæ. Tum Marius juvenis, & Carbo consules, quasi desperata victoria, ne inulti perirent, in antecessum sanguine senatus sibi parentabant. obfessaq. curia, sic de senatu quasi de carcere, qui jugularentur, educiti. Quid funerum in foro, in circo, in patentibus templis? Nam Quintus Mucius Scævola pontifex Vestales amplexus aras, antum non eodem igne sepelitur. Lamponius atque Telestinus Samnitum duces, atrocius Pytho & Annibale Campaniam Etruriamque populantur: & sub specie partium se vindicant. Apud Sacriportum, Collinamque portam debellatæ omnes hostium copix. Ibi Marius, hic Telestinus oppressi. Nec idem tamen eadum, qui belli finis fuit. Stricti enim & in pace gladii: animadversumque in eos, qui se sponte dediderant. Minus est, quod apud

Sacriportum, & apud Collinam portam septuaginta amplius millia Sylla concidit. bellum erat. Quatuor millia deditorum inermium civium in villa publica interfici iussit. Isti tot in pace, non plures sunt, quis autem illos potest computare, quos in Urbe passim, quisquis voluit, occidit? donec admonente Fursidio, *Vivere aliquot debere, ut essent quibus imperarent*; proposita est ingens illa tabula; & ex ipso Equestris ordinis flore ac senatus, duo millia electi, qui mori juberentur. novi generis edictum. Piget post hæc referre, ludibrio habita facta Carbonis, fata Sorani Prætoris, atq; Venuleii: Babium sine ferro, ritu ferarum, inter manus laniatum: Marium ducis ipsius fratrem apud Catuli sepulchrum oculis, manibus, cruribusque defossis, servatum aliquandiu, ut per singula membra moreretur. Positis singulorum hominum fere pœnis, municipia Italiæ splendidissima, sub hasta venierunt, Spoletium, Interamnium, Præneste, Florentia. Nam Sulmonem, vetus oppidum focium atq; amicum (facinus indignum !) nondum expugnatum, ut obsides jure belli, & modo morte damnati, duci jubentur: sic damnatam civitatem iussit Sylla deleri.

CAP. XXII. *Bellum Sertorianum.*

Bellum Sertorianum quid aliud, quam Syllanæ proscriptionis hæreditas fuit? hostile potius, an civile dixerim, nescio: quippe quod Lusitani Celtiberique Romano gesserint duce. Exul & profugus feralis illius tabulæ, vir summæ quidem, sed calamitosæ virtutis, malis suis maria terrasque permiscuit: & jam Africæ, jam Balearibus insulis fortunam expertus, missusque in Oceanum, Fortunatas insulas penetravit: tandem Hispaniam armavit. Viro cum viris facile convenit. Nec alias magis apparuit Hispani militis vigor, quam Romano duce. Quantum ille non contentus Hispania, ad Mithridatem quoque Ponticosque respexit, regemque classe juvit. Et quid futurum fuit? satis tanto hosti uno imperatore resistere res Ro-

mana non potuit. additus Metello Cnaus Pompeius, hi copias viri diu, & ancipiti semper acie attrivere: nec tamen prius bello, quam suorum scelere & infidiis, extinctus est. Copias ejus propè tota Hispania persequuti, diu & ancipiti semper acie domaverunt. Prima per legatos certamina habita, quum hinc Domitius, & Thorius; inde Herculeii proluderent: mox his apud Segoviam, illis apud Anam flumen oppressis; ipsi duces comminus invicem experti, apud Lauronem, atque Sucronem æquavere clades. Tum illis ad populationem agrorum, his ad urbium excidia conversis, misera inter Romanos duces Hispania discordiæ pœnas dabat: donec oppresso domestica fraude Sertorio, victo deditoque Perperna, ipsæ quoque in Romanam fidem venere urbes, Oïca, Terme, Tutia, Valentia, Auxima, & infame nihil non experta Calaguris. Sic recepta in pacē Hispania, Victores duces externum id magis quam civile bellum videri voluerunt, ut triumpharent.

C A P. XXIII. *Bellum civile sub Lepido.*

Marco Lepido, Quinto Catulo consulibus, civile bellum pæne citius oppressum est quàm inciperet: sed quantum? lateque fax illius motus ab ipso Syllæ rogo exarsit! Cupidus, namque rerum novarum per insolentiam Lepidus, acta tanti viri rescindere parabat; nec immerito, si tamen posset sine magna clade Reipublicæ. Nam quum jure belli Sylla dictator proscripsisset inimicos: qui supererant, revocante Lepido, quid aliud, quam ad bellum vocabantur? quumque damnatorum civium bona, addicente Sylla, quamvis male capta, jure tamen, repetitio eorum proculdubio labefactabat compositam civitatem. Expediebat ergo quasi ægræ faucibus; Reipublicæ requiescere quomodocunque; ne vulnera curatione ipsa rescinderentur. Ergo quum turbidis concionibus, velut classico civitatem terruisset, profectus in Etruriā, arma inde & exercitum Urbi admovent. Sed jam

Mil-

Milvium pontem, collemque Ianiculum Lutatius Catulus, Cnæusque Pompeius, Syllanæ dominationis duces atq; signiferi, alio exercitu infederant. Aquibus primo statim impetu retro pulsus, hostisque à senatu iudicatus, incruenta fuga Etruriam, inde Sardiniam recessit: ibique morbo & penitentia interiit. Victores, quod non temere alias in civilibus bellis, pace contenti fuerunt.

LIBER IV.

CAP. I. *Bellum Catilinarum.*

* * * * * Atilinam luxuria primum, tum hinc
 * * * * * conflata egestas rei familiaris, simul
 * C * * * occasio, quod in extremis finibus man-
 * * * * * di arma Romana peregrinabantur; in
 * * * * * nefaria consilia opprimendæ patriæ
 suæ cōpulere; Senatum confodere, consules truci-
 dare, distringere incendiis Urbē, diripere ærariū;
 totam deniq; rem publicā funditus tollere, & quic-
 quid nec Annibal videretur optasse. Quæ omnia
 quibus (ô nefas!) sociis aggressus est? ipse patricius;
 sed hoc minus est: Curii, Porcii, Syllæ, Cethegi, Au-
 tronii, Vargunteii atque Longini. quæ familiæ?
 quæ senatus insignia? Lentulus quoque cum ma-
 xime prætor. hos omnes immanissimi facinoris
 satellites habuit. Additum est pignus conjuratio-
 nis, sanguis humanus: quem circumlatum pateris
 bibere: summum nefas, nisi amplius esset propter
 quod biberunt. Actum erat de pulcherrimo impe-
 rio, nisi illa conjuratio in Ciceronem & Antoni-
 um consules incidisset: quorum alter industria
 rem patefecit, alter manu oppressit. Tanti sceleris
 iudicium per Fulviam emerfit, vilissimum scortum,
 sed parricidii innocens. Tum Consul habito
 senatu, in præsentem reum Cicero peroravit: sed
 non amplius profectum, quam ut hostis evaderet,
 seque, palam professo, incendium suum resisten-
 tum ruina minaretur. Et ille quidem ad præpara-
 tum

tum à Manlio in Etruria exercitum proficiscitur; signa illaturus Urbi. Lentulus destinatum familie suæ Sibyllinis versibus regnum sibi vaticinans, ad præstitutum à Catilina diem, urbe tota viros, faces, tela disponit. Nec civili conspiratione contentus, legatis Allobrogum, qui tum forte aderant, in arma sollicitatis, iisset ultra Alpes furor, nisi altera proditione Vulturcii, prætoris literæ tenerentur. Statim Ciceronis imperio injecta est barbaris manus. Palam prætor in senatu vincitur. De supplicio agentibus, Cæsar parcendum dignitati; Cato animadvertendum pro scelere censebat. Quam sententiam sequutis omnibus, in carcere parricidæ strangulantur. Quamvis parte conjurationis oppressa, tamen ab incepto Catilina non destitit: sed infestis ab Etruria signis patriam petens, obvio Antonii exercitu opprimitur. Quam atrociter dimicatum sit, exitus docuit. nemo hostium bello superfuit, quem quis in pugnando ceperat locum, eum amissa anima corpore tegebat. Catilina longe à suis inter hostium cadavera repertus est; pulcherrima morte, si pro patria sic concidisset.

C A P. II. *Bellum Cæsaris & Pompeii.*

TAm pæne toto orbe pacato, majus erat imperium Romanum, quam ut ullis externis viribus extinguì posset. Itaque invidens fortuna principi gentium populo, ipsum illum in exitium suum armavit. ac Mariana quidem Cinnanaq; rabies intra Urbem præluserat, quasi experiretur. Syllana tempestas latius, intra Italiam tamen, detonuerat. Cæsaris furor atque Pompeii, Urbem, Italiam, gentes, nationes, totum denique qua patebat imperium, quodam quasi diluvio & inflammatione corripuit: adeo ut non recte tantum civile dicatur; ac ne sociale quidem; sed nec externum: sed potius commune quoddam ex omnibus, & plus quam bellum. Quippe si duces ejus inspicias; totus senatus in partibus, si exercitus; hinc undecim legiones, inde decem & octo, flos omnis & robur Italici sanguinis, si auxilia sociorum; hinc Gallici Ger-

Germanique delectus: inde Deiotarus, Ariobarzanes, Tarchondimotus, Cothus, omne Thraciæ, Cappadociæque, Ciliciæ, Macedoniæ, Græciæ, Æoliæ, totiusq; robur Orientis, si moram belli; quatuor anni, & pro clade rerum breve tempus, si locum & spacium ubi commissum est; intra Italiam: inde se in Galliam Hispaniamque deflexit: reversumq; ab occasu, totis viribus in Epiro Thesaliaque confedit: hinc in Ægyptum subito transfiliit: inde respexit Asiam; inde Africæ incubuit: postremo in Hispaniam regyravit, & ibi aliquando defecit. Sed non & odia partium finita cum bello. Non enim prius quievit, quam in Urbe ipsa, medio senatu, eorum qui victi erant odia victoris sese exde fatiarent. Causa tantæ calamitatis eadem quæ omnium, nimia felicitas. Siquidem Quinto Metello, Lucio Afranio consulibus, quæ Romana majestas toto orbe polleret, recentesque victorias, Ponticos & Armenios triumphos in Pompeianis theatris Roma cantaret; nimia Pompeii potentia apud ociosos, ut solet, cives movit invidiam. Metellus ob imminutum Cretæ triumphum; Cato adversus potentes semper obliquus, detestare Pompeium, actisque ejus obstrepere. Hinc dolor transversum egit: & ad præsidia dignitati paranda impulit. Forte tunc Crassus genere, divitiis, dignitate florebat: vellet tamen auctiores opes: Cuius Cæsar eloquentia, & spiritu, ecce jam consulatu allevabatur: Pompeius tamen super utrumque eminebat. Sic igitur Cæsare dignitatem comparare, Crasso augere, Pompeio retinere cupientibus, omnibusque pariter potentiæ cupidis, de invadenda Republica facile convenit. Ergo quum mutuis viribus in suum quisque decus niteretur, Galliam Cæsar invadit, Crassus Asiam, Pompeius Hispaniam: tres maximos exercitus: & jam sic orbis imperium societate trium principum occupatur. Decem annos traxit ista dominatio. Exinde, quoniam mutuo metu tenebantur, Crassi morte apud Parthos, & morte Juliæ Cæsaris filię,

quæ nupta Pompeio, generi focerique concordiam matrimonii fœdere tenebat, statim æmulatio erupit. Jam Pompeio suspectæ Cæsaris opes, & Cæsari Pompeiana dignitas gravis. Nec hic ferebat parem, nec ille superiorem. Nefas! sic de principatu laborabant, tanquam duos tanta imperii fortuna non caperet. Ergo Lentulo Marcelloque consulibus, rupta prima conjurationis fide, de successione Cæsaris senatus, id est Pompeius, agitabat: nec ille abnuebat, si ratio sui proximis committiis haberetur. Consulatus absenti, quem decem tribuni plebis, favente Pompeio, nuper decreverant, tum dissimulante eodem negabatur. *Veniret, & peteret majorum more.* ille contra flagitare decreta: *ac nisi in fide permanerent, non se remittere exercitum.* Ergo ut in hostem decernitur. His Cæsar agitato, statuit præmia armorum armis defendere. Prima civilis belli harena, Italia fuit; cujus arces levibus præsidiis Pompeius infederat: sed omnia subito Cæsaris impetu oppressa sunt. Prima Arimino signa cecinerunt, tum pulsus Etruria Libe, Umbria Thermus, Domitius Corfinio. Et peractum erat bellum sine sanguine, si Pompeium Brundisii opprimere potuisset: & ceperat. sed ille per obsessi claustra portus, nocturna fuga evasit. Turpe dictu! modo princeps patrum, pacis bellique moderator, per triumphatum à se mare, lacera & pæne inermi nave fugiebat. Nec Pompeius ab Italia, quam senatus ab Urbe, fugatur prior, quam pæne vacuum metu Cæsar ingressus, consulem se ipse facit. *Ærarium quoque sanctum, quia tardius aperiebant Tribuni, jussit effringi: censumque & patrimonium populi Romani ante rapuit, quam imperium Pulso fugatoque Pompeio, maluit prius ordinare provincias, quam ipsum sequi.* Siciliam & Sardiniam, annonæ pignora, per legatos habet. Nihil hostile erat in Gallia: pacem ipse fecerat. sed ad Hispanienses Pompeii exercitus transeunti per eam duci fortas claudere ausa Massilia est. Misera, dum cupit pacem, belli metu

in bellum incidit : sed quia tutis muris erat, vinci eam sibi iussit absenti. Græcula civitas, non pro mollitie nominis, & vallum rumpere, & incendere machinas ausa, & congredi navibus : sed Brutus, cui mandatum erat bellum, victos terra marique perdomuit. Mox dedentibus sese ablata omnia præter, quam potior omnibus habebant, libertatem. Anceps, variumque, & cruentum in Hispania bellum cum legatis Cnæi Pompeii Petreio & Afranio : quos Ilerdæ castra habentes, apud Sicorim amnem obsidere, & ab oppido intercludere aggreditur. Interim obundatione verni fluminis, com meatibus prohibetur. sic fame castra tentata sunt : obsessorque ipse quasi obsidebatur. sed ubi pax fluminis rediit; populationibus & pugnæ campos aperuit : iterum ferox instat : & cedentes ad Celtiberiam consequutus, aggere & vallo, ac per hæc siti ad deditionem compulit. Sic ci-erior Hispania recepta est; nec ulterior moram fecit. quid enim una post quinque legiones ? Itaque ultro cedente Varrone, Gades, fretum, Oceanus, omnia felicitatem Cæsaris sequebantur. Aliquid tamen adversus absentem ducem ausa fortuna est circa Illyricum & Africam; quasi de industria prospera ejus adversis radiarentur. Quippe quum fauces Adriatici maris iussi occupare Dolabella & Antonius, ille Illyrico, hic Curidico littore castra posuissent; jam maria late tenente Pompeio, repente legatus ejus Octavius & Libo ingentibus copiis classicorum circumvenit utrumque. Deditionem fames extorsit Antonio. Missæ quoque à Basilo in auxilium ejus rates, quales inopia navium fecerat, nova Pompeianorum arte Cilicum, adis sub mare funibus, captæ quasi per indaginem. Duas tamen æstus explicuit. Una, quæ Opiterginos ferebat, in vadis hæsit, memorandumque posteris exitum dedit. Quippe vix mille juvenum manus, circumfusi undique exercitus per totum diem tela sustinuit, & quum exitum virtus non haberet, tamen ne in deditionem veniret, hortante tribuno Vulteio

eio mutuis ictibus in se concurrir. In Africa quoque par & virtus & calamitas Curionis fuit: qui ad recipiendam provinciam missus, pulso fugatoque Varo jam superbus, subitum Jubæ regis adventum, equitatumque Maurorum sustinere non potuit. Patebat victo fuga, sed pudor suaserat, ut amissum sua temeritate exercitum, morte sequeretur. Sed jam debitum par fortuna flagitante, sedem bello Pompeius Epiron elegerat. nec Cæsar moratur, quippe ordinatis à tergo omnibus, quamvis hiems media prohiberet tempestate, ad bellum navigavit. positisque ad Oricum castris, quum pars exercitus, ob inopiam navium cum Antonio relicta, Brundisii moram faceret; adeo impatiens erat, ut ad arcessendos eos, ardente ventis mari, nocte concubia, speculatorio navigio, solus ire tentaverit. Extat ad trepidum tanto discrimine gubernatorem vox ipsius: *Quid times? Cæsarem verbis.* Contractis in unum undique copiis, positisque cominus castris, diversa erant ducum consilia, Cæsar pro natura ferox, & conficiendæ rei cupidus, ostentate aciem, provocare, laceßere: nunc obsidione castrorum, quæ sedecim millium vallo obduxerat; (sed quid his obesset obsidio, qui patente mari omnibus copiis abundarent?) nunc expugnatione Dyrrhachii irrita; (quippe quam vel situs inexpugnabilem faceret.) ad hoc assiduus in eruptionem hostium præliis; (quo tempore egregia virtus Scævæ centurionis emicuit, cujus in scuto centum atque viginti tela sedere.) jam vero direptione urbium sociarum, quum Oricum, & Gomphos, & alia castella Thessaliæ vastaret. Pompeius adversus hæc necesse moras, tergiversari simul ut hostem interclusum undique inopia com meatuum tereret, utque ardentissimi ducis confenseret impetus. Nec diutius profuit duci salutare consilium, milites ocium, socii moram, principes ambitum ducis increpabant. Sic præcipitantibus fatis, prælio sumpta est Thessalia: & Philippicis campis, Urbis, imperii, generis humani fata

commissa sunt. Nunquam ullo loco tantum viri-
 um populus Romanus, tantum dignitatis fortuna
 vidit. Trecenta amplius millia hinc vel illic, præ-
 ter auxilia regum, & Senatus. Nunquam immi-
 nentis ruinæ manifestiora prodigia, fuga victima-
 rum; examina in signis; interdium tenebræ; dux
 ipse & nocturna imagine; theatri sui audiens plau-
 sum, in modum planctus circumsonare; & mane
 cum pullo (nefas!) apud principia conspectus.
 Nunquam acrior neque alacrior exercitus Cæsaris
 fuit, inde classica prius, inde tela. Annotatum quo-
 que committentis aciem Crastini pilum: qui mox
 adacto in os gladio, sic inter cadavera repertus, li-
 bidinem ac rabiem qua pugnaverant, ipsa novitate
 vulneris præferebat. Sed nec minus admirabilior
 illius exitus belli. Quippe quum Pompeius adeo
 equitum copia abundaret, ut facile circumventu-
 rus sibi Cæsarem videretur; circumventus ipse est.
 Nam quum diu æquo Marte contenderent, jussu-
 que Pompeii fusus à cornu erupisset equitatus; re-
 pente hinc signo dato, Germanorum cohortes
 tantum in effulos equites fecere impetum, ut illi
 esse pedites, hi venire in equis viderentur. Hanc
 stragem fugientis equitatus, levis armaturæ ruina
 comitata est. Tunc terrore latius dato, turbanti-
 bus invicem copiis, reliqua strages quasi una ma-
 nu facta est. nec ulla res magis exitio fuit, quam
 ipsa exercitus magnitudo. Multus in eo prælio
 Cæsar fuit, mediusque inter Imperatorem & mi-
 litem. Voces quoque obequitantis exceptæ, altera
 cruenta, sed docta, & ad victoriam efficax; *Miles,*
faciem feri: altera ad jactationem composita; *Par-*
ce civibus: quum ipse sequeretur. Felicem utcun-
 que in malis Pompeium, si eadem ipsum, quæ ex-
 ercitus ejus fortuna traxisset! Superstes dignitatis
 suæ vixit, ut cum majore dedecore per Thessalica
 Tempe equo fugeret, ut una navicula Lesbos ap-
 plicaretur: pulsus Hedris in deserto Ciliciæ scopu-
 lo, fugam in Parthos, Africam, vel *Ægyptum* agi-
 taret: ut denique in Pelusio littore, imperio vilissi-
 mi

mi regis, consiliis spadonum, &, ne quid malis
 desit, Septimii desertoris sui gladio trucidatus, sub
 oculis uxoris suæ liberorumque moreretur. Quis
 non peractum esse cum Pompeio crederet bellum?
 atquin acrius multo atque vehementius Thessa-
 lici incendii cineres recaluere. Et in *Ægypto* qui-
 dem adversus Cæsarem sine partibus bellū. Quip-
 pe quum Ptolemæus rex Alexandriæ, summum
 civilis belli scelus peregisset, sædusque amicitia
 cum Cæsare, medio Pompeii capite sanxisset; ul-
 tionem tanti viri Manibus quærente fortuna, cau-
 sa non defuit. Cleopatra regis soror affusa Cæsaris
 genibus, partem regni reposcebat. Aderat puel-
 læ forma, & quæ duplicaretur ex illo, quod talis
 passa videbatur injuriam: odium ipsius regis, qui
 Pompeii cadem, partium fato, non Cæsari dede-
 rat; haud dubie idem in ipsum ausurus, si expe-
 disset. Quam ubi Cæsar restitui jussit in regnum,
 statim ab eisdem percussoribus Pompeii obsessus
 in regia, quamvis exigua manu, ingentis exercitus
 molem mira virtute sustinuit. Ac primum ædifi-
 ciorum proximorum, atque navalium incendio,
 infestorum hostium tela submovit: mox in pæni-
 sulam Pharon subitus evasit: inde depulsus in ma-
 ria, mira felicitate ad proximam classem enatavit
 relicto quidem in fluctibus paludamento, seu fa-
 to; seu consilio, ut illud ingruentibus hostium telis
 saxisque peteretur. Tandem receptus à classicis
 suis undique simul hostes adortus, debellata per-
 fida gente, iusta generi Manibus dedit. quippe &
 Theodotus magister, auctorque totius belli, & ne
 virilia quidem portenta Pothinus atque Ganimedes,
 diversa per mare & terras fuga & morte con-
 sumpti. Regis ipsius corpus obrutum limo reper-
 tum est in aureæ loricae honore. In Asia quoque
 novus rerum motus à Ponto: plane quasi de indu-
 stria captante fortuna hunc Mithridatico regno
 exitum, ut à Pompeio pater, à Cæsare filius vin-
 ceretur. Rex Pharnaces magis discordiæ nostræ
 fiducia, quam virtutis suæ, infesto in Cappado-
 ciam

ciam agmine ruebat : sed hunc Cæsar aggressus, uno, & ut sic dixerim, non toto prælio, obtrivit ; more fulminis, quod uno eodemque momento venit, percussit, abscessit. Nec vana de se prædicatio est Cæsar's ; *ante victum hostem esse, quam visum*. Sic cum exteris, at in Africa cum civibus multo atrocius, quam in Pharsalia. Huc reliquias partium naufragarum quidam furoris æstus expulerat : nec reliquias diceres, sed integrum bellum. Sparlæ magis, quam oppressæ vires erant. Auxerat sacramentum ipsa clades Imperatoris : nec degenerabat ducum successio, quippe satis ample sonabant in Pompeiani nominis locum Cato & Scipio. Accessit copiis Mauritanix rex Iuba, videlicet ut latius vinceret Cæsar. Nihil ergo inter Pharsaliam, & Thapson, nisi quod amplior, eoq; acrior Cæsarianorum impetus fuit, indignantium post Pompeium crevisse bellum. Denique, quod alias nunquam ante imperium ducis, sua sponte signa cecinerunt. Strages à Iuba cœpit. ejus elephanti bellorum rudes, & nuper à silva, consternati subito clangore, statim & exercitus in fugam, & duces fortius quam ut fugerent, non inconspicua tamen morte omnium. Iam Scipio nave fugiebat : sed assequuntis eum hostibus, gladium per viscera exegit : & *ubi esset quodam requirente*, respondit hoc ipsum ; *Bene se habet imperator*. Iuba quum se recepisset in regiam, magnifice epulatus, postero die cum Petreio fugæ comite, super mensas & pocula interficiendum se ei præbuit. ille & regi suffecit, & sibi : quum interim semper in medio cibi, & parentalia fercula regio simul Romanoque sanguine madebant. Cato non interfuit bello : positisque apud Bagradam castris, Uticam, velut altera Africæ claustra, servabat, sed accepta partium clade, nihil cunctatus, ut sapiente dignum erat, mortem etiam lætus accivit. Nam postquam filium comitesque ab amplexu dimisit, in nocte lecto ad lucernam Platonis libro, qui immortalitatem animæ docet, paullulum quievit, tum circa primam

primam vigiliam stricto gladio revelatum manus semel iterumque percussit. Ausi post hoc virum medici violare fomentis, ille passus dum abscederent, rescidit plagas: sequutaque vis sanguinis moribundas manus in ipso vulnere reliquit. Quasi non esset usquam dimicatum, sic arma rursus & partes, quantoque Africa supra Thessaliam, tanto Africam superabat Hispania. Plurimum quantum favoris partibus dabat fraternitas ducum, & pro uno duos stare Pompeios. Itaque nusquam atrocius, nec tam ancipiti Marte concursus est. Primum in ipso ostio Oceani Varus Didiusque legati confligere: sed acrius fuit cum ipso mari, quam inter se navibus bellum, siquidem velut furorem civium castigaret Oceanus, utramque classem naufragio cecidit. Quinam ille horror, quum eodem tempore fluctus, procellæ, viri, naves, armamenta confligerent? adde situs ipsius formidinem; vergentia in unum, hinc Hispaniæ, inde Mauritanie littora; mare & intestinum, & externum; imminentesque Herculis speculas; quum omnia undique simul prælio, & tempestate sævirent. Mor circa obsidiones urbium utrimque discursus est: quæ miseræ inter hos atque illos duces societatis Romanæ poenas dabant. Omnium postrema certaminum Munda, hic non pro cætera felicitate, sed anceps, & diu triste prælium: ut plane videretur nescio quid deliberare fortuna. Sane & ipse ante aciem mæstior non ex more Cæsar; siue respectu fragilitatis humanæ; siue nimiam prosperorum suspectam habens continuationem; vel eadem timens, postquam idem esse cœperat quod Pompeius. Sed in ipso prælio, quod nemo unquam meminerat, quum diu pari Marte acies nihil aliud quam occiderent, in medio ardore pugnantium subito ingens inter utrosque silentium, quasi convenisset, hic omnium sensus erat. Novissime illud inusitatum Cæsaris oculis nefas, post quatuordecim annos probata veteranorum manus gradum retro dedit, quod etsi nondum fuge-

manu rat, apparebat tamen pudore magis, quam virtute
 resistere. Itaque ablegato equo, similis furenti, pri-
 mam in aciem procurrit. Ibi prensare fugientes,
 confirmare, per totum denique agmen oculis, ma-
 nibus, clamore volitare. Dicitur in illa perturba-
 tione & de extremis agitasse secum, & ita mani-
 festo vultu fuisse, quasi occupare manu mortem
 vellet; nisi cohortes hostium quinque per tran-
 versam aciem actæ, quas Labienus periclitantibus
 castris subsidio miserat, fugæ speciem præbuis-
 sent hoc aut & ipse credidit, aut dux callidus arripuit
 in occasionem: & quasi in fugientem invehit, si-
 mul & suorum erexit animos, & hostes perculit.
 nam hi dum se putant vincere, fortius sequi; Pom-
 peiani dum fugere credunt suos, fugere cœperunt.
 Quanta fuerit hostium cædes, ira, rabiesque vi-
 ctoribus, sic æstimari potest. hoc à prælio profu-
 gi quum se Mundam recepissent, & Cæsar obside-
 ri statim victos imperasset, ex congestis cadave-
 ribus agger effectus est, quæ pilis jaculisque confi-
 xa inter se tenebantur. fœdum etiam inter barba-
 ros! Sed videlicet victoriam desperantibus Pom-
 peii liberis, Cnæum prælio profugum, crure saucio
 deserta & avia petentem, Cenonius apud Lau-
 ronem oppidum consequutus, pugnantem (adeo
 nondum desperabat) interfecit. Sextum fortuna
 in Celtiberiam interim abscondit; aliisque post
 Cæsarem bellis reservavit. Cæsar in patriam vi-
 ctor invehitur. Primum de Gallia triumphum
 transmiserat Rhenus, & Rhodanus, & ex auro ca-
 ptivus Oceanus. Altera laurus *Aegyptia*. tunc in
 ferentis Nilus, Arfinoe, & ad simulacrum ignium
 ardens Pharus. Tertius de Pharnace currus, & Pon-
 to. Quartus Jubam & Mauros, & bis subactam
 ostendebat Hispaniam. Pharsalia, & Thapso, &
 Munda nusquam, & quanto majora erant, de qui-
 bus non triumphabat! Hic aliquando finis armis
 fuit. reliqua pax incruenta: pensatumq; clementia
 bellum. Nemo cæsus imperio præter Afranium.
 faris ignoverat semel, & Faustum Syllam, didice-
 rat

rat generos timere. filiamque Pompeii cum patruelibus ex Sylla. hic posteris cavebatur. Itaque non ingratis civibus, omnes unum in principem congesti honores: circa templa imagines, in theatro distincta radiis corona; suggestus in curia; fastigium in domo; mensis in cælo; ad hoc pater ipse patriæ perpetuusque dictator: novissime, dubium, an ipso volente oblata pro Rostris ab Antonio consule regni insignia. Quæ omnia velut infula in destinatam morti victimam congerebantur. Quippe clementiam principis vicit invidia, gravisque erat liberis ipsa beneficiorum potentia. Nec diutius dilatio donata est: sed Brutus & Cassius, aliique patricii consenserunt in eadem principis. quanta vis fati! manaverat lare conjuratio, libellus etiam Cæsari datus eodem die. nec perlitare centum victimis potuerat, venit in curiam tamen, expeditionem Parthicam meditans, ibi in curuli sedentem eum senatus invasit: tribusque & viginti vulneribus ad terram datus est. Sic ille, qui terratum orbem civili sanguine impleverat, tandem ipse sanguine suo curiam implevit.

C A P. III. *Cæsar Augustus.*

POpulus Romanus, Cæsare & Pompeio trucidatis, redisse in statum pristinae libertatis videbatur: & redierat, nisi aut Pompeius liberos, aut Cæsar heredem reliquisset: vel, quod utroque perniciosius fuit, si non collega quondam, mox æmulus Cæsarianæ potentia, fax & turbo sequentis sæculi, superfuisset Antonius. Quippe dum Sextus paterna repetit; trepidatum toto mari: dum Octavius mortem patris ulciscitur, iterum fuit movenda Thessalia; dum Antoninus variis ingenio, aut successorem Cæsaris indignatur Octavium, aut amore Cleopatras desciscit in regem, nam aliter salvus esse non potuit, nisi confugisset ad servitutem. Gratulandum tamen in tanta perturbatione est, quod potissimum ad Octavium Cæsarem Augustum summa rerum rediit: qui sapientia sua at-

que

que solertia, percussum undique & perturbatum ordinavit imperii corpus: quod ita haud dubie nunquam coire & consentire potuisset, nisi unius præsidis nutu, quasi anima & mente regeretur. Marco Antonio Publio Dolabella consulibus, imperium Romanum jam ad Cæsares transferente fortuna, varius & multiplex civitatis motus fuit, quodque in annua cœli conversione fieri solet, ut mota sidera tonent, ac suos flexus tempestate significant; sic cum Romanæ dominationis, id est humani generis conversione, penitus intremuit, omnique genere discriminum, civilibus, terrestribus, ac navalibus bellis, omne imperii corpus agitatatum est.

C A P. IV. *Bellum Mutinense.*

Prima civilium motuum causa testamentum Cæsaris fuit, cujus secundus hæres Antonius prælatum sibi Octavium furens, inexpiabile contra adoptionem acerrimi juvenis susceperat bellum, quippe quum intra decem & octo annos tenerum, obnoxium, & opportunum injuriæ juvenem videret, ipse plenæ ex commilitio Cæsaris dignitatis; lacerare furtis hæreditatem, ipsum infestari probris, cunctis artibus cooptationem Iuliæ gentis inhibere non desineret; denique ad opprimendum juvenem, palam arma moliri; & jam parato exercitu in Cisalpina Gallia resistentem motibus suis Decimum Brutum obsidebat: Octavius Cæsar, ætate & injuria favorabilis, & nominis majestatem, quod sibi induerat, revocatis ad arma veteranis, privatus (quis crederet?) consulem aggredditur, obsidio Mutinæ liberat Brutum: Antonium exiit castris. Tum quidem etiam manu pulcher apparuit, nam cruentus & saucius aquilam, à moriente signifero traditam, suis humeris in castra referebat.

CAP. V. *Bellum Perusinum.*

Alterum bellum concitavit agrorum divisio, quos Cæsar veteranis in castris, pretium militiæ, persolvebat. Semper alias Antonii pessimum ingenium Fulvia gladio cincta virilis militiæ, uxor agitabat. Ergo depulso agris colonos incitando, iterum in arma ierat. Hic vero jam non privatis, sed totius senatus suffragiis judicatum hostem Cæsar aggressus, intra Perusiæ muros redegit, compulitque ad extrema deditiois, turpi & nihil non experta fame.

CAP. VI. *Triumviratus.*

Quum solus etiam gravis paci, gravis Reipublicæ esset Antonius, quasi ignis incendio Lepidus accessit. Quid contra duos exercitus necesse fuit venire in cruentissimi fœderis societatem? Diversa omnium nota incendia. Lepidum divitiarum cupido, quarum spes ex turbatione Reipublicæ: Antonium ultiones de his, qui se hostem judicassent: Cæsarem inultus pater, & Manibus ejus graves Cassius & Brutus agitabant. In hoc velut fœdus pax inter tres duces componitur. Apud Confluentes inter Perusiam & Bononiam jungunt manus, & exercitus consalutant. Nullo bono more Triumviratus invaditur, oppressaque armis Reipublica, redit syllana proscriptio: cujus atrocitas nihil in se minus habet, quam numerum centum quadraginta senatorum. Exitus fœdi, truces, miserabiles, toto terrarum orbe fugientium. pro quibus quis pro dignitate rei ingemiscat, quum Antonius Lucium Cæsarem avunculum suum, Lepidus Lucium Paulum suum fratrem proscripserit. Romæ capita cæsorū proponere in Rostris jam usitatum erat: verum sic quoque civitas lacrymas tenere non potuit, quum recisum Ciceronis caput in illis suis Rostris videretur, nec aliter ad videndum eum, quam solebat ad audiendum, concurreretur. Hæc scelera in Antonii Lepidi que tabulis

Cæsar

Cæsar percussoribus patris contentus fuit. Hæc quoque nisi multa fuisset, etiam justa cædes haberetur.

C A P. VII. *Bellum Cassii & Bruti.*

BRUTUS & CASSIUS sic Cæsarem, quasi Tarquinium regem, depulisse regno videbantur: sed libertatem, quam maxime restitutam voluerunt, illo ipso parricidio perdidere. Igitur cæde perfecta, quum veteranos Cæsaris, nec immerito, timerent, statim è curia in Capitolium confugerunt. Nec illis ad ultionem deerat animus; sed ducem non habebant. Igitur quum appareret, quæ strages Reipublicæ immineret, displicuit ultio cum consulis abolitione decreta. Ne tamen publici doloris oculos ferrent, in provincias ab illo ipso, quem occiderant, Cæsare datas, Syriam & Macedoniã, concesserunt. Sic vindicta Cæsaris dilata potius quam oppressa est. Igitur ordinata magis ut poterat, quam ut debebat, in Triumviros republica, relicto ad Urbis præsidium Lepido, Cæsar cum Antonio in Cassium Brutumq; succingitur. Illi comparatis ingentibus copiis, eandem illam, quæ fatalis Cnæo Pompeio fuit, harenam infederant. Sed nec tum imminetia cladis destinatæ signa latuere. Nam & assuetæ cadaverum pabulo volucres, castra quasi jam sua circumvolabant: & in aciem prodeuntibus obvius Æthiops nimis aperte serale signum fuit. Ipsiq; Bruto per noctem, quum illato lumine ex more aliqua secum agitaret, atra quædam imago se obtulit: & quæ esset interrogata; *Tuus*, inquit, *malus genius*. Hoc dixit, & sub oculis mirantis evanuit. Pari in meliora præfagio in Cæsaris castris omnia aves, victimæque promiserant: sed nihil illo præsentius, quod Cæsaris medicus somnio admonitus est, *ut Cæsar castris excederet, quibus capi imminet*: ut factum est. Acie namque commissa, quum pari ardore aliquandiu dimicatum foret: & quamvis duces non essent præsentés, quorum alterum corporis ægritudo, illum

illum metus & ignavia subduxissent; staret tamen pro partibus invicta fortuna & ulcoris, & qui vindicabatur: primum adeo anceps fuit & par utrinque discrimen, ut exitus prælii docuit. Capta sunt hinc Cæsaris castra, inde Cassii. Sed quanto efficacior est fortuna quam virtus! & quam verum est, quod moriens efflavit, non *in re, sed in verbo tantum esse virtutem*! Victoriæ illi prælio error dedit. Cassius inclinato cornu suorum, quum captis Cæsaris castris, rapido impetu recipientis se equites videret, fugere arbitratus evadit in tumulum. inde pulvere & strepitu, etiam nocte vicina, eximentibus gestæ rei sensum, quum speculator quoque in id missus, tardius renunciaret; transactum de partibus ratus, uni de proximis auferendum præbuit caput. Brutus quum in Cassio etiam suum animum perdidisset, ne quid ex constituti fide resignaret (ita enim par superesse bello convenerat) ipse quoque uni comitum suorum confodiendum præbuit latus. Quis sapientissimos viros non miretur ad ultimum non suis manibus usos? nisi si hoc quoque ex persuasione defuit, ne violarent manus, sed in abolitione sanctissimarum piissimarumque animarum, iudicio suo, scelere alieno, uterentur.

C A P. VIII. *Bellum cum Sexto Pompeio.*

Sublatis percussoribus Cæsaris, supererat Pompeii domus. Alter juvenum in Hispania occiderat, alter fuga evaserat: contractisq; infelicis belli reliquiis, quum insuper ergastula armasset, Siciliam, Sardiniamque habebat. Iam & classe medium mare infederat, o quam diversus à patre! Ille Cilicas extinxerat: hic secum piratas navales agitabat. Tanta mole belli penitus in Siculo freto juvenis oppressus est: magnique famam ducis ad inferos secum tulisset, si nihil tentasset ulterius: nisi quod magnæ indolis signum est, sperare semper. Perditis enim rebus profugit; Asiamque velis petens, venturus ibi in manus hostium & catenas, & quod

quod miserrimum est fortibus viris, ad hostium arbitrium sub percussore moriturus. Non alia post Xerxem miserabilior fuga, quippe modo trecentarum quinquaginta navium dominus, cum sex septemve fugiebat, extincto Prætoris navis lumine, anulis in mare abjectis, pavens atque respectans, & tamen non timens ne periret.

CAP. IX. *Bellum Parthicum duæ Ventidio.*

Quamvis in Cassio & Bruto partes sustulisset; in Pompeio totum partium nomen aboleretur: nondum tamen ad pacis stabilitatem profecerat. Cæsar, quum scopulus, & nodus, & mora publicæ securitatis superesset Antonius. Nec ille defuit vitiis, quin periret, immo omnia expertus ambitu & luxuria, primum hostes, deinde cives, tandem etiam terrore sui sæculum liberavit. Parthi clade Crassiana alius animos erexerant; civilesque populi Romani discordias lati acceperant: itaque ut prima adfuit occasio, non dubitaverunt & erumpere, ultro quidem invitante Labieno. qui missus a Cassio Brutoque (quis furor scelerum!) sollicitaverat hostes in auxilium. & illi Pacoro duce, regio juvene, dissipant Antoniana præsidia. Saxa legatus, ne veniret in potestatem, a gladio suo impetravit. Denique ablata Syria, emanabat latius malum, hostibus sub auxilii specie sibi vincentibus; nisi Ventidius, & hic legatus Antonii, incredibili felicitate & Labieni copias, ipsumque Pacorum, & omnem Parthicum equitatum, toto inter Orontem & Euphratem sinu late cecidisset. Vingt amplius millium fuit, nec sine consilio ducis, qui simulato metu adeo passus est hostem castris succedere, donec absumpto jactus spatio, adimeret usum sagittarum. Rex fortissime dimicans cecidit. Mox circumlato ejus per urbes quæ desciverant capite, Syria sine bello recepta. Sic Crassianam cladem Pacori cæde pensavimus.

CAP. X. *Bellum Parthicum cum Antonio.*

EXpertis invicem Parthis atque Romanis, quum Crassus atq; Pacorus utrinque virium mutuarum documenta fecissent; pari rursus reverentia integrata amicitia: & quidem ab ipso fœdus Antonio cum rege percussum. Sed immensa vanitas hominis, dum titulorum cupidine, Araxem & Euphratem sub imaginibus suis legi concupiscit; neque causa, nec consilio, ac ne imaginaria quidem belli indictione quasi hoc quoque ex arte ductis esset, obrepere; relicta repente Syria in Parthos impetum facit. Gens præter armorum fiduciam callida, simulat trepidationem, & in campos fugam: hic statim quasi victor sequebatur: quum subito nec magna hostium manus, ex improvviso, & jam in fessos via, sub vespere, velut nimbus erupit, & missis undique sagittis duas legiones operuerunt. Nihil acciderat in comparisonem cladis, quæ in posterum diem imminebat, nisi intervenisset deum miseratio. Unus ex clade Crassiana Parthico habitu castris adequitat, & salute Latine data, quum fidem ipso fecisset, quid immineret edocuit; jam *affuturum cum omnibus copiis regem: irent retro, peterentque montes: sic quoque hostem forlasse non desore.* atque ita sequuta est minor vis hostium quam imminebat. Adluit tamen; deletæq; reliquæ copiæ forent, nisi urgentibus telis in modum grandinis, quadam forte, quasi docti, procubuissent in genua milites, & elatis super capita scutis, cælorum speciem præbuisent. Tum Parthus arcus inhibuit, deinde Romani quum se rursus extulissent, adeo res miraculo fuit, ut unus ex barbaris miserit vocem; *ite & bene valete, Romani. merito vos victores fama gentium loquitur, qui Parthorum tela fugistis.* Non minor ex aqua postea, quam ab hostibus clades, infesta primum siti regio, tum quibusdam Salmacidis fluvius infestior, novissimeque jam ab invalidis & a vide hauriebatur: quum noxiæ etiam dulcis fieret.

ret. Mox & ardores per Armeniam; & nives per Cappadociam; & utriusque cœli subita mutatio pro pestilentia fuit. Sic vix tertia parte de sedecim legionibus reliqua; quum argentum ejus passim dolabris concideretur; & subinde inter moras mortem à gladiatore suo efflagitasset egregius imperator; tandem perfugit in Syriam, ibi incredibili quadam mentis vecordia ferocior aliquanto factus est: quasi vicisset qui evaserat.

CPA. XI. *Bellum cum Antonio & Cleopatra.*

Furor Antonii quatenus per ambitum non irretet, luxu & libidine extinctus est. Quippe post Parthos, quum exosus arma in otio ageret, captus amore Cleopatræ, quasi bene gestis rebus, in regio se sinu reficiebat. Hæc mulier *Ægyptia*, ab ebrío imperatore, pretium libidinum Romanum imperium petit. Et promissit Antonius: quasi facilius esset Partho Romanus. Igitur dominationem parare, nec tacite: sed patriæ, nominis, togæ, falcium oblitus, totus in monstrum illud ut mente, ita animo quoque, & cultu desciverat. Aureum in manu baculum; ad latus acinaces; purpurea vestis ingentibus obstricta gemmis; diadema aderat, ut regina rex ipse frueretur. Ad primam novorum motuum famam Cæsar à Brundisio trajecerat, ut venienti bello occurreret: positisque in Epiro castris, Leucadem insulam, montemque Leucaten, & Ambracii sinus cornua, infesta classe succinxerat. Nobis quadringentæ amplius naves; ducentæ non minus hostium: sed numerum magnitudo pensabat. Quippe à senis in novenos remorum ordinibus, ad hoc turribus, atque tabulatis allevatæ, castellorum & urbium specie, non sine gemitu maris, & labore ventorum ferebantur, quæ quidem ipsa moles exitio fuit. Cæsaris naves à triremibus in senos non amplius ordines creverant. Itaque habiles in omnia quæ usus poscebat, ad impetus & recursus flexusque capiendos, illas graves, & ad omnia præpeditas, singulas

plures adortæ, missilibus simul, tum rostris, ad hoc ignibus jactis, ad arbitrium dissipavere. Nec ulla re magis hostilium copiarum apparuit magnitudo, quam post victoriam. Quippe immensa classis, naufragio belli factò, toto mari ferebatur. Arabumque, & Sabæorum, & mille aliarum gentium Asiæ spolia, purpuram aurumque in ripam assidue mota ventis maria revomebant. Prima dux fugæ regina, cum aurea puppe, veloque purpureo, se in altum dedit. Mox sequutus Antonius: sed instare vestigiis Cæsar. Itaque nec præparata in Oceanum fuga; nec munita præfidiis utraque *Ægypti* cornua, Parætonium atque Pelusium, profuere, prope manu tenebantur. Prior ferrum occupavit Antonius. Regina ad pedes Cæsaris provoluta tentavit oculos ducis, frustra. Nam pulchritudo intra pudicitiam principis fuit. Nec illa de vita quæ offerebatur, sed de parte regni laborabat. Quod ubi desperavit à principe, servarique se triumpho vidit, incautiorem nata custodiam, in Mausoleum se (sepulchra regum sic vocant) recipit, ibi maximos, ut solebat, induta cultus, in differto odoribus folio, juxta suum se collocavit Antonium: admotisque ad venas serpentibus, sic morte quasi somno soluta.

CAP. XII. *Bella adversus gentes externas.*

Hic finis armorum civilium, reliqua adversus externas gentes: quæ districto circa mala sua imperio, diversis orbis oris emicabant. Nova quippe pax: nec dum assuetæ frenis servitutis tumidæ gentium inflatæque cervices, ab imposito nuper jugo resiliabant. Ad Septemtrionem conversa ferme plaga ferocius agebat; Norici, Illyrii, Pannonii, Dalmatæ, Mysi, Thraces & Daci, Sarmatæ atque Germani. Noricis animos dabant Alpes atque nives, quo bellum non posset ascendere: sed omnes illius cardinis populos, Brennos, Senones atque Vindelicos, per privignum suum Claudium Drusum perpacavit. Quæ fuerit callidarum gen-

gentium feritas, facile vel mulieres ostendere; quæ deficientibus telis, infantes ipsos afflictos humo in ora militum adversa miserunt. Illyrii quoque sub Alpibus agunt, imasque valles earum, ad quædam quasi claustra, custodiunt, abruptis torrentibus impliciti. in hos expeditionem ipse sumpsit; fierique pontes imperavit. Hic se & aquis & hoste turbantibus, cunctanti ad ascensum militi scutum de manu rapuit: & in via primus, tunc agmine sequuto, quum Illyricus multitudine pontem succidisset, faucibus manibus ac cruribus, speciosior sanguine, & ipso periculo augustior, terga hostium percecudit. Pannonii duobus saltibus, ac tribus fluviiis, Dravo, Savo, Histroque vallabantur. populi proximos, intra ripas se recipiebant. in hos domandos Vibium misit. cæsi sunt in utrisque fluminibus. Arma victorum non ex more belli cremata; sed capta sunt, & in profluentes data: ut cæteris, qui resistebant, victoria sic nunciaretur. Dalmatæ plerumque sub silvis agunt: inde in latrocinia promptissimi. Hos jam quidem Marcius incensa urbe Delminio quasi detruncaverat. postea Asinius Pollio gregibus, armis, agris multaverat; (hic secundus orator) sed Augustus perdomandos Vibio mandat: qui æfferum genus fodere terras coëgit, aurumque venis repurgare: quod alioquin gens omnium cupidissima, studiosa diligentia acquirit; ut illud in usus suos servare videatur. Myfi quam feri, quam truces fuerint, quam ipsorum etiam barbari barbarorum, horribile dictu est. Unus ducum, ante aciem postulato silentio, *Qui vos, inquit, estis?* Responsum invicem: *Romani, gentium domini.* Et illi, *Ita, inquit, si nos viceritis.* Accepit omen Marcus Crassus. Illi statim ante aciem immolato equo concepere votum, ut *cæsorum extis ducum & litarent, & vescerentur.* Deos audisse crediderim, nec tubam sustinere potuerunt. Non minimum terroris incussit barbaris Domitius centurio, satis barbaræ, efficacis tamen apud pares homines stoliditatis, qui foculum ge-

rens super cassidem, suscitata motu corporis
flammam, velut ardenti capite fundebat. Ante hos,
Thracum maxime populus desciverat. Ille barbarus
& signis militaribus, & disciplina, armis etiam
Romanis assueverat: sed à Pisone perdomiti, in
ipsa captivitate rabiem ostendere, quippe quum
catenas morsibus tentarent, feritatem suam ipsi
puniebant. Daci montibus inhærent, Cotifonis re-
gis imperio, quotiens concretus gelu Danubius
iunxerat ripas, decurrere solebant, & vicina po-
pulari. Vilem est Cæsari Augusto gentem aditu
difficilissimam submovere. Misso igitur Lentulo, ul-
tra ulteriorem repulit ripam: citra, præsidia con-
stituit. Sic tunc Dacia non victa, sed summotæ, at-
que dilata est. Sarmatæ patentibus campis ine-
quitant, & hos per eundem Lentulum prohibere
Danubio satis fuit. Nihil præter nives, raræq; sil-
vas habent. Tanta barbaries est, ut pacem non in-
telligant. Germaniâ quoque utinam vincere tanti
non putasset: magis turpiter amissa est, quam glo-
riose acquisita: sed quatenus sciebat patrem suum
Cæsarem, bis trajecto ponte Rheno, quæsisse bel-
lum; in illius honorem concupiit facere provin-
ciam. & factum erat, si barbari tam vitia nostra,
quam imperia ferre potuissent. Missus in eam pro-
vinciam Drusus, primos domuit Uisipetes: inde
Tenctheros percucurrit, & Cattos. Nam Marco-
manorum spoliis insignibus quendâ editum tumu-
lum in trophæi modum excoluit. Inde validissi-
mas nationes, Cheruscos Suevosque & Sicambros
pariter aggressus est: qui viginti centurionibus
incrematis, hoc velut sacramento sumpserant
bellum, adeo certa victoriæ spe, ut prædam in an-
tecessum pactione diviserint. Cherusci equos; Sue-
vi aurum & argentum; Sicambri captivos elege-
rant; sed omnia retrorsum. Victor namque Dru-
sus equos, pecora, torques eorum, ipsosque, præ-
da divisit, & vendidit. præterea in tutelam pro-
vinciarum, præsidia atque custodias ubique dis-
posuit; per Mosam flumen; per Albim; per Visur-
gim,

gim. Nam per Rheni quidem ripam, quinquaginta amplius castella direxit. Bonnam & Gesoniam cum pontibus junxit, classibusque firmavit. Invisum atque inaccessum in id tempus Hercynium salum patefecit. Ea denique in Germania pax erat, ut mutati homines, alia terra, cœlum ipsum rati-
tius molliusque solito videretur. Denique non per adulationem, sed ex meritis, defuncto ibi fortissimo juvene, ipsi, quod nunquam alias, senatus cognomen ex provincia dedit. Sed difficilior est provincias obtinere, quam facere. viribus parantur, jure retinentur. Igitur breve id gaudium. Quippe Germani victi magis, quam domiti erant: moresque nostros magis, quam arma sub imperatore Druso suspiciebant: postquam vero ille defunctus, Varii Quinctilii libidinem ac superbiam, haud secus quam sæviriā odisse cœperunt. Ausus ille agere conventum: & in castris jus dicebat, quasi violentiam barbarorum & lictoris virgis, & præconis voce posset inhibere: at illi, qui jam pridem rubigine oblitos enses, inertesque mœrerent equos, ut primum togas, & sæviora armis jura viderunt, duce Arminio arma corripunt. quum interim tanta erat Varo pacis fiducia, ut ne prædicta quidem, & prodita per Segestem, unum principum, conjuratione commoveretur. Itaque improvidum, & nihil tale metuentem improvise adorti, quum ille (ô securitas!) ad tribunal citaret; undique invadunt, castra rapiunt, tres legiones opprimuntur. Varus perditas res eodem, quo Cannensem diem Paullus; & fato est & animo sequutus. Nihil illa cæde per paludes, perque silvas cruentius: nihil insultatione barbarorum intolerantius, præcipue tamen in caesarum patronos, aliis oculos, aliis manus amputabant: unius os sutum, recisa prius lingua, quam in manu tenens barbarus, tandem, inquit, *vipera, sibi lare desiste*. Ipsius quoque consulis corpus, quod militum pietas humi abdiderat, effossum. Signa & aquilas duas adhuc barbari possident, tertiam signifer prius quam in manus hostium

stium veniret, evulsit;mersamque intra baltei sui latebras gerens, in cruenta palude sic latuit. Hac clade factum, ut imperium, quod in littore Oceani non steterat, in ripa Rheni fluminis staret. Hac ad Septemtrionem. Sub Meridiano tumultuatum magis, quam bellatum est. Musulanios atque Gætulos accolae Syrtium, Cossio duce compescuit: unde illi *Gætulici* nomen. Latius victoria patet, Marmaridas atque Garamantas Curinio subigendos dedit. Potuit & ille redire *Marmaricus*; sed modestior in aestimanda victoria fuit. Ad Orientem plus negotii cum Armeniis. huc alterum ex Cæsaribus nepotibus suis misit. Ambo fato breves; sed alter inglorius. Massiliæ quippe Lucius Morbo solvitur: in Syria Caius ex vulnere, quum Armeniam ad Parthos se subtrahentem recipit. Armenios, victo rege Tigraue, in hoc unum servitutis genus Pompeius assueverat, ut rectores à nobis acciperent. Intermissum ergo jus, per hunc recuperatum, non incruento, nec inulto tamen certamine. Quippe Domnes, quem rex Artaxatis præfecerat, simulata prodicione, adortus virum intantum libello, quem, ut thesaurorum rationes continentem, ipse porrexerat, strictus ac recreatus ex vulnere in tempus. Cæterum barbarus undique infesto exercitu oppressus, gladio, & pyra, in quam se percussus immisit, superstiti etiamnum Cæsari satisfecit. Sub Occasu pacata fere omnis Hispania nisi quam Pyrenæi desinentis scopulis inhaerentem citerior alluebat Oceanus. Hic duæ validissimæ gentes, Cantabri & Astures, immunes imperii agitabant. Cantabrorum & pejor, & altior, & magis pertinax in rebellando animus fuit; qui non contenti libertatem suam defendere, proximis etiam imperitare tentabant, Vaccæosque, & Curgonios, & Aurigonas crebris incursionibus fatigabant. In hos igitur, quia vehementius agere nunciabantur, non mandata expeditio, sed sumpta est. Ipse venit Sageſamam: castra posuit, inde partito exercitu totam in diem amplexus Cantabriam, efferam

feram gentem, ritu ferarum quasi indagine debellabat. Nec ab Oceano quies, quum infesta classe ipsa quoque terga hostium caderentur. Primum adversus Cantabros sub mœnibus Belgicæ præliatus est. Hinc fuga in eminentissimum Vinnium montem, quem maria prius Oceani, quam arma Romana ascensura esse crediderant. Tertio Arracillum oppidum magna vi repugnat. Captum tamen postremo fuit. Medulli montis obsidio (quem perpetua quindecim millium fossa comprehensum cinxit undique simul adeunte Romano) postquam extrema barbari vident; certatim igne, ferro inter epulas, venenoque, quod ibi vulgo ex arboribus taxeis exprimitur, præcepere mortem: seque pars major à captivitate, quæ videbatur, vindicavere. Hæc per Antistium, Furnium, Agrippam legatos, hibernans in Tarraconis maritimis Cæsar accepit. Ipse præsens hos deduxit montibus: hos obsidibus astrinxit: hos sub corona jure belli venundedit. Digna res lauro, digna curru senatui visa est: sed jam Cæsar tantus erat, ut posset triumphos contemnere. Astures per idem tempus ingenti agmine à montibus suis descenderant. Nec temere sumptus, ut barbaris, impetus: sed positis castris apud Asturam flumen, trifariam diviso agmine, tria simul Romanorum castra aggredi parabant. Fuisset & anceps, & cruentum, & utinam mutua clade certamen, tunc tam fortibus, tam subito, tam cum consilio venientibus; nisi Trigæcini prodidissent, à quibus præmonitus Carisius, cum exercitu adveniens oppressit consilia. sic quoque tamen non incruento certamine. Reliquias fusi exercitus validissima civitas Lancia excepit. ubi adeo certatum est, ut quum in captam urbem faces poscerentur, ægre dux impetraverit veniam, *ut victoriæ Romanæ stans potius esset, quam incensa monumentum.* Hic finis Augusto bellicorum certaminum fuit; idem rebellandi finis Hispaniæ. Certamox fides, & æterna pax; cum ipsorum ingenio, in pacis partes promptiore; tum consilio Cæsaris, qui

qui fiduciam montium timens, in quos se recipiebant, castra sua, sed quæ in plano erant, habitare & incolere iussit. Ingentis esse consilii illud observari cœpit. Natura regionis circa se omnis aurifera, minique & chrysocollæ, & aliorum colorum ferax. Itaque exerceri solum iussit. Sic Astures & latentes in profundo opes suas atque divitias, dum aliis quærunt, nosse cœperunt. Omnibus ad Occasum & Meridiem pacatis gentibus, ad Septentrionem quoque, duntaxat intra Rhenum atque Danubium; item ad Orientem intra Taurum & Euphratem; illi quoque reliqui, qui immunes imperii erant, sentiebant tamen magnitudinem, & victorem gentium populum Romanum reverebantur. Nam & Scythæ misere legatos, & Sarmatæ, amicitiam petentes. Seres etiam, habitantesque sub ipso sole Indi, cum gemmis, & margaritis, elephantes quoque inter munera trahentes, nihil magis, quam longinquitatem viæ imputabant, quam quadriennio impleverant; & tamen ipse hominum color ab alio venire cœlo fatebatur. Parthi quoque quasi victoriæ pœniteret, rapta clade Crassiana ultro signa retulere. Sic ubique cuncta atque continua totius generis humani aut pax fuit, aut pactio. Aususque tandem Cæsar Augustus septingentesimo ab Urbe condita anno, Janum Geminum cludere, bis ante se clusum; sub Numa rege; & victa primum Carthagine. Hinc conversus ad pacem, primum in omnia mala, & in luxuriam fluens sæculum, gravibus severisque legibus multis coercuit. Ob hæc tot facta ingentia *Diffator perpetuus*, & *Pater patriæ* dictus. Tractatum etiam in senatu, an quia condidisset imperium, *Romulus* vocaretur: sed sanctius & reverentius visum est nomen *Augusti*; ut scilicet jam tum dum colit terras, ipso nomine & titulo consecraretur.

NOTÆ
ET
OBSERVATA POLITICA
ad
LUCIUM FLORUM.

Ad Prologum.

✻✻✻✻✻ LORUS in hoc Prologo populum Romanum homini comparat. Ut enim
✻ **F** ✻ homo cæteris omnibus præferatur animantibus, utpote rationis & cogitationis particeps, ita Romanum imperium cæterarum gentium imperia ac Respub. antecelluit dignitate. Huc spectant, quæ apud autores hujus imperii laudes passim occurrunt, ut apud Livium, Plinium, Solinum, Trogum, Romam caput orbis appellantes. Augustinus lib. 5. de civitate Dei, proprias esse refert populi Romani artes regnandi atque imperandi, secutus Virgilium, ubi ait,

*Excudent aili spirantia mollius æra,
Credo equidẽ, vivos ducent de marmore vultus,
Orabunt causas melius, cœlique meatus
Discribent radio, & surgentia sidera dicent;
Tu regere imperio populos Romane memento,
Hæ tibi erunt artes.*

Hinc & illud Martialis:

*Terrarum Dea gentiumque Roma,
Cui par est nihil & nihil secundum.*

Et Ovidius 2. Fastorum.

*Gentibus est aliis tellus data limite certo,
Romanae spacium est urbis & orbis idem.*

Septingentos per annos] Hic observandum, quod Plato scripsit, intra septingentos annos statam esse & magnis rebus publicis definitam conversionem.

*Nam & laboribus] Huc spectat illud Virgilii.
1. Aeneidos:*

Tante

*Tanta molis erat Romanam condere gentem,
Virtus & Fortuna*] Ammianus Marcellinus :
Virtus & Fortuna, ut augeretur sublimis us inere-
mentis Roma, convenerunt plerumque dissiden-
tes.

Si pariter atque in semet] An fuerit *insimul*, vel
fortius quod ex Vineti MSS. adducit Gruterus, *in-*
semel? insimul usus idem lib. 2. cap. 20. *Relictæ re-*
giis hereditatibus opes & tota insimul regna veni-
ebant.

Vide etiam inclinantem huc Cl. Salmasium.

Si quis ergo populum Romanum quasi hominem,
Lactantius Firmianus l. 7. c. 15. quod ex Seneca
citatur, nostri Flori est. Fefellit Lactantium præno-
men Annæi, quod Floro codices nonnulli attribuunt,
nonnulli etiam id agnoscunt, omisso Flori nomine,
estque proprium Senecarum. Verba Lactantii sunt:
Non inscite Seneca Romanæ urbis tempora distribu-
it in ætates. Primam enim dixit infantiam sub re-
ge Romulo fuisse, à quo & genita & quasi educata
fit Roma : deinde pueritiam sub cæteris regibus à
quibus & aucta fit & disciplinis pluribus institutis-
que formata : at vero Tarquinio regnante, cum jam
quasi adulta esse cœpisset, initium fuisset adolescen-
tiæ, quæ sine belli Punici terminata sit ; ac tum de-
niq; confirmatis viribus cœpisse juvenescere : subla-
ta autem Caribagine, quæ tam diu æmula imperi
Romani fuit, manus suas in totum orbem terra ma-
rique, porrexisset ; donec regibus cunctis & nationi-
bus subjugatis, bellorum materia deficeret, tumque
viribus suis male usam, donec iisdem seipsam cen-
fecit. Quæ fuit prima ejus senectus. Nam bellis læ-
cerata civilibus, atque intestinis malis pressa, rursus
ad regimē singularis imperii recidit, quasi ad al-
teram infantiam revoluta.

Quibus circum ipsam matrem suam cum finitimis
luctatus est] In Schedis Nazarianis quas citat vir
clarissimus atq; eximius Claudius Salmasius, ha-
beri intelligo: circum ipsam ann ipsa cum finitimis.
Quibus ex verbis, truncatis & balbutientibus, fa-
ciendum

ciendum idem putabat, circum ipsas cunas, vel
incunabula cum finitimis luctatus est. Mihi fere fu-
 ille primitus videtur circum ipsam mammam suam
cum finitimis luctatus est. Nam Roma & Romulus
 à Ruma dicti, ob rumam, id est, mammam, qua
 in Tiberis ripa expositos infantes lupa lactavit,
 præbens rumam, id est, mammam, autore Festo.
 Quibus adde, quod exinde, Roma ubere exerto
 ac nudo pingi solita. Unde Sidonius Appollina-
 ris Paneg. ad Majoranum V.

Sederat exerto bellatrix pectore Roma.

Et clarius Corippus lib. 1.

Addidit antiquam tendentem brachia Romam,

Exerto & nudo gestantem pectore mammam.

Alludere quoq; Symmachus & Cassiodorus, quo-
 rum ille lib. 2. Epist. hic Epist. 1. lib. 2. Et denique
 Arelas, quam Ausonius Gallulam Romam appel-
 lat, dicta antiquitus memoratur Avieno, voce
 Græcanica, *Theline*, id est, mamillaria. Ait,

Arelatus illic civitas attollitur,

Theline vocata sub priore seculo,

Græco incolente.

Innuat igitur Florus infantiam populi Romani
 mammae adhuc suæ pressius propiusque adhæren-
 tem, nec ab ea digredi longiuscule ausam, cum fi-
 nitimis tantum, hinc inde laceissentibus, luctatam.

Quasi reddita juventute revirescit] De Trajani
 hoc ævo dici ex verbis autoris luce clarius est.
 Geminum habet Curtius lib. 10. *Non ergo revires-*
cit a'um, sed etiam floret imperium: intelligens
 scilicet adultum jam ejusdem Trajani imperium,
 sub quo & claruisse eundem illum elegantissimum
 autorem ostendimus alias, suoque aliquando lo-
 co ostendemus luculentius.

Observandum,

1. Quam Plato scripsit statam & definitam esse
 magnarum rerum publicarum periodum ac con-
 versionem circa septimum seculum, eam quoque
 in imperio Romano locum habuisse. Nam post-
 quam

quam annos septingentos primo sub regibus, atq; inde sub consulibus fuisset populus Romanus, rediit tandem, Augusto imperante, reipublicæ status ad principatum seu unius imperium: Atque inde, deducto ab Augusto ad alterum septingentesimum annum calculo, comperiemus penitus pessundatum fuisse imperium, atque occupasse illud Pontificem Romanum, qui tunc temporis præcipue se exeruit, post scilicet ævum Gregorii Magni, id est, anno circiter septingentesimo Christi, qui sub Augusto natus est.

2 Observandum, quod alii, cum per bruta animantia, ut sunt leones, ursi, arietes, imperiorum seu monarchiarum robur ac vigorem denotaverint, quemadmodum à Daniele factum, nostrum autorem per hominis ætatem, veluti per gradus quosdam, idem adumbrasse: ut nimirum quantum homo animantibus cæteris; tantum etiam hoc imperium cæteris antecelluisse dignitate, potentia ac moderatione monstraret.

Ad CAP. I. *Argumentum.*

Romuli & Remi ortus, educatio & Fortuna exponitur. Roma conditur in Palatio, eamq; legibus firmat Romulus.

Primus ille] Concinnius sit meo animo, illi, illi, scilicet populo Romano, qui, ut dictum, per gradus eos ætatum crevit atque adolevit. Ei primus & urbem & imperium condidit & fundavit Romulus.

Lupa vagitum] Romulum & Remum à vera lupa nutritos scribunt Plinius lib. 8. cap. 17. Justinus lib. 43. sub finem: Plutarchus cap. 65. Par. rall. & Naf. 3. Fastorum.

Lacte quis infantes nescit crevisse ferino,

Et picum expositis sæpe tulisse cibos?

Fabulosum putant Livius 1. ab urbe condito, itemq; Lactantius lib. 1. cap. 20. Romuli nutritrix lupa honoribus est affecta divinis. Et ferrem si id animal ipsum fuisset, cujus figuram gerit. Autor est Livius Laurentiæ esse simulacrum. Fuit enim

Faustuli

Faustuli uxor, & propter vulgati corporis vilitatem lupa inter pastores, id est, meretrix nuncupata est. Unde etiam lupanar. Et addit idem Romanos Atheniensium hic exemplum secutos. Nam apud Athenienses cum Læna quædam fœmina tyrannum trucidasset, quia nefas erat meretrici simulacrum consecrare, consecrarunt animal lænam.

Prima victima] Lucanus:

Fraterno primi maduerunt sanguine mari.

Et Horatius 7. Epod.

Acerba fata Romanos agunt,

Scelusque fraternæ necis:

Ut immerentis fluxit in terram Remi

Sacer nepotibus cur.

Varis quasi elementis] Ex Ovidii isto:

Parva fuit, si prima velis elementa referre,

Roma.

Et stator Jupiter] Seneca lib. 4. cap. 7. de Beneficiis: *Stator non, ut historici tradiderunt, ex eo, quod post votum susceptum acies Romanorum surgentium stetit, sed quod stant beneficio ejus omnia, stator stabiliorque est.*

Observandum,

1. Romulum inter cætera, existimavisse haud sufficere populo militarem disciplinam, nisi togata etiam prudentia domi imbueretur. Quapropter legibus & politica statum reipublicæ firmavit.

2. Asylorum usum, sive abusum potius, à Romanis mutuasse Christianos, qui facinorosis promiscue immunitatem concedunt in templa & ad aras confugientibus: Romulus autem Cadmum Thebanum æmulatus est. Quæ enim Judæi habuerunt asyla, quorum in literis sacris mentio, per-fugio tantum fuerunt iis qui delicta non voluntaria commiserant.

AD C A P. II.

OMnia quæ ad divinum cultum spectabant, Numa in octo partes distribuit:

Primi

Primi erant *Curiones*, qui pro curialibus rem divinam faciebant.

Secundi *flamines* quos à gestatione pileorum, quæ flamea dicebantur, ita nominabant. Vide Halicarnasseum. Alii à filo derivant, quasi filamines.

Tertii erant *Tribum celerum*, qui designari solebant, ut regum ad bellum euntium satellites & custodes.

Quarto ordine erant *augures*, qui non avium tantum, sed signa omnia divinitus missa interpretabantur.

Quintus ordo habebat *virgines Vestales*, quæ sacri ignis custodes erant.

Sexto loco habebantur *Salii*, qui saltatione & choreis laudabant deos amorum præfides.

Septima in classe *feciales* locabantur. Horum officium erat, 1. ut cura gereretur ne pop. Rom. ulli fœderatæ civitati bellum injustum inferret. 2. ut cognoscerent si qui fœderatorum se à Romanis injuriam passos dicerent, an id jure dicerent. 3. ut imperatorum delicta contra jusjuranda ac fœdera commissa expiarent.

Ultimo & octavo numero habebantur *pontifices*. Hi à sponte ligneo seu sublicio reficiendo dicti, de ceremoniis ac religione cognoscebant, leges ferebant de sacris, quæ non erant scripta aut moribus populi Romani recepta. Sacerdotes examinabant. Ipsi nulli judicio, nullæq; multæ erant obnoxii, neque senatui neque populo dictorum factorumque rationes reddebant.

Ille pontifices, augures, Salios, ceterosque per sacerdotia descripsit] Ita vulgo etiam Camers edidit. At Vineti editio, ceteraque sacerdotia evulgavit, secutusque est accuratissimus Gruterus. Codex vero Nazarianus, quem laudat Salmasius, referebat, ceteraque per sacercia. Unde ille rescribendum putavit, ceteraque fere sacerdotia; Nisi verius sit, cujus fuisse commonitum à Scriverio nostro amplissimum Rutgersium intelligo: qui & idem in Varias suas retulit, legendum scilicet,

licet, cæteraque P. R. sacerdotia, quod esset, cæteraque populi Romani sacerdotia. Quod soleant nimirum ejusmodi aliæque formulare voces singulariis literis à veteribus scribi, de quibus integrum commentarium fecisse eruditum Grammaticum Val. Probum satis constat, atque ita cum hic esset exaratum, idque non perciperet librarius, ex P. R. per istud efformasse est verisimile.

Ancile erat scutum breve, ita appellatum quod ex utroque latere esset recisum. Hujus custodiæ præpositi erant Salii.

Palladium erat simulachrum Palladis. Apollinis oraculo credebatur, Troja tantum diu mansura Troja, quamdiu in ea Palladium inviolatum servaretur. Post captam Trojam putatur id *Aeneas* in Italiam secum avexisse & in Alba collocasse. Hinc ex Lavinio Romam translatum est teste Varrone. Exstat nummus cum Vestæ templo, in quo palladium Romæ servabatur. In eodem nummo *Aeneas* fingitur Anchisen patrem humeris portans, & manu dextra tenens hoc Palladium, sinistra filium Julum.

Curibus Sabinis agentem] Cures, vicus Sabinorum nunc est, quondam urbs illustris, teste Strabone, caput gentis Halacarnasseo. A Cures Quirites dicti putantur, ab hastis scilicet, quas Sabini cures vocabant, ut Varro testatur.

Politica Observatio.

Notandum illud demum imperium ad florem ac vigorem suum feliciter pervenire, quod justitia & religione adornatum gubernetur.

Ad C A P. III. *Argumentum.*

Pompilio Numæ succedit Tullus Hostilius viracer & militaris. Duellum permittit inter Horatios & Curiatios tergeminos; illos Romanos, hos Albanos. Quorum Horatius à parte Romanorum victor: inde perfidia Albanorum bello recrudescente, vincitur ac deletur Alba: populus Romam transfertur.

Gravem

Gravem & diu principem populum] Ideo appellat, principem populum, quia Alba condita fuit ab Ascanio Iulo *Aeneæ* filio, ante Romam annis CCCC diruta sub hoc Tullo Hostilio Anno urbis conditæ octuagesimo septimo. Stetit ergo res Albana annis CCCCLXXXVII.

Missio in compendium belli] id est, permissio inter Horatios & Curiatios duello sive singulari certamine: cujusmodi duella ob patriæ salutem, permittente duce, suscepta esse licita censet Ferd. Vasquæus & alii nonnulli juris-consultorum. Ejusmodi etiam fuit Davidis cum Goliatho certamen.

Intra gloriam fuit] Male Vinetus, *infra gloriam fuit*. Intra gloriam fuit, idem est, ac si dixisset, gloriæ non litavit. Quomodo & usus est eadem formula lib. 4. cap. 11. *Regina* (Cleopatra) ad pedes, *Cæsaris* prostrata tentavit oculos ducis, frustra, nam pulchritudo intra pudiciam principis fuit.

Populum Romanum transtulisset] Ita vulgo excusi tere omnes. Nos edi curavimus, *populum Romanum transtulisset* manifeste id postulante sententia. Nec aliter ediderat Fr. Raphelengius anno CIOXCVI.

Observandum,

1. Rempublicam non tantum religione & iustitia, sed armis quoque & militari disciplina munitam atque ornatam esse debere.

2. Eos qui contra fidem datam fœdus & pacta violant (quod hic de Albanis memoratur) perfidiæ suæ pœnas, ut plurimum, regni ac status interitu atque amissione luere. Hac enim occasione funditus eversa Alba, & populus Romam translatus est.

3. Notandum in certaminibus singularibus plerumque à provocato superari provocatorem. Curiatii enim, qui Fuffetio offerente, duellum cum Horatiis inierant, ab Horatiis superati sunt. Sic & David Goliathum. Manlius Torquatus Galium provocantes vicerunt.

AD CAP. IV. *Argumentum.*

Ancus Marcius successor Tullii Hostilii à pop. Romano quartus rex declaratur, tria præcipue suo imperio est executus, curæq; habuit. 1. ut urbs muro cingeretur. 2. ut Janiculum, quod erat trans Tiberim, per pontem sublicium urbi jingeretur. 3. ut Ostia oppidulum ad exitum Tiberis situm colonia urbis fieret. Addunt Livius & alii septem ab eo bella gesta, primum cum Latinis alterum cum Fidenatibus, tertium & septimum cum Sabinis, quartum & quintum cum *Vesentibus*, sextum cum Volscis. Regnavit annos XXIV.

Ancus dictus ab anco, id est, incurvo brachio: Festus, Ancus appellatur, qui aduncum habet brachium, ut exporrigi non possit.

Marcus, ab aqua forte Marcia, ejus cura in urbem ducta Plinius lib. 31. cap. 3. *Clarissima aquarum omnium in toto orbe, frigoris sa'ubritatisque palma, præconio urbis, Marcia est, inter reliqua Deum munera urbi tributa. Vocabatur hæc quidam Aufeja, fons autem ipse Piconia. Oritur in ultimis montibus Pelignorum. Transit Marsos & Pustinum lacum, Romam non dubie petens. Mox specum mersa in Tiburtinæ se aperit.* IX M. pass. fornicibus structis perducta. Primus eam in urbem ducere auspicatus est Ancus Marcius unus è regibus. Hujus nec Livius nec Dionysius meminere. Et forte non à Marcia ipse, sed ab ipso ut ductore Marcia dicta.

Pari ingenio] Vult dicere simili nec minore studio, quam Numa, incubuisse ad exercendam justitiam, religionem, omnesque pacis artes; quamvis & belli gloria nulli priorum cesserit.

Ponte Commisit] Sublicio; qui ita dictus à sublicis, quæ tigna sunt in latitudinem extensa. Meminit quoque sublicarum in exstrukione pontis Rhenani Cæsar.

Hic igitur menia muro amplexus] inter menia legit Salmasius. Quid autem muro cinctum ostendit Livius: *Janiculum quoque adjectum non inopia*

loci, sed ne quando ea arx hostium esset, id non muro solum, sed etiam ob commoditatem itinerum ponte sublicio, tum primum in Tevere factio, conjungi urbi placuit. Et Dionysius Halicarnassensis, Janiculum, inquit, montem alium trans Tiberim situm, muro cinxit.

Ponte commisit] Ob commoditatem itinerum, ut dictum jam ex Livio.

Observandum,

1. Imperium Romanum religione & justitia semel constitutum à successoribus exinde eodem in statu non modo reservatum, sed summa cura auctum quoque atque exornatum.

2. Imperia & regna ut omnibus suis numeris efflorescant, summa ope curandum, ut pacis non modo bellicae artibus vigeant, sed etiam itinerum & locorum portuumque commoditatibus, tum & com meatui accipiendi evehendoque ac denique commerciis frequentandis idonea loca constituentur. Quod Ancus Marcius Janiculum urbi jungendo per pontem sublicium, aliaque constituendo, suo exemplo ratum fecit.

Ad C A P. V. Argumentum.

TArquinius è Græcia oriundus regno per simulationem potitus novos constituit senatores, auguratus disciplinam inducit. Tuscos Hetruriae populos subigit. Regnumque multis ornamentis ad dignitatem senatoriam spectantibus exornat. Regnat annos XXXVIII. oppressus per insidias à filiis regis Anci.

Senatus majestatem numero ampliavit] Id est, ex omni plebeiorum numero, quorum virtus bello ac pace spectabilis fuerat centum elegit, eosque in ordinem patriciorum ac senatorum retulit. Et tunc primum populus Romanus trecentos senatores habuit, qui ducenti tantum ad eam usque diem fuerant.

Centuriis tribus auxit] Aufonius.

Martia Roma triplex equitatu, plebe, senatu.

Fasces] XII. Fasces cum securibus præferri consulibus soliti.

Trabea] Trabearum tria erant genera. unum è sola purpura, Diis consecratum: alterum è purpura inalbata, quo Reges utebantur: tertium augurale è purpura & cocco. Vestis præcipue triumphalis fuit.

Tunica palmata] Hæc vestis erat, quam triumphantes toga picta superimposita, tanquam insigni victoriæ gestarunt.

Togæ pictæ] Erant Romani omnes togati.

Romanos, rerum dominos gentemque togatam.

Paludamentum] erat vestimentum militare. Unde imperator cum exit ad bellum signaque cecinerunt, paludatus dicitur proficisci.

Prætexta] Erat toga ita dicta à prætexendo: quia ea utebantur pueri usque ad annum XVII. qui annus tirocinii dicebatur.

Curules] Erant vel equi quadrigales, vel magistratus ita appellati, quod curuli curru in curiam veherentur eburneam sellam habente.

Phaleræ] Erant ornamenta equorum.

Observandum,

1. Reges, quibus aut liberi non sunt, aut quibus infantes adhuc liberi, eos debere suspectos habere aulicos, præsertim potentiores; Solere enim hos in se plerumque regni diadema transferre. Quod hujus Tarquinii exemplo aliorumque ostendi potest. Et hoc est quod paucis verbis innuit autor, cum ait, *regum ultro petens accipit.*

2. Observandum, plurimum ad regni statum ac stabilimentum facere, si ad gradus altiores plebs promoveatur, honoribus atque aliis reipublicæ ornamentis afficiatur.

Ad CAP. VI. Argumentum.

TArquinio Prisco sine liberis masculis discedenti succedit Servius Tullius, natus ex ser-

va bello capta, nomine Ocricia. Tanaquil Tarquinii uxor imperatorum eum ac illustrem fore praevidet: unde & auxilio ejusdem substituitur Tarquinio. Regnum adeptus pop. Romanum non ut ante viritum, sed pro cuiusque fortunarum facultate in classes distribuit. Perit insidiis & violentia filiae & generi sui Tarquinii Superbi, qui in eum percussorem misere.

Servius] Ita dictus à matre serva, quæ, ut dixi, Ocrisia appellata, captaque fuerat in bello Corniculano.

Annitente regina] Tanaquile, cujus filiam duxerat. Erat itaque gener Tarquinii Prisci.

Visa circa caput Flamma] Flammam ejusmodi aliquando naturaliter & Physicis causis excitari notant philosophi, in animalibus præsertim calidi temperamenti. Alias prodigiosa existimant. Cujusmodi etiam fuit, quæ circa caput Julii Africanii conspecta, de qua 2. *Aeneid.* Virgilius.

Ecce levis summo de vertice visus Iuli

Fundere lumen apex, tactuque innexia molli

Lambere flamma comas, & circum tempora pasci.

Egregiam indolem] Hanc demonstravit variis in bellis, quæ cum Hetruscis, Latini, & Sabinis gesta sunt. Quibus in bellis primam semper laudem & coronas meruit. In rebus etiam civilibus prudentissimus fuit, & ad animi sentia exprimenda nullo inferior. Vir qui ad quamlibet fortunam se accommodare & ad mores etiam quosvis se conformare paratus erat.

Relatus in censum] Hic primus Romæ actus est census; inventaque tum hominum M. LXXXIV.

Observandum,

1. Censuum agendorum institutionem in republica summopere esse necessarium, primo ut de populi opibus & potentia constet. 2. ut oneribus reipublicæ à pauperioribus ac tenuioris fortunæ hominibus in ditiores translatis, illis ferendis esse par populus possit.

2. Observandum

2. Observandum, Cum Tanaquilis præsertim instinctu consilioque ad capeffendum regnum accesserit Servius, non semper aspernanda scœminarum consilia.

3. Principis egregiam indolem aliasque insignes animi dotes, ut sunt eloquentia, prudentia, comitas, quæ omnia in Servio commendant historici & præsertim Livius, ad conciliandum favorem ac promotionem plurimum conferre.

Ad CAP. VII. *Argumentum.*

Servio Tullio à filia Tullia & Tarquinio Superbo, genero ejus, interfecto succedit is ipse Tarquinius. Qui & post parricidium jam dictum senatores aliquot Romanos interfici curat. Hinc omnibus gravis à domesticis cædibus ad bella externa se convertit, superatque Ardeates, Ocrucianos, Gobinos, Sueffones Latii populos. Gabiis fraude filii in potestatem redactis principes urbis per filium occidi fecit. Mox templum Jovi in Capitolio erigit ex spoliis captarum civitatum. Cum postremo stuprasset Lucretiam filius ejus sextus, regnum patri abrogatur, post annum imperii XXV.

Superbo] Cognomen ei Superbo datum innuere videtur Livius, quia socerum Tullium sepeliri voluit, Romulum quoque insepultum dictitans.

Ipse in senatum] Nimirum eos præcipue senatores tolli curavit; quos sciebat Ser. Tullii rebus favisse.

Papaveram capita] Ovidius 2. Fastorum lilia fuisse innuit: *Virga lilia summa metit.*

Juventas] Livius itemque Ovidius 2. Fastorum, solius Terminii meminit, cum inquit,

Terminus (ut memorant veteres) inventus in æde Restitit: & magno cum Jove templum tenet.

Solus, quod sciam, Augustinus lib. 4. cap. 23. Martem quoque loco non cessisse addit. Dicitur autem *juventas*, *juventa* & *juventus*: quamvis *juventas*, ut plurimum, pro numine ipso accipiatur, ut hic & apud Horatium.

Parum

Parum comis sine te juvenas Mercuriusque.
Græcis Hebe dicitur.

Humanum repertum est caput] Huic capiti nomen Tolo fuit, atque inde, ut vult Arnobius, *Capitolium* dictum, in arce Tarpeia.

Imperium tum regibus abrogatum] Hic dies dictus Regifugium. Vide Ovidium 2. Fastorum. Eumque diem Romani exinde bis quotannis celebrabant, septimo nimirum Cal. Martias & XI. Cal. Julias. Inter prodigia tum annotatum refert Plinius lib. 8. cap. 41. serpentem latrasse.

Observandum,

1. Imperia dolo parta nisi modeste & absque crudelitate atque insolentia habeantur, vix esse diuturna. Sic Tarquinius scelere partam potestatem per suum & filii scelus perdidit.

2. Ubicunque luxus & libidines dominantur, ibi imperio & statui publico eversionem aut saltem conversionem imminere.

Ad C A P. VIII.

A*Nacepha'æsis* Latine dici potest repetitio seu instauratio; vel ut vulgo loquimur, recapitulatio.

Numa religiosus] Non tamen veram hanc & à Deo religionem Numæ fuisse docet multis Augustinus lib. 2. cap. 24. de civitate Dei. Ubi inter alia demonstrat ejusdem Numæ de religione liberos ne sacrorum causæ, quales in iis continebantur, innotescerent, à Senatu exuri jussos.

Observandum,

Non unum esse, quod regna & statum reipublicæ stabiliat. Unde primo commendatur ROMULI magnanimitas: Secundo NUMÆ pietas seu religio: Tertio TULLII HOSTILII bellandi peritia: Quarto ANCI MARCII ædificandi industria & studium: Quinto TARQUINII PRISCI in populo exornando cura: Sexto SERVIII prudentia & comitas. Septimo & ultimo in

TAR-

TARQUINIO SUPERBO notantur tyrannis & fastus: quibus reipublicæ status in alium est transmutatus, dum ex monarchico fit aristocraticus.

Ad CAP. IX. *Argumentum.*

Monarchia regum dignitatis in aristocraticam translata duobus consulibus committitur. Quorum alter Junius Brutus; alter Tarquinius Collatinus dictus. Collatinus Lucretiæ maritus, quia ex genere Tarquiniorum erat, abrogatis fascibus, dimittitur, ejusque in locum assumitur Valerius Poplicola. Brutus filios, de recipiendo rege Tarquinio consilia agitantes, virgis cæsos securi percutit. Hinc liber populus arma adversus finitimos corripit.

Bruto Collatinoque ducibus] Collatinus dictus à Collatia oppido Latii in via Tiburtina. Unde Ovidius in Fastis,

Cui clarum dederat Collatia nomen.

Mutato & iudice & nomine] Vetus codices jure non iudice aut indice legunt, Et recte, modo jus pro munere & imperio seu potestate accipitur. Nam proprie non jus sed munus mutatum est, ex regio enim consulare factum. Jura autem omnia mansisse Livius his verbis indicat l. 2. de hac ipsa re loquens: *Omnia jura, omnia insignia primi consulatus tenuere.* Jus autem pro munere ac potestate seu imperio dici ostendit Tacitus Annal. 1. *Tribunicio jure contentus.* Ubi *tribunicium jus* eidem mox dicitur *tribunicia potestas.*

Consulesque appellati] Duplicem notationem hujus vocis adducunt autores. Cicero ejus etymi, quod Florus ponit, autor est, quod nimirum consules dicti à consulendo reipublicæ. Varro mavult ab eo ita appellatos, quod consulere senatum & populum deberent.

Mediusque inter Latium & Tuscos] Roma, ut docet Servius in lib. 1. *Aneid.* in principio unam tantum Tiberis ripam complectebatur. Unde Juvenal, Sat. 8.

Imperii finem Tiberinum virgo natavit.

Et Propertius Eleg. 4. lib. 4.

Et Tiberis nostris advena bubus erat.

Latium urbi ab ortu, ab occasu Hetruriz erat, à meridie Vejentes, Sabini à Septentrione, hostes Romanorum omnes.

Observandum,

1. Omnem reipublicæ mutationem esse periculosam, nisi justissimis de causis suscepta, non tantum populum, sed & magistratum aut ejus saltem potiozem partem autorem habeat. Quæ in hac reipublicæ Romanæ conversione singula concurrere.

2. Præcipue ad firmandam mutatæ jam reipublicæ conditionem pertinere, si populo constet, non rei privatæ sed publici boni causam & utilitatem spectari. Quod inter cætera Collatini abdicatione & domus propriæ demolitione Valerius Poplicola, nec non liberorum suorum supplicio ac nece Brutus testatus fuit.

Ad CAP. X. *Argumentum.*

TArquinius Porsenna Hetruriz rex nititur in pristinum statum, sed frustra, reponere obstante Romanorum civium Horatii, Mutii, & Clæliæ virginis spectata virtute ac fortitudine. Quorum exemplis territus Porsenna Romanum populum esse liberum jubet. Ac tandem occiso Tarquinii filio Arunte cessavit regionum pertinacia.

Pulsis ex urbe regibus] Id est, regio dominatu. Codex Palatinus pro *regibus*, *regiis* habet, ut intelligantur, quos inde statim Tarquinius, vocat.

Ponte rescisso] Sublicio scilicet. Romanis exinde religio fuit ex alia materia quam ex ligno pontem construere.

Aruntem regis filium] Hunc filium adulterum fuisse Lucretiæ innuere vult autor. Quamvis auctores fere alii omnes, excepto Servio, Sextum Tarquinium appellent, & Dionysius dicat, natum maximum filiorum fuisse: Livius, Ovidius in

Fastis

Fasti, minimum. Observat præterea Dionysius Halicarnasseus omnes in magistratu violenta morte occubuisse, qui collegam Collatinum consulatu abdicaverant.

Observandum,

Nulla arma valere adversus eos, qui causæ suæ æquitate confisi virtutum atque animi magnitudinem injuriæ opponunt. Sic Horatius Cocles armatus Tiberim tranat: Mutius Scævola manum aberrantem in cæde Porcennæ exurit: Clælia virgo Tiberis fluentum equo transmittit. Eaque virtutis ac fortitudinis exempla ut causæ bonitas excitat, ita quoque ab eadem commendationem accipiunt.

Ad CAP. XI. *Argumentum.*

MAnilius Tusculanus gener Tarquinii Superbi Latinorum dux, populo Romano bellum indicit. Quem Romani ad lacum Regillum in agro Tusculano cædunt ac profligant. Inde ab Hetruscis aliisque vicinis lacesciti Romani fines sui territorii ulterius protendunt: Eaque singula enarrans Florus rei Romanæ angustias cura Orbis exinde acquisiti terminis amplissimis confert, ac paucis bellorum progressus complectitur.

Apud Regilli lacum] Regillus est lacus in agro Tusculano ad Algidi nemoris ingressum. Hodie *Lago de S. Prassè* appellatur.

Donec Posthumius] Qui ob hanc victoriam postea *Regillensis* est appellatus.

Omne Latium] Hodie *campagna di Roma*, quasi territorium Romæ dicas: Incolæ *Latini* dicuntur, olim *Prisci* nominati, teste Halicarnasseo, & Festo. Nam priusquam Roma conderetur, fuerunt. Dicti etiam *Casci*, ut putat Scaliger ad Varronem postea *Æneadæ* & Romani, ut Suidas notat. Dividitur *Latium* in *antiquum* & *novum*. *Antiquum* à Tiberi ad Circeios, *novum* hinc ad Lirin flumen.

Sora] Sora Volscorum in Latio oppidulum & colonia fuit, ad Liris fluenti caput sita.

Algidum] Mediterranea ejusdē Latii urbecula.

Mons Algidus duodecimo ab urbe Lapide situs est.
Satricum] Urbs Latinorum Stephano *Satria*.
 Unde Satriam Dionysio. Livius etiam *Satricum*
 vocat.

Corniculum] Alias *Corniculum*, Latii municipiū,
De Verulis] Verulæ oppidum est Hernicorum in
 Latio item, haud procul Roma. Male in libris
 nonnullis est, *Veis*. Livio est Verulanum. Colonia
 Verulæ meminit Frontinus. Nunc *Verulo* teste
 Leandro.

Bovillis] Bovillæ hodieque notæ. Et exstant
 tenuis istius municipii reliquiæ, circiter medium
 ab urbe lapidem in Via Appia.

Fæsulæ] Hinc ager Fæsulanus in Tuscia. Unde
 & Florentiam postmodo enatam multi volunt. Vi-
 denda epistola Politiani ad P. Medicem.

Carræ] *Carræ* sunt in Mesopotamia, Crassi cla-
 de nobiles.

Aricinum nemus] Ita dictum ab Aricia urbe-
 cula Volscorum in Latio. Distabat ab urbe ad duo-
 decimum lapidem, in Via item Appia.

Fregellæ] Sitæ sunt prope Lirim amme in Latio.

Gessoriacum] Est in Gallia Belgica portus Mo-
 rinorum olim, nunc *Cales* putatur.

Antium Volscorum in Latio metropolis, mari-
 tima urbs.

Ille dictator ab aratro] Dictator à distando,
 quod ejus dicto omnes audientes esse debebant.
 Creabatur olim viva voce, non per suffragia. Alias
 etiam magister populi dicebatur, ob summam, qua
 pollebat, potestatem. Habebat jus animadvertendi
 in cujuscunque civis Romani caput, nec ab eo pro-
 vocandi erat jus. Et tunc præcipue, cum aliqua
 vis major repente esset oborta, aut clades ingens,
 creari solebat. Hic exinde cæteros magistratus
 eligebat.

Ab aratro] Plinius lib. 18. c. 5. *Fortissimi viri*
& milites strenuissimi ex agricolis nascuntur, mini-
meq; male cogitantes. Et ante Plinium Cato, de A-
 gricoltura, Et post hos omnes Vegetius lib. 1. c. 3.

Observandum,

1. Romanorum virtutem, causæ æquitate fultam, ad summum effloruisse, ac postquam se suaque adversus hostem defendissent, ipsum etiam hostem cæterosque, qui pro Tarquiniis laborabant vicisse ac penitus sub jugum misisse.

2. Exemplo Quinti i, qui ab aratro ad dictaturam vocabatur, maximos sæpenumero viros ac duces in obscuro atq; occulto latere, & denique, optimum ac strenuissimum militem non ex uribus, sed agris olim fuisse lectum.

Ad CAP. XII. *Argumentum.*

INstantibus assidue conterminis urbi Romanæ populis, trecenti & sex Fabii, suo periculo adversus Vejentanos arma sumentes, ad flumen Cremeram cæsi omnes. Qua re excitati acrius Romani Faliscos, Fidenates & Vejentes, eorumque urbem Vejos, decennali obsidione pressam; tandem per cuniculos expugnant. Faliscos Camilli iustitiæ permovit ut se dederent, cum ille puerorum magistrum, urbis proditorem, una cum pueris in urbem remitteret.

Cremera] Livio & Ovidio Hetruriæ fluvius. Halicarnasseo est castellum in tumulo situm, sic dictum à flumine Cremere, cui insidet. Fluviolus autem ipse in Tiberim se exonerat, quinto circiter ab urbe lapide.

Genas una Fabiorum] Ovidius 2. Fastorum,

Una dies Fabios ad bellum miserat omnes,

Ad bellum missos perdidit una dies.

Scelerato signat r nomine] Ovidius ibidem,

Carmenitis portæ dextra est via proxima sano.

Ire per hanc noli quisquis es; Omen habet.

Illā fama refert Fabios exisse trecentos,

Porta vacat culpa, sed tamen omen habet.

Falisci.] Falisci Hetruriæ populi sunt, territorii Romani. Dicti ita ab Haleso, teste Ovidio,

Venerat Atridæ satis agitatū Halesus,

A quo se dictam terra Falisca putat.

Hodie qui *Montefiascon* Italis dicitur, Faliscorum fuisse oppidum putant. Dicti etiam Falerii.

Fidenæ] Fidenæ Livio Latinorum seu Albanorum colonia & urbs, sita ad Tiberis & Anienis confluentes. Territorii Romani est in via Flaminia, Populi Fidenates dicti.

Veientes] Italiae populi, focii Fidenatibus. Colonia eorum *Vejus* dicitur in libro Coloniarum, distans M. pass. ab urbe Romana. Hinc *Veji* & *Vejentani* autoribus.

Ludimagistrum] Camillo consule Faliscos circumsedente, magister ludi urbis prodicionem animo agitans, plurimos & nobilissimos inde pueros, velut prodeambulandi gratia eductos, in castra Romanorum perduxit: Quibus interceptis non erat dubium quin Falisci, deposita belligerandi pertinacia, tradituri se imperio Romanorum essent. Qua propter, senatus censuit, ut pueri victum magistrum virgis cadentes in urbem Faliscorum parentibus remitterentur. Qua iustitia, animi eorum sunt capti, quorum moenia expugnari non poterant. Namq; ita Falisci beneficio magis quam armis victi, portas Romanis aperuerunt. Videndus quoque Valerius Max. lib. 6. cap. 5.

Vinctum sibi ultro remisisset] Sibi, id est, Faliscis. Vide similiter locutos Plautum & Ciceronem apud Scaligerum de causis linguae Latinae cap. 129. l. 6. Quod ideo moneo ne quis *Carmentē* sequatur emendantē, urbi remisisset, vel subito remisisset.

Everstionis omen fuit] Victi sunt à dictatore Q. Servilio, captiq; anno Ur. conditæ cccxviii. Et ipse ob hanc victoriam novo agnomine honoratus est, Nam Q. exinde *Servilius Fidenas* est appellatus.

Sed cuniculo] Decennali obsidione pressa Vejentum civitas tandem à Camillo dictatore non vi nec scalis aliisque oneribus, sed cuniculis capitur anno urbis conditæ ccclii.

Larte Totumnio] Ab ista peregrina voce *Larte* accepisse Anglos suum *Laart* sive *Lord*, quo illi magnates summæque dignitatis viros dominant

existimavit olim Nannius Alcmarianus Miscel-
laneorum lib. 3. Danica lingua *lort* in malam
partem accipitur, nihilque, quod eo notatur, esse
spurcius scetulentiusque potest. Galli hodieque
hoc idem generatim accipientes, quidquid minus
pulchrum minusque amœnum est, eodem expri-
munt, *il est lort* dicendo.

Observandum,

1. In cæde tot Fabiorum aliisque; illatis cladibus
populum Romanum animo semper invicto per-
stitisse; adeo ut hac constantia assidui & potentis-
simi circumquaque eorum hostes pessundati sub-
que jugum missi sint.

2. Notanda Romanorum in belligerando non
tantum æquanimitas, sed etiam justitia singularis,
qui ne proditorem quidem Faliscorum inultum
aut sibi reservandum, sed ad suos eum remitten-
dum existimarunt.

3. Observandum ex magnitudine ac priscis
Vejentium opibus decenniisque eorundem obsidione
nihil in rebus humanis esse perpetuum, sed fluxa
& instabilia etiam esse ea quæ vel firmissima atque
inexpugnabilia habentur. Itaque inter cætera
conclusit autor his verbis: *Hoc tunc Vejentes fuere,
nunc fuisse quis meminit? quæ reliquiae? quodve
vestigium? laborat annalium fides, ut Vejos fuisse
credamus.*

Ad C A P. XIII. *Argumentum.*

SEnones Galli ab ultimis Oceani littoribus Ita-
liam ingressi Clusium obsident. A quo ubi dis-
cedunt, ad Alliam flumen occurrentem Romano-
rum manum profligant, atque urbem tandem ipsam
invadunt, capitulumque obsidione cingunt. Mox
Roma à M. Camilio liberatur & post tricesimum
demum annum ad flumen Anienis ita cæduntur,
ut postmodum in agro Pontino à Dolabella varie
afflicti, tandem ad lacum Vadimonis in univer-
sum concissi sint omnes.

Galli Senones] Horum ducem Brennum, inter ceteros, nominat Livius lib. 5.

Clusium] Tusciæ mediterraneum oppidum olim Livio etiam alibi *Camaro* vocatum.

Allia] Umbriæ fluvius in Sabinis, ex Crustumenis montibus in Tiberim defluens. *Caminatus* vocat Leander. Blondus *Curtesio* hodie vocari ait, Distabat ab urbe XI Lapide.

Hanc diem fastis Roma mandavit] Ita habet editio Camertis; Et quam adornavit Lugduni Ertavorum officina Plantiniana sub annum 1596. in forma minori. At quæ prodiit nuperrime ex Commeliniano bibliopolio cum notis clarissimorum virorum Jani Gruteri & Claudii Salmasii *fastis* damnavit præfert, lectione, quæ & sensu & formulari loquendi modus est elegantissima. Locum illustrabunt verba Plutarchi, quæ habentur in *Quæstionibus ejus Romanis*, Prov. 24. ubi inquit, *Cur diebus postridie Calendarum, Nonarum atque Iduum exire urbe aut peregrinari non licet? An id sit ea de causa quam plerique putent, & Livius tradit? Postridie Idus Quintiles, quas nunc Julias vocant, tribuni militum legiones ad Alliam flumen educentes, à Gallis pugna sunt victi, urbemque amiserunt. Is dies cum nefastus esset judicatus, superstitio (ut solet) morem hunc ampliavit, eidemque religioni obnoxios fecit etiam dies postridie Calendarum & Nonarum.*

Camillus] Hic est ille Camillus cui dies dicta est ob prædam Vejentanam inique divisam, quique ab ingratis civibus quindecim millibus gravi æris simulque exilio Ardeatico damnatus est. Post vero hanc victoriam triumphans urbem ingressus est, atque appellatus secundus Romulus, teste Eutropio.

Clangore anseris] Referunt autores anseribus inesse singularem vigilantiam, qua & canes superant. Unde Plinius lib. 10. cap. 22. *Est & anseris vigil cura capitolio testata defenso, per id tempus ca-*

num silentio proditis rebus. Quamobrem cibaria anserum censores imprimis locant.

Nulla Senonum vestigia superfuit] A Senonibus tamen Sennam fluvium dictum autores volunt. Silius in 1. Et *Clavis & Rabio & Senonum* de nomine *Senna*. Item *Senonum* in Italia urbs, quæ Straboni *Senegallia*, ut & Plinio & Diacono. Silius *Senam* quoque *Gallicam*, alludens ad nomen *Senonum*, sic expressit,

Qua Sena relictum.

Gallorum à populis traxit per secula nomen.

Distinguendi interim à *Semnonibus*, qui, ut Tacitus in *Germania* sua ait, *vetustissimos se nobilissimosque Suevorum memorant*. Eorum fines, ut recte notavit Velleius Paterculus, *Albis præterfluit*, nisi quod perperam apud eum pro *Semnonum*, expressum est *Senonum*: Ita enim legendum lib. 2. *A Rheno usque ad flumen Albim, qui Semnonum Hermondorumque fines præterfluit*. Perperam inquam expressum ibi *Senonum*.

Sedentes in curulibus sellis] *Sedentes in curulibus suis*, quod habere editiones vetustiores intelligo. vulgato prætulerim, præsertim si firmetur auctoritate alicujus manuscripti.

Insequente Gallo, sacra alite adjutus] *Lege, insidente galeæ, sacra alite adjutus*, quo modo ex editione vetustissima eruit elegantissimus Gruterus firmaturq; codice M S S. quem inspexit Salmasius.

Vadimonis lacus] Est juxta Ameriam Umbriæ urbem, distans Roma circiter 46. pass. millibus. Plinius junior, *Epistolarum* lib. 8. *Epist. ad Gallum*, memorat in ea insulas natæ ac fluere. Fabricio est lacus qui hodie *di viterbo* appellatur.

Observandum,

1. Populum Romanum ipsamq; urbem à minimis initiis ad summum imperium, quale unquam toto orbe fuit aut erit, non levibus sed maximis bellorum discriminibus ac periculis, quæ sua omnia virtute mirabiliter superavit, eventam paulatim pervenisse.

2 Ad reverentiam & metum hosti incutendum plurimum facere magistratus majestatem & innocentiam amplissimo suo cultu decorati atque insigniti.

Ad C A P. XIV. *Argumentum.*

Occasio belli cum Latinis innuitur fuisse Latinorum ferox postulatam, quo jus civitatis & alterum è sua gente fieri consulem expeterent. Deinde ostenditur, à Manlio Torquato filius, licet victor, sed absque mandato & extra ordinem, ad prælium progressus, securi percussus. Et denique P. Decium pro salute populi & legionum Diis manibus vivum se obtulisse.

Manlius Torquatus] Torquatus dictus ob torquem anreum Gallo inter spolia detractum, quod capite superiore indicatum. Ob hoc vero factum, quo filium contra interdictum & extra ordinem pugnantem occidi jussit, imperia omnia aspera & immitia, *Manliana* sunt appellata, ipse *Imperiosus* nomen consecutus est. Vide Aul. Gellium cap. 13. lib. 9.

Alter quasi monitu Deorum] Hæc historia ita paucis habet: Decius cos. cum hoc Latino bello Romanam aciem pene prostratam videret, caput suum pro salute reipub. devovit, id est, equo concitato in medium hostium agmen irrupit, patriæ salutem, sibi mortem gloriosam petens: factaque ingenti strage plurimis telis obrutus supercorruit.

Observandum,

1. Iniqua postulata bellis plerumq; occasionem præbere, tum & reipublicæ ac status sæpenumero interitum aut saltem commutationem minitari.

2. Notanda Romanorum veterum severitas ac rigor, qui minoris propemodum victorias quam interdicta sua fecere.

3. Romanos patriæ charitati vitam omniaque, posthabuisse,

AD CAP. XV. *Argumentum.*

Primo occasio belli Sabini cum Romanis ostenditur fuisse, quod illi se contra jus Latinis junxerint. Secundo quomodo id sit gestum, duce & consule Dentato, brevibus declaratur.

Sabinorum gens à Nomento, Latinorum mediterranea urbe, quæ duodecimum circiter lapidem Roma distat, usq; ad fluvium Tiberis pertingit, accolitque lacus Velinos.

Velini lacus sunt, qui hodie *lago de Terni*, vel *lago de pie de luco* appellantur, in Umbria Latii regione, prope Narnem fluvium, qui in Tiberim haud procul Roma influit. Estque fluvius hic Nar sulphure abundans maleq; redolens. Unde Virgilius 7. *Aneid.*

Sulphurea Nar albus aqua, fonte sq; Velini.

Observandum.

Fœdera adversus jus & pacta priora inita infelices, ut plurimum, successus sortiri. Sic Sabini immemores pacti sub Tatio facti à Romanis quasi deficientes seque cum Latinis, Romanorum hostibus, jungentes, victi & à Romanis subjugati sunt.

Habes Lector, observationum nostrarum veluti gustum quendam, seu exemplum potius, ad quod exigi deinceps formariq; possint quæcunq; porro libris insequentibus aut aliis etiam similibusq; in autoribus occurrent. Libro interim tertio apud eundem hunc Florum locus est non quidem politici commatis, sed qui varie hucusque ob varietatem lectionis cum sit expositus, hic, quemadmodum legendum intelligendumq; existimamus, veluti coronidis vice, adscribendum aut repetendum verius puto. Nam cum exhibuerint huc usque editiones passim omnes capite 19. *Syriæ deæ caeremonias jactat*, Vineti autem MSS. servant non *caeremonias*, sed *comas*. indicavimus alibi rescribendum videri, *Syriæ deæ comos*. *Comus* enim est saltationis genus, quod tibia & fistula in comisationibus, cujusmodi erant Syriæ istius

deæ, passim agitabatur. Meminit & Apuleius *Veris comi*, ut eum locum ex MSS. restituendum aliquando commonuimus. Et Nero c. 56. Suetonio Tranquillo religionum usquequaque contemptor dicitur, præter unius Syriæ deæ. Dicitur autem Græce à vicis *comus*, in quibus, lusus isti ac ludicra frequentabantur. Latini inde *comisare* deduxerunt, maleque à multis ea vox confunditur cum ei vicina *commessari*. Et docuit olim in Orthographicis suis Velius Longus à *como* deducta *Comisari*, *Comisator* & *Comisatio*, perq; M & S simplex ea omnia scribenda. Nec aliter fere acceperim ista Martialis: *At nunc conviva est comisatorque libellus*. Et illud, *Qui nec leno potes nec comisator haberi, Quid tibi vis urbem, qui, Fabiane, petis*. Ut ita non abs ne *comos* rescribendum videri existimaverimus. Retineri interim *comas* posse certum est ex illo Varronis Eumenidibus: *Tibi tympana non inani sonitu Dea tonuimus, sonitum æris intonamus tibi nos semeviri teretem comam volantem Galli tibi jaci-mus*. Ut ita in verbis Flori, Deæ Syriæ sit casus dativus. Et est fanaticorum hic mos, ut capillum fundant. Tibullus l. 2. Eleg. 5. *Factavis fusa sed caput ante coma*. lib. 3. ca. 5. de bello Mithridatico: *in septentrionem Scythicum, iter tanquam in mari stellis secutus, Colchos cecidit, ignovit Iberiæ, pepercit Albanis*. Hæc Iberia etiam Caspios vicinos habuit. supra eodẽ hoc Capite: *Iberi, Caspii, Albani & utraq; sollicitabatur Armenta*. Hos Iberos intellexit etiam Justinus l. 38. c. 3. Ubi Mithridates, præter cæteros, qui nominatur Gallo-græci, Sarmatæ & Bastarnæ, etiam ad Iberos auxilia petiti legatos misisse memoratur, Sed in eruditionibus passim Justinus non *Iberos*, sed *Cimbros* legitur. Ita enim editur, *legatos ad Cimbros, alios ad Gallo-græcos & Sarmatas Bastarnasq; auxilia petitum mittit*. At Gallo-græci cæteri; cum Asiæ gentes sint, quomodo illis decore jungentur Cimbri, qui Europæ ad Boream pene extremus Germaniæ est populus? Iberi itaque Asiæ borealis Scythica hic gens capienda.

pienda, devicta à Pompeio, cum ille adversus Mithridatem res gereret; ut est à Floro superius relatum. Sed scioli, qui Iberos tantum Hispaniæ moverant, pro *Iberos*, substituerunt *Cimbros*, at perperam, ut jam dictum, legendumque legatos ad *Iberos*, alios ad Gallo-græcos & Sarmatas Bastarnasque auxilia petiit.

Eodem quoque libro tertio cap. 21. ubi editur: *Nemulti perirent, sanguine senatus sibi parentarunt.* Ex codice optimæ fidei, quem Lipsius inspexit, interferendum, in antecessum sanguine S. S. pa.

Habetur deinde & libro 4. cap. 2. de Crasso, Cæsare ac Pompeio illustris locus, qui in hunc modum legitur: *Fortè tunc Crassus genere, divitiis, dignitate florebat, vellet tamen majores oper: Caius Cæsar eloquentia & jam consulatu evehebat, Pompeius tamen super utrumque eminebat.* Quem ideo adduxerim, ut obiter contendi cum Velleo possit, qui idem dicere volens à librariis male acceptus ita ait: *Convertis Cu. Pompeii persona totum in se terrarum orbem, & per omnia majore vi habebatur.* Quæ esse trunca ac male coherentia quivis videat. At cum ante similiter de Crasso Cæsareque locutus sit, quis ambigendum putet scripsisse Velleium & per omnia major eis viris habebatur. *Eis viris*, nimirum Cæsare Crassoque de quibus dixerat.

S.C.X



JOH.



JOH. ISACI
PONTANI
ORATIO
ISAGOGICA,
Sive
INTRODUCTIO
AD
FLORUM

Romanamque Historiam.



*Habita in auditorio publico Gymnasii Gel-
rovelavici Hardervicia. d. xix. Novembris.*

CIC CXVI.



14-422

I
di
m
qu
ser
pr
di
ne
tre
ric
ter
ph
pla
vis
qu
sto
en
pr
vit
ba
en
Hi
po
bit
me
per

ORATIO
ISAGOGICA

A D

L. *Annæum* *Florum*.

U C I I *Annæi Flori rerum Romana-*
rum historiam librosque auspica-
L tus, auditores ornatissimi, existi-
mavi haud abs re facturum me, si
pauca quædam de historia *et* *philosophiæ*
disciplinis affinitate, deque autoris *et* *argu-*
mento impræsentiarum *et* *argumento*. Et vero
quod ad autorem attinet, *et* *argumento* referatur, con-
sentaneum habeo. De primo itaque, & postremo
primum; Et quidem illud vel ideo in antecessum
discutiendum, ne quis forte aut officii aut mu-
neris mei haud satis nunc meminisse me arbi-
tretur, quod philosophiam professus etiam histo-
ricos ad pulpita nostra arcessam. Sciri enim in-
terest aliarum disciplinarum ambitu & præsertim
philosophiæ, utpote humana divinaque contem-
plantis, nequaquam excludi historice. Quam-
vis inter utramque discriminis præcipue istud sit,
quod aliter philosophus, aliter res tractent hi-
storici. Ille non tantum, quod facit historicus,
enarrare, sed etiam inquirere & disputare sibi
propositum habet. Unde Græcis olim, ut nota-
vit Laertius, *ζητητικοί*, id est, *inquirentes* dice-
bantur philosophi: & Apostolo de gentium sapi-
entibus *αὐτῶν* est *scrutator curiosus*.
Historicus itaque si ad verum & fidem de re pro-
posita retulerit officio suo satisfecisse existima-
bitur. Et ea quidem ipsa, quæ eum in modum
memorat, cum materiam non tantum & veluti
penum præbeant universæ scientiarum panopliz,
sed

sed & facem præferant vitæ & actibus mortali-
um, non tamen omnes eadem, sed, ut captus &
genius est lectoris, diversi diversa sequuntur. Ci-
ceronis enim de republica libros, aut Salustium
seu Florum nostrum, aut alium quempiam ex
Græca Romanaque historia in manus si sumat
hinc Philologus aliquis, hinc Grammaticus, hinc
Philosophiæ deditus, alius alio curam suam mit-
tet. Philosophus si quid ad rerum principia &
universi naturam spectabit; si quid ethicon aut
politicon occurrerit; si quid etiam ad chorogra-
phiam faciens, ut situs terrarum, fluminum flexus
& ortus, accurate subleget & annotabit. Mathe-
maticus Chronologiæ præcipue & rerum cœlesti-
um rationem notans, hæc propius edisseret, suum-
que in usum transfundet: Quod vel in Floro non
indiligenter præstitisse quondam clarissimum ma-
thematicum Joannem Stadium ejus in eum
curæ indicant. Ad eandem hanc lectionem ubi se
Philologus accinget, hoc præter cætera excerptet,
duos Romanos reges esse, quorum alter patrem
non habet, alter matrem. Nam de Servii matre
dubitatur, Anci pater nullus, Numæ nepos dicitur.
Præterea Romulum notabit periisse Sole de-
liquium patiente. Eosdem libros Grammaticus
explicit, inter alia, abstrusum aliquod loquendi
genus, aut aliquam vocem veterem etiam Cice-
ronem usurpasse, aliaque talia in commentarium
referet. Hinc transibit ad ea, quæ vel in pronun-
ciatione, vel si antiquarius fuerit, in moribus &
Gentium ritibus seculi consuetudo immutavit.
Ita scilicet, Auditores, unus sæpe idemque inter
historicos autor res diversissimas simul proponit
& docet; sacra inquam & profana; & cœlestia
& terrestria, hoc est, modo sapientiæ, modo pru-
dentia & scientiæ sementem quandam plena
manu non ignaris suppeditat: Unde sane non
tantum historiæ & philosophiæ arctam esse cog-
nationem, sed & eum, qui cum fructu in histori-
arum lectione versaturus sit, non una Philosophiæ
parte

parte aut simplice vice ea instructum accedere debere in confesso sit. Sacrarum quoque literarum seu Theologiæ studiosus, quomodo officium & commissam sibi provinciam rite tutabitur sine historiarum cognitione? Quomodo ille temporum vices, quibus crevit & adolevit ecclesia, quomodo controversiarum, quæ in eadem diversis exortæ sunt seculis, originem, causas atque indolem intelliget? quinam rectæ & sanæ sententiæ testes, quæ hostium & adversantium agmina fuerint, nisi face historiarum prævia? Certe prudentia, qui est mentis oculus, anima politicæ, nusquam aliunde haurietur prius. Nec ne vagerim usum & experientiam vitæ nostræ & actuum magistræ vulgo haberi. At illa quam paucis, imo quam difficulter & vix cuiquam in solidum contingat, esse testis queat vitæ etiam longissimæ brevitatis, raritatis eventuum & occasionum, rerum quoque quas experiri in ætate quamvis Nestorea mortali conceditur, paucitas. Quibus si ærumnæ & pericula & sæpe propositi finis frustratio accedant, nonne senectus & tandem mors hominem natum obruent, antequam illa multo usu parata & confirmata prudentia uti dabitur? Themistoclem, qui annos centum & septem vitæ numeravit, morti jam vicinum exoptulasse cum natura accepimus; quod tunc egrediendum è vita esset cum jam usu diuturno sapere & recte res gerere didicisset. Non ergo tam usus quam historia & eventuum frequens ex eadem observatio hanc in animis prudentium scientiam generabit. Nec aliud de juris doctrina & studio iudicium esto: illam dico legum & juris-prudentiæ disciplinam, quæ haud uni lucro dedita, sed cujus mater est politica & artes cæteræ ejusdem sorores, quas inter omnes præcellit historia. Ex hac juris candidatus rectam prudentiam & res cum laude exequendi momenta & artificium discet: Ex hac astutam malitiam, quæ hodie multis prudentia censetur, esse sublestorum & levium tantum ingeniorum

ingeniorum intelliget; illa autem solida & nunquam intermoritura apud posteros gloria persistere, quæ odio vitiorum, virtute & vera prudentia subnixæ sunt: eas quoque voces & versus, quos in ore habuisse semper Julium Cæsarem eloquentiæ parens Cicero testatur,

Si violandum est jus, regnandi causa

Violandum est, cæteris rebus pietatem colas:

Eos inquam in exitium legum & libertatis natos ac usurpatos fidæ rerum memoriæ indicabunt; & non nisi in dedecus Christiani nominis etiam isto seculo ad praxim ac usum à nonnullis revocari, dignos potius qui ad Styga, unde profecti, remeant: Historia ergo est quæ hæc omnia non euidem ignoranda, sed vitanda cavendaque demonstrat, magistra juris & moris probi. Quocirca, auditores, qui puppim & proram rerum agendarum eam dixerit, nihil præter rem dixerit. Scire aliquis causas desiderat, quibus parva respublica fieri magna queat: quibus vicissim eadem labefactetur, decrescat, intereat? historia est, quæ ista multo certius & melius Chrysippo & Crantore dicet. Vult scire quomodo cum civibus, cum indigenis, cum exteris, cum principibus & regibus sit agendum? qua arte civiles motus aut præcaveri aut sedari queant? historia est, quæ vivis hæc exemplis demonstrat. Vult scire quomodo suscipienda, quomodo gerenda, quomodo deniq; finienda bella? historia est, quæ ejusmodi hæc præcepta suppeditabit, quibus nec Annibal aliquis aut Cæsar auscultare recusât. Iphicrates olim, ut refert Plutarchus, cum multos de re bellica sermones habuisset, interrogatus ecquis esset, qui tantos sibi spiritus sumeret? utrum eques an sagittarius, an veles, an legionarius? Nihil horum, inquit, sed qui his omnibus novi imperare. Historia itaq; est, quæ præsentia moderabi ut, & de futuris, ut innocentissima ita nequaquam vana nos divinatione instruet. Nec quidquam hic habendum certius, quam quod aiebat M. Tullius, *ne sapiam facilius aut bellicam rem, aut*

omnis reipublicæ disciplinam cognosci quam ex æ-
 nalium monumentis. Quod quasi edidicisse ducum
 summus Lucullus, aut quod verius habeo, à Lucul-
 lo comperisse & ejus exemplo imitandum omni-
 bus, proposuisse Cicero videtur. Lucullus enim ad
 Mithridaticum bellum à senatu missus, non mo-
 do opinionem vicit omnium, quæ de virtute ejus
 erat, sed etiam gloriam superiorum. Quæritis
 quamnam id arte aut industria obtinuerit? hac in-
 quit Cicero, qua totum iter & navigationem ver-
 sus Asiam consumpsit, partim in percunctando à
 peritis, partim rebus gestis legendis; adeo ut in A-
 siâ factus imperator venerit, cum esset Roma pro-
 fectus rei militaris rudis. Et adjicit deinde, tantum
 imperatorem in omni genere belli Lucullum fuisse
 præliis, oppugnationibus, navalibus expeditioni-
 bus, totiusq; belli instrumentis & apparatu, ut Rex
 Mithridates post Alexandrum maximus, hunc à se
 majorem ducem cognitum, quam quemquam eo-
 rum, quos legisset, fateretur. Hic enim ille est om-
 nibus seculis admirandus imperator, ut alia ejus
 adversus Mithridatem & Tigranem totius Orien-
 tis duos reges potentissimos, facta fortia præter-
 mittam, qui cum exigua vix undecim millium mi-
 litum manu, innumerabiles hostium phalanges
 adortus, peditum cæcidit ad centum millia, equi-
 tum ad quinquaginta: Regem regum Tigranem
 & quidquid gladiis jam retusis occidi non pote-
 rat, in fugam se conjicere compulit. Hic audito-
 res, ut iterum hoc repetam, Lucullus est qui ne-
 quaquam satis duxit hæc talia summa cum gloria
 maximoque patriæ emolumento perpetrasse, nisi
 & Archiam poetam sibi familiarem ac domesti-
 cum reddidisset: Archiam, qui & C. Mario, quam-
 vis ad humaniora hæc studia duriori, jucundus &
 charus fuit. Nam & Cimbricas ejus res, attestan-
 te Cicerone, adolescens, attigit. Mithridaticum
 vero ipsius Luculli bellum magnum atq; difficile
 & in multa varietate terra marique versatum to-
 tum ab eo expressum est, qui libri non modo L Lu-
 cullum,

cullum, fortissimum & clarissimum virum, verum universum populi Romani nomen longe lateque diffusum illustrarunt. Censuit scilicet vir summus Lucullus, & qui hoc fortasse nomine perludum à Pompeio M. *Xerxes togatus* est appellatus, nihil esse historia & rerum memoria præstantius: ut nimirum cui adesset facultas & occasio faciendi scribenda, non deessent quoque, qui eadem ad posteritatem feliciter transmitterent, & scriberent facienda. Quod & ante eum Scipionis quoque illius Africani iudicium fuit, qui secum domi militiæque Polybium habuit, nec non & Poetam Ennium: Quorum etiam hic in sepulcro Scipionum è marmore collocatus memoratur. Et, ut cæteros mittam, Magnus ille Alexander, licet multos rerum suarum scriptores habuerit, tamen cum in Sigæo ad Achillis tumulum adstitisset, & *fortunate*, inquit, *adolescens, qui tue virtutis præconem Homerum inveneris!* Et vere, Nam Ilias nisi exstitisset, eadem illa tellus, quæ Achillis corpus contexit, nomen etiam & facta ejus silentio involvisset. Unde etiam est quod cecinit Venusinus,

*Vixere fortes ante Agamemnona
Multi: sed omnes illacrymabiles
Urgentur ignotique longa
Nocte: carent quia vate sacro.*

Atque hæc quidem, Auditores, si in universum historiam spectemus, locum habeant: seorsim vero & in se spectata, non una nec unius erit generis historia. Alia enim divina est, naturalis alia, alia humana. Divina immortalis Dei aliorumq; celestium vim & potestatem exponit: Qualis apud Græcos historia fuit Euhemeri, qui res gestas Jovis & aliorum, qui Dii putabantur, conscripsit; apud Judæos & nostros est Moïsis & Evangelistarum enarratio; cui accedunt Apostolorum Acta in commentarium à D. Luca relata: Cæterorumq; ecclesiasticorum scriptorum commentarii. Hujus statuitur finis religio. Naturalis deinde,

res in natura latentes aut existentes earumque principia, causas, effecta & affectiones declarat: cuiusmodi est Aristotelis de Animalibus; Cui Plinii de rerum & universi natura, Theophrasti de stirpibus. Cujus finis est scientia. Tertia & ultima est *humana*, quæ actiones mortalium publicas privatasque complectitur: quæ & præcipue Historiæ appellationem merebitur: cuiusmodi iterum vel erit *Communis* vel *propria*. *Communis* omnium aut plurium populorum res gestas continet, qualis est historia Polybii, Diodori Siculi, Trogi Pompeii. *Propria* exponit facta vel unius populi, vel hominum singulorum: prioris ordinis est Thucydides, qui Græcorum; Livius, qui Romanorum; Cæsar qui Gallorum res explicavit: Singulorum hominum facta & vitam exsecutus est apud Romanos Suetonius, Vopiscus, Capitolinus, qui imperatorum acta ediderunt: Diogenes Laertius inter Græcos philosophorum res & sectas discussit. Eginharbus apud Francos Carolum Magnum graphice descriptum posteris reliquit: Hujus finis habetur prudentia. Ex quibus omnibus satis intelligi putem ita nos historiam accipere, ut sit *rerum publice gestarum ex fide narratio*: *Gestarum* scilicet, ut nimirum figmenta omnia & tabellæ ex ingenio adinventæ excludantur. Quocirca neque Luciani verarum, ut ipse ludens, inscripsit, narrationum libros, neque *Æthiopica* Heliodori, neque *Heraclidæ Abarim*, aut *Aristonis Lyconem*, neque *Asinum Apulei* & id genus similia scripta historiam esse admittimus. Quin nec *Xenophontis* quidem libros *Cyropæidas* pro historia accipiunt nonnulli; cum ob causas alias, tum quia in iis non tam studio fuit sapientissimo alioquin & accuratissimo scriptori, ut res Cyri domi militæq; gestas exponeret, quam ut posteritati imaginem veri regis adumbratam proponeret. Neq; interea adeo sumus delicatuli, etiam si rerum publice gestarum narrationem historiam fateamur, ut eos, de quibus modo dictum, qui

qui res & vitas singulorum persequuntur, extra hunc censum, quod nonnulli voluerunt, reponendos existimemus. Nam Suetonius, Vopiscus, ceteraq; illa minorum gentium manus, licet non perpetuo publica, sed privata subinde intermisceant, publicarum tamen personarum res tractant, & ad eum omnes scopum collimant, ut ea quæ in imperio & publice gesta sunt, posteris exhibeant. Noster quem explicandum sumpsimus, Lucius Florus ab hoc omnino nota immunis, universam prope modum rem Romanam tenui ab exordio ceptam ad fastigium suum deducit. Populum enim Romanum ut hominem ob oculos proponens, ejus *infantiam, adolescentiam, juventam, ac tandem senectam* quatuor veluti ætatum gradibus conclusit. Græci imperiorum ejusmodi periodos in tria, ut plurimum, tempora partiebantur, ἀρχὴν, ἀκμὴν & παρακμὴν seu φθορὰν appellantes. Prima ætas, ut solent primordia, obscurior & minus certa, septem regibus absolvitur. Et ut operis totius veluti gustus detur, præeuntem me, auditores, mente sequimini, dum non quidem singula, sed è multis illustria, & ut ille ait, *summa sequor fastigia rerum.*

Primus regum *Romulus*, interfecto fratre Remo & urbis & imperii conditor fuit. Originem gentis ab *Aenea* arcessunt, qui eversa Troja, in Italiam casu delatus duxit in uxorem Laviniam, Latini regis & Amatae filiam. Hinc bella cum Turno Rutulorum; & Mezentio, Hetruscorum rege. Quibus in bellis Turno & Latino cæsis, *Aneas* Lavinium fundavit. Tandem defuncto etiam *Aenea*, Ascanius filius Albam longam condidit, in qua regnatum ab Ascanio & Silviiis, annis totis CCC. usq; ad Romulum, quem diximus, natum è Rhea Silvia, filia Numitoris regis Albani. Regnaverit Romulus annos 38. Quænam fuerit illis primis initiis reipublicæ forma, quæ urbis incrementa, quæ legum & magistratuum mutationes, noster paucis, sed accurate attingens, præter cætera,

tera, ostendit divisam per tribus juventutem in
equis & armis, quo ad subita bella expeditius va-
caret; Consilium reipublicæ fuisse penes senio-
res, qui ex autoritate patres, ab ætate senatus vo-
cabantur. Quia ex legum & politiæ cura studioque
haud temere fuit conjicere Martium hunc popu-
lum ad summa, id est, ad Monarchiam divinitus
fuisse destinatum. Accessit & auxit hæc Romuli
ipsius apothecosis. Nam cum discerptum à senatu
plures putarent ob mores asperiores, oborta desu-
bito tempestas Solisque defectio consecrationis
speciem præbuere. Cui & Julius Proculus mox fi-
dem addidit, affirmans Romulum augustiore,
quam fuisset, forma conspectum; placitumque
Diis ut in cælo *QUIRINUS* appellaretur.

Post Romulum *Numa Pompilius* annos 43. *Tul-
lus Hostilius* duos & triginta in imperio expleve-
re. Quorum *Numa* religiosus, quasi auspiciū à di-
vinis faciendum omnibus denunciāns, sacra & cæ-
remonias docuit: Pontifices, augures, Salios cæ-
terosque per sacerdotia, annum in menses fastos
nefastosque dies distinxit; *Hostilius* militarem di-
sciplinam artemque bellandi adjecit; Primusque,
exercita juventute, provocare ausus Albanos,
gravem & diu principem populum, deleta Alba,
Romam migrare cives effecit. Hunc excepit *An-
cus Martius*, qui mœnia muro complexus est, &
annis 24. quibus præfuit, ad ædificiorum & urbis
amplitudinem plurimum contulit, jam tum scili-
cet præfagiens animo futurum, ut eo tanquam
publico orbis hospitio omnes pene mundi opes &
commeatus reciperentur. *Tarquinius* inde *Priscus*,
Corintho oriundus, Græcum ingenium Italicis
artibus miscens senatus majestatem numero &
centuriis auxit: Fasces, trabeas, curules, annulos,
phaleras, paludamenta, togas pictas tunicasque
palmatas, cæteraque decora atque insignia, quibus
postmodum eminuit imperii dignitas, subactis
Tusci, Romam primus intulit. Qui cum annos 37.
regnasset, *Servius Tullus* gubernacula invasit. Ab

hoc populus relatus in censum, digestus in classes, curiis atque collegiis distributus. Quem post annos 44. secutus est *Tarquinius Superbus*, cujus fastum tamdiu perpeffus est populus, donec aberant *luxus & stupra*: Hæc in filiis ejus ferre non potuit. Itaque expletis annis XXV, cum ornatissimæ faminae *Lucretiæ* vim intulisset natorum alter, patri regnum & simul imperium regibus abrogatum est.

Habetis, auditores, primam gentis ætatem & quasi infantiam transactam sub regibus septem, quadam factorum industria adeo ingenio variis, ut ejusmodi viros reipublicæ ratio & utilitas tum quasi postulasse videatur. Nam si *Romulum* videamus (ut & verbis & anacephalæosi auctoris nostri hæc claudam) quid eo ardentius? at tali opus fuit, ut invaderetur regnum. Quid *Numa religiosus*? talem res poposcit, ut ferox populus religione mitigaretur. Quid ille militiæ artifex *Tullus*? bellatoribus viris quam necessarius, ut acueret arte virtutem. Quid ædificator *Ancus*? ut urbem colonia exenderet, ponte jungeret, muro tueretur. Fam *Tarquinius* ornamenta & insignia, quantam principi populo addiderunt ex ipso habitu dignitatem: Actus à *Servio* census, quid effecit, nisi ut ipsa se nosceret res publica: Postremo *Superbi* illius importuna dominatio nonnihil, imo plurimum profuit. Sic enim effectum est, ut agitated injuriis populus cupiditate libertatis incenderetur. Hic auditores clarissimi, ignorete ad aliena id est, ad nostra tempora mentem & cogitationem obiter vertenti. Nam, ut magnis parva & nova veteribus componam, quid *Belgium* nostrum majoresque nostros ad vindicandam libertatem concitavit, nisi similis importunitas: *Albani* enim *Hispaniarum* regis legati & præsidis superbum imperium cum armis occasionem dedisset, quæ hætenus aut opes, aut regna, aut rex longe lateque potentissimus tantum potuerat, ut liberis libertatem eriperent?

Sic ergo populus Romanus, *Bruto* *Collati* noque

noq; ducibus, regis nomine cum perpetuo imperio deletis, reipublicæ formam in aliam transtulit. Libertatis suæ vindices annua dignitate donavit, consules appellando, ut nimirum se civibus suis consulere debere meminissent. Liber jam hinc populus prima adversus externos arma corripuit, mox pro finibus, deinde pro sociis, tum gloria & imperio, laceffentibus assidue & usquequaque finitimis. Nam confecto Hetrusco & cum Porfenna Latinisque adversus Tarquinius bello, consules post annum ducentimum Volscos domuerunt. Horum Metropolim Vejes post decennem obsidionem cepit Camillus. Quo etiam in bello trecenti Fabii ceciderunt, uno superstite, qui exinde Cunctator est appellatus. Obstrepebant interea hinc Sabini, illinc Samnites: Etruscorum quoque populus necnon & Tarentini cum Pyrrho dubiam aliam faciebant. Nec satis erant interna vicinæ hæc mala, nisi & Senones Galli ab alio & nostro hoc axe atq; Oceano Alpes transgressi demonstrassent quod ipsi à cælo & solo suo invictum atq; acre haberent, id à virtute habuisse Romanos. Mittunt tamen ad eos ex more legatos Romani, sed ut inter arma, leges & jura non audiuntur. Quapropter totis jam castris urbi appropinquantibus ad Alliam flumen cum exercitu Fulvius occurrit, sed caditur. Mox urbem invadentibus cedit Manlius, & lecta cum juvenum manu arcem Capitolii occupat: ex qua se & pulsam urbe libertatem asserit: Galli dum urbem habent, sedentes in curulibus sellis prætextatos senes velut Deos venerari; ubi homines esse intelligerent, pari vecordia trucidant. Postremum aggressus eos ex inopinato Furius Camillus urbem Manlio & cum Manlio libertatem urbi reddidit. Hinc domitis Picenis, Salentinis, Volsiniis, variæ urbem seditiones invadunt, in quibus tamen ipsis principem populum ut sanctum adhuc & pium jure mirabimur, dum vel legum libertatem, vel pudicitiam, vel natalium dignitatem aut decora atque insignia honorum vindicat.

Et talis quidem ille domi ac foris, talis pace belloque populus fretum suæ *adolescencie*, id est, *secundam ætatem* habuit : qua jam, annum prope quingentesimum agens, universam inter Alpes & mare Italiam armis subegerat. Inde in majus robur & *juventam* quasi exsurgens par orbi terrarum esse cœpit. Nam ducentis, qui sequuntur, annis Europam, Asiam, Africam & totam denique orbem terrarum bello victoriisque peragravit. Initium à Carthagine factum. Nam quod Punicum primum appellavere hoc tempore terra marique summis utrinq; viribus gestum. Quibus autem viris & ducibus gestum? non hominum, auditores, sed fortitudinum nomina exaudieris Duillios, Calphurnios, Scipiones, Regulos, Metellos, Manlios. Quorum Regulo quid admirabilius? Qui hostium non modo, sed & monstrorum domitor, cum terrorem nominis sui longe lateque circumtulisset, Xanthippi Lacedæmonis artibus captus in hostium potestatem vivus venit. At ille quid? non par tantum sed omni calamitate excelsior, nec carcere Punico fractus, nec legatione, qua Romam mittitur. Quippe diversa quam hostis mandaverat, censuit, **NE PAX FIERET: NE COMMUTATIO CAPTIVORUM RECIPERETUR.** Sicque fide servata in Africam, id est, in extremum supplicium regressus est. At ille nec voluntario eo ad hostes suos reditu, nec ultimo denique ac crudelissimo supplicio territus, imo his omnibus admirabilior apparuit. Quid aliud dicemus, Aud. quam victum de victoribus, & quia Carthago non cesserat, de fortuna triumphasse? Tandem navali prælio victi Pœni pacem petunt anno belli moti xxiv. Exigua deinde & vix quadriennis requies, cum ecce, post Ligures, Illyrios & Gallos Insubres aut pacatos aut domitos, alterum Punicum exoritur. Hoc licet priori cedat, annorum spatio (nec enim amplius, quam octo & decem annos habet) tamen cladium atrocitate

citate longe terribilius fait. Eo enim durante
 quater Romanum fudit Annibal, ad Ticinum, ad
 Trebiam, ad Trasimenum, ad Cannas deniq; ipse
 annos xvii. Italiæ visceribus inhærens. Romani
 nihil ominis fortes & sui similes, unam urbem
 gloriæ & virtutis sedem non tam muro & laterum
 compage, quam robore animi vallatam unani-
 mestenent. Prælio, quod ad Ticinum gestum,
 pene in hostium potestatem Scipio imperator ve-
 nisset, nisi protectum patrem filius tunc adhuc
 prætextatus, ab orci eripuisset faucibus. Hic ille
 est Scipio qui exinde in exitium Africæ adolevit,
 cognomen ex ejus ruinis adeptus AFRICA-
 N U S. Apud Cannas duo maximi maximorum
 ducum Pauli & Varronis exercitus ita concisi, ut
 ipse Annibal militem moneret, *parceret ferro*. Al-
 ter ducum occubuit, effugit alter. Uter majore
 animo quærit noster, sibi respondens, *Paulum, in-*
quit, puduit, Varro non desperavit. Jam aderat, &
 quod adagio dicitur, *stabat ad portas Annibal*. Nec
 tamen animum despondet Romanus, sed ut antea
 intra Tarpeam rupem, ita nunc urbi suæ inclusus
 toti adhuc orbi parem se ferebat. Vicerat interim
 Pœnus, si ut vincere, ita uti victoria novisset. Ac
 ille frui maluit. Unde alio avocatum, quem non
 Alpes, non arma, non viri terruerant, Baiarum
 & Campaniæ amœna prostrarunt. Ibi siquidem
 luxu & deliciis cum ipse tum exercitus vigor elan-
 guit, adeo ut vere, quod à nostro refertur, in eum
 dictum sit, *Capuam Annibalî Cannas fuisse*. Hic
 paulatim reparatis viribus viam videre Romanus
 cœpit, qua exturbaret Italia Annibalé. Victa erat,
 vel potius recuperata, duce Scipione, Hispania; ibi-
 demq; (bono omine) eo ipso, quo obsidebatur, die
 capta Hispanica Carthago. Unde rerum prospe-
 rarum fiducia jam plenus populus cum eodem Sci-
 pione in Africam tota mole conversus imitari
 voluit Annibalem. & Italiæ cladem in Africa
 vindicare. Hic Scipio post varios cum Asdrubale,
 cum Syphace conflictus, post castra & oppida in-

numera incensa facibus, aut eversa armis, ipsas Carthaginis portas obsidione concussit. Quo factum ut inhaerentem atq; incubantem jam ultra certum Iustum Italiae extorqueret Annibalem. Itaq; regressus castra sua in Africam transtulit, ut nimirum Romam, quam in Italia non poterat, in Africa debellaret. Quis, auditores, tantorum tum ducum concursus, quis praeliorum eventus, exercitus & acierum forma fuerit, non meis sed verbis auctoris nostri, si libet dicentem attendite: *Non fuit, inquit, major sub imperio Romano dies, quam ille cum duo omnium & antea, & postea ducum maximi, ille Italiae, hic Hispaniae victor, collatis cominus signis direxere aciem. Sed & colloquium fuit inter ipsos de legibus pacis. Steterunt diu mutua admiratione defixi: ubi de pace non convenit, signa cecinere. Constat utriusque confessione nec melius, nec acrius potuisse pugnari. Hoc Scipio de Annibalis, Annibal de Scipionis exercitu praedicaverunt. Sed cessit tandem Annibal, & leges victoris accepit Africa. Africam secutae mox gentes, Macedonia, Syria, Graecia omnisque propemodum Europa. Bellum Macedonicum partim ob veterem olim cum Annibale societatem, partim ob priscam Regum Macedoniae famam & magni Alexandri gloriam susceptum videbatur. Syriacum, adversus Antiochum, Asiae opulentissimum regem, gestum. Erat tum apud Antiochum in exercitu Annibal, qui, ut jam relatum, in Africa victus, & modo profugus hostem populi Romani toto orbe quaerebat. Hujus in Antiochi militem cavillatio, digna quae referatur, talis habetur: Ostendebat Annibali Antiochus ingentes, quas adversus populum Romanum paraverat, copias; convertebatque exercitum insignibus argenteis & aureis florentem: currus etiam cum facibus, nec non elephantes turritos inducebat, equitatumq; frenis & ephippiis mollibus ac phaleris praefulgentem: atq; ibi rex contemplatione tanti & tam ornati exercitus gloriabundus Annibalem inspicit; & putasne,*

inquit, satis esse Romanis hæc omnia? tum Pœnus eludens ignaviam imbelliamque militum ejus pretiose ornatorum, plane inquit, satis esse credo Romanis hæc, etiam si avarissimi sint. Quid magis & lepide & simul salte tanto à duce dici potuit? Rex de numero exercitus sui ac de æstimanda æquiparatione quæsierat; respondit Annibal de præda. Et sane ita accidit. Nam victus & triumphatus prædæ cum suis fuit. Nec cessat hinc Romanus, sed ut umbra corpus, ita semper virtutem adversarius insequitur. Vix quieverat primum Macedonicum, quin secundum atque ei tertium successit. Gallo-græci quoque, Illyrii, Achei & in Hispania Numantini diu victorem populum habuere exercitum. Ac postremum in Africa Punicum; quod tertium dicimus, anno post finem secundi quinquagesimo, cœpit recrudescere. Sed huic, belli anno quarto, Scipio *Æmylianus*, Africani filius, summam imposuit manum. Totam enim & evertit & incendit Carthaginem; ardentemque per dies 17. aspexit lachrymans. Quanta autem & qualis ea urbium urbs fuerit, vel ex Caio Salustio percipi potest, qui, ut ipse alicubi profitetur, de ea flere, quam pauca dicere maluit.

Hucusque, auditores, tertiæ hoc ætatis populi Romani seculum merito, ut poëtæ loquuntur, aureum dixerimus; centum vero qui inde sequuntur anni, ferreos plane & cruentos, aut si quid immanius appellabimus. Quippe tum Jugurthinis, Cimbricis, Mithridaticis, Parthicis, Gallicis atque Germanicis expeditionibus, quibus cælum gloria ascendit, Gracchanæ Drusianæque permittæ cædes, adhæc servilia & gladiatoria bella: denique in se conversus populus Marianis atque Syllanis, novissime Pompeii & Cæsaris manibus quasi per rabiem & furorem semet ipse laceravit. Quorum malorum si causas quærimus, quænam aliæ fuere, nisi quod Attali regis & Asie opibus luxuque eo usque accrevisset magnitudinis, ut suis met viribus in semet rueret? Unde

de rerum hoc statu ita breviter & eleganter no-
 ſter : Syria prima nos victa corrupta, mox Aſiatica
 Pergameni regis hæreditas : illæ opes atque divitiæ
 afflixere ſeculi mores, merſamque vitiis ſuis quaſi
 ſentina rempublicam peſſundedere. Ad quæ ubi
 tempora ventum fuerit, auditores, pro Camillis,
 Scipionibus, Attiliis ; (quorum poſteriores duo
 poſt conſulatus & dictaturas, poſt fractas variis
 triumphis Carthaginiſ opes publico ærario ad
 remtutandam familiarem indiguere ;) Septu-
 mulci potius & Caſſii aliique avaritiæ manci-
 pia, opum gurgites ſe offerent, & qui cum eſſent
 pauperes provincias acceperunt divites, quas ipſi
 dites reliquerunt pauperes. Legimus Delphico
 Appollinis oraculo de Lacedæmoniorum repub-
 lica proditum, tum perituram cum eam luxus
 & opum cupido invaderet. Quid ? nonne & in
 iſthæc tempora & mores idem competit ? Nam
 primo honorum ambitus, unde niſi a divitiis ex-
 citatus ? Unde quoque Mariana & Syllana
 tempeſtas, magnificæque paſſim & ſumptuo-
 ſæ largitiones, niſi ab opulencia ſimiliter, quæ
 peperit poſtremum egeſtatem ? Nec aliunde ſti-
 mulatus in patriam Catilina . Pompeius & Cæ-
 ſar æſtu dominandi incenſi furialibus in exitium
 reipublicæ facibus in ſe mutuo concurrere. Sed
 hæc involuta inter ſe ac conſuſa ab autore no-
 ſtro ſeorſim & ſeparatim ſic enarrantur ſingula,
 ne vicia virtutum luminibus obſtruant. Primo
 enim, ut magnitudo crescentis indies imperii
 appareat, juſta illa & pia cum exteris gentibus,
 quæ diximus, bella Jngurthinum, Cimbricum,
 Mithridaticum, Parthicum & cætera commemo-
 rat. Inde ad civium ſcelera turpeſque illas Dru-
 ſorum Gracchorumque pugnas converſus aduſq;
 Auguſtum Cæſarem à quo initium mox ſumit
 quarta ætas ſeu *φθορὴ* & ſenium imperii, eo
 ordine rem deducit ; ut virtutes, quæ in Au-
 guſto fuerunt præcipue, non prætereant. Nam ſub
 finem operis ita de eo inter alia, loquitur : Au-
 ſuſque

iusque tandem Caesar Augustus septingentesimo
ab urbe condita anno Fanum geminum claudere, bis
ante se clausum, sub Numa rege, & victa primam
Carthagine. Hinc conversus ad pacem, primum in
omnia mala & in luxuriam fluens seculum, gravi-
bus severisque legibus multis coercuit. Ob hæc tot
facta ingentia dictator perpetuus & pater patriæ
appellatus. Atque hic colophonem suis Romanæ
historiæ libris imponit autor. Quæ populi Roma-
ni historia, si eam iusta lance pendamus, tanto cæ-
terarum gentium historiis anteferenda, quanto po-
pulus Rom. cæteris gentibus imperii magnitudine
præstitit. Nam si ad gentis initia, de quibus mo-
do dictum, oculos convertimus, cuius populi obscu-
riora & tenuiora principia? cuius vicissim, si ad
sequentia respicimus, admirabiliores progressus;
cuius tanta majestas, tanta in prosperis rebus mo-
deratio, in adversis animi magnitudo? ubi &
virtutum & vitiorum aut plura exempla aut il-
lustriora? Autor vero ex quo hæc singula dedu-
cemus L. Annaus Florus est. Quem Volatera-
nus Julium Florum Secundum maluit nominare:
Quod existimaret hunc esse eum Secundum, cu-
jus amice meminit Fabius Quintilianus; qui &
familiariter à se amatum eum addit, virum, ut
miræ facundiæ ita infinitæ curæ, Julii cognom-
en à Patre Julio Floro retinuisse idem con-
jicit. Cujus quoque Quintilianus mentionem
facit, inter paucos disertum eum fuisse indicans,
utpote in eloquentia, quam in Galliis sub extre-
mo exercuit, Galliarum principem. Quam
de Floro opinionem, si Trajani ævum, quo cla-
ruit & Quintilianus & Florus noster, respici-
mus, non abs re conjecisse Volateranus censerì
potest. Nisi quod duo obstare videantur: Prius
est ipse Quintilianus, qui non ut historicum auc-
inter historicos, sed ut oratorem & inter eloquen-
tia laude florentes utrumque & Julium Secun-
dum & patrum ejus Florum concelebrat:
Alterum est codicum veterum scriptura, in qui-

bus non Julius, sed L. Annæus Florus constanter indigitatur. Unde colligendum doctiores voluerunt ex Hispania oriundum fuisse, & fortasse ex ipsa Annæorum, id est, Senecarum gente. Quidquid horum sit, quod nos in medio relinquemus; illud interim ratum esto, egregium opus esse hos ejus quatuor rei Romanæ libros. Quos qui compendium Livii aut breviarium faciunt, vel eo, præter cætera, redargui existimo, quod in iis à Livio sæpenumero abeat ac variet sententia. Potius totius imperii florentis tabulam appellabimus, cum præsertim ipse in prologo suo fateatur se ad exemplum eorum, qui terrarum situs pingunt, in brevi quasi tabella universam imperii imaginem ac magnitudinem ob oculos posuisse. Quod sane scribendi genus ac studium brevitatibus, quidquid censeant alii, præcipue in historico amplectendum, magnique faciendum judico. Nam & Salustium quid magis commendavit, quam oratio concisa & stricta? Quid Thucydidem? de quo utroque censuram ac judicium hujusmodi Senecæ habemus: *Cum sit, inquit, præcipua in Thucydide brevitatis, hac cum Salustius vicit, & in suis illum castris cecidit.* Brevitatem scilicet utriusque laudat gravissimus autor Seneca, non tamen obscuram illam & implicatam, sed eam, quæ conjuncta est cum perspicuitate: Et qualem Phocioni placuisse legimus, cui quondam in comitiis sedenti cum unus è popularibus diceret, *Videris O Phocion nescio quid tecum ipse meditari;* tum ille, ita est, inquit, meditor & cogito, num ex iis, quæ ad populum verba facturus sum, aliquid valeam recidere & amputare. Hic est ille Phocion, quem quoties ad dicendum surgere videret ipse concionis & fori rex Demosthenes, toties fatebatur, *adesse verborum suorum securim.* Ut ergo nec oratorem indecet dictio pressior & *Σεχολογία*, ita ea historico videatur esse propria; adeo, ut neget Cicero quidquam esse in *historia pura & illustri brevitate dulcius.* Atque hinc

esse existimandum, quod Cæsar Caligula, cum inter cætera, etiam Livii scripta vellet abolere, hanc præcipue causam commentus sit, *quod esset verbosus in historia*. Noster itaque autor sicuti nequaquam verbosus aut diffusus, ita neque, ut illi, qui summa rerum capita aut nuda breviaria contextunt, in se restrictus est aut exsanguis, sed sobriam & verbis cultam orationem amat, densus interim sententiis, & rebus cum iudicio prolatis adeo frequens & sæcundus, ut verborum prope numerum sententiarum numero consequatur. Quæ profecto quemadmodum insignis est & nostra cum maximis autoribus communis laus, ita reliquas, si non adsint, facile sola compenset. Nam ut in cibus ii præcipue laudantur qui minimum detrimentorum, succi plurimum habent, ita maximi facienda oratio, quæ paucissimis verbis plurimum frugis & rerum complectitur.

Absolvi, auditores, quæ hoc potissimum tempore dicenda mihi proposueram. Illud coronidis adhuc vice addam; olim sicuti existimasse magistrum dicendi Fabium accepimus, multum profecisse eum, cui Cicero placeret; ita fidenter affirmare audeam, quicumque *Lucium* hunc *Anneum Florum* sibi diligenti inspectione familiarem reddiderit, eum exinde cum fructu maximoque operæ suæ pretio Polybium, Livium, Dionem, Tacitum, Appianum, Cæsarem & id genus majorum gentium lecturum historicos. Platonis cœnam ejus fuisse indolis aiunt, ut ea invitati atque excepti, postridie, quasi famem obsonassent, melius & majori cum appetitu pranderent; idem, adolescentes studiosissimi, ex hujus autoris consuetudine vobis futurum spondeo. Nam, ejus licet plenis vos lymphis proluatis, sitim tamen & studium maximarum rerum magisque exstimulabit.

DIXI.

JUSTUS

JUSTUS LIPSIUS

lib. 2. Elect. cap. 5.

LANNÆUS Florus (ita enim indigitare cum priscis libris malim, quam Julium: quoniam Hispana origine fuisse colligo, &, nisi fallor, ex ipsa Senecarum gente,) is inquam Florus compendium non tam Livii, à quo sæpe dissentit, quam rerum Romanarum scripsit: si quid mei judicii est, composite, diserte, eleganter. Subtilitas quidem & brevitās in eo sæpe mira; & sententiarum quædam gemmæ cum judicio insertæ & veritate.

CLAUD. SALMASIUS

in Notis ad Florum.

NAzarianus liber manuscriptorum omnium quibus usi sumus, antiquissimus, ut quem ante octingentos annos scriptum esse manifesta sit. Hæc, quique bonitate superat agmen illud Codicum, quibus adjutus est in hujus enchiridii recensione optimus & doctissimus Vinetus, *Lucii Annæi Flori*, in titulo præfert. Nec alius potest esse Florus quam ille qui Trajani & Hadriani temporibus floruit, qui in Epistola ad Hadrianum, cujus Epistolæ rer aut quater mentionē apud Charisium reperies, scribit, se Poematis delectari. Character autem istius historici compendii plane poeticus est, & hominis in poetis non infeliciter versati; quamvis hoc parum probet si non alia accederent. Et mirum Grammaticis tam invisum fuisse hoc opus, ut nusquam aliquid ex eo ad testimonium citent, cum & Solinum sæpius, qui longe post tempora Annæi Flori vixit, ut alibi pluribus ostendemus, & alios non vetustiores aut meliores Solino scriptis suis, ut locupletes & idoneos testes, advocent.

LUCIUS

LUCIUS
AMPELIUS

EX

Bibliotheca

CL. SALMASII.

Samuell Collins his
book Anno Dom
1667

14-423



N
tur
ce
que
for
reg
die
qu
am
le
ci
Br
fu
cu
nu

S
L
ac
tu
be
m
ni
pa
fi

& Phryxum vexerit, Taurus beneficio Jovis, quem Jupiter à Neptuno fratre per gratiam abduxit, qui sensum humanum figura Tauri continebat, isque Jovis jussu Europam Agenoris filiam, Sidonia adludens decepit, & eam Cretam deportavit. Ob eam rem Jupiter in sideribus eum dignatus est immortalis memoria. Gemini, qui Samothraces nominantur esse, quorum argumentum nefas est pronuntiare præter eos qui in his præsto sunt. Alii Castorem & Pollucem dicunt, quod hi principes mare tutum à prædonibus præstitissent. Sunt qui dicant Herculem & Theseum, quod similia athla sint adepti. Cancer, Carcinus receptus beneficio Junonis, quod ejus jussu cum Hercules missus esset ad Hydram Lernæam, quam nos Excetram dicimus, interficiendam, Carcinus ingressus, Herculis pedes & crura lanians, incommodiorem faciebat eum, quam ipsa Excetra. Idq; malum Hercules difficillimum habuit, Carcinumque Cancrum ob id factum Juno sideribus est dignata. Leo, Leon, qui educatus est Nemeæ, Junonis consilio ad Herculis interitum missus, in terra Argiva diu spelunca latitavit, quem Hercules dicitur interfecisse cum Molorcho hospite suo, cujus clavam ei tributum principio est adeptus, qua Leonem interfecit, ejusq; pellem postea pro tegumento habuit. Ob id factum Junoni odio esse cœpit, Leonemque cœlesti dignitate est honorata. Virgo, quam nos justiciam dicimus, fuit cum hominibus. Sed postquam homines malefacere cœperunt, Jovis eam inter signa posuit. Sunt qui Erigonam Icarii filiam Atheniensem dicunt, cujus patri Liber vinum dedit ut hominibus ad suavitatem daret. Quibus dedit, ebriati sunt, & lapidibus eum occiderunt. Canis, qui cum illo erat, vidit hominem occisum, & cum ululatu ad Erigonem rediit, quem ut mœstum & singularem vidit, sollicita proficiscitur cum eo. Venere ad locum ubi Icarus jacebat. Vidit corpus patris. Magna lamentatione in Hymetto monte sepelivit, Ipsa vero se suspendit laqueo, Canis ad

pedes

pedes ejus discumbens diutius, & sine alimentis deficiens, post aquam anhelans in puteum se projecit. Tum Liber à Jove petit, quod suo imperio deficerent, ut inter siderum cursus poneretur Virgo. Icarus autem Arcturus nominatus est, cujus stella cum exoritur continuas tempestates facit. Canis, Canicula. Libra quam græci Zygon appellant, virile nomen est adeptus. Is omni clementiæ justitia Mochos dictus; qui primus dicitur libræ pondus hominibus invenisse, quæ utilissima mortalibus æstimantur, ideoque in numerum stellarum receptus est, & Libra est dictus. Scorpium qui dicitur ad perniciem Orionis in insula Chio in monte Pelenæo voluntate Dianæ natus. Orion autem dum venatur, visa Diana, stuprare eam voluit. Illa Scorpionem subjecit, qui eum vita privaret. Jupiter & Scorpionem & Orionem inter sidera recepit. sagittarius Crotopi filius, nutricius Musarum, quæ Musæ semper dilexerunt eum, quod plausu & lusu Sagittarum eas avocaret. Alii Chironem dicunt, quod justus & pius, doctus, hospitalis fuerit. Ab eo Æsculapius medicinam, Achilles Cytharam, & alia multa. Capricornus, cui nomen Pan. Quo tempore Python speluncas incolens in monte Tauri, Ægyptum profectus est ad bellum, Pan se in capræ figuram convertit, Igitur dii immortales postquam Pythonem digna pœna affecerunt, Pana astrorum memoriadecoraverunt. Aquarius, qui putatur esse Ganymedes; dicitur Deucalion Thessalus, qui maximo cataclysmo cum uxore Pyrrha solus evasit, & hic pietatis causa inter sidera locatus est. Pisces, ideo pisces quia bello Gigantum Venus perturbata in piscem se transfiguravit. Nam dicitur & in Euphrate fluvio ovum piscis in ora fluminis columba adsedisse dies plurimos, & exclusisse deam benignam, & misericordem hominibus ad bonam vitam. Utrique memoriæ causa pisces inter sidera locati.

De Sideribus.

PRæter duodecim signa potentissima sidera in cælo. Septentriones duo, major & minor, qui nunquam merguntur; ideoque navium cursus regunt, quorum alter Cynosura dicitur. Eootes, idem Arcturus. Orion, qui magnitudine sua dimidiam cæli obtinet partem. Pliades, quæ Latine Virgilæ dicuntur. Hyades, quæ à nobis Suculæ dicuntur, quarum ortus & occasus à nautis & ab agricolis observantur. Canicula, cujus vis præcipue Solstitio est. Stellæ potentissimæ in cælo sunt septem, Saturnus, Sol, Luna, Mars, Mercurius, Jupiter, Venus, quæ à Græcis planetæ, à nobis erraticæ dicuntur, quia ad arbitrium suum vagantur, & motu suo hominum fata moderantur. Item adverso cursu contra cælum feruntur.

*Quibus partibus sedent xii signa
duodecim ventorum.*

ARies, in Africum. Taurus, in Circium. Gemini, in Aquilonem. Cancer, in Septentrionem. Leo, in Thrasciam. Virgo, in Argesten. Libra, in Zephyron. Scorpius, in Africum. Sagittarius, in Austrum & Africum. Capricornus, in Austrum. Aquarius, in Eurum & Notum. Pisces, in Eurum.

De Ventis.

Venti sunt ex aëris motu & inclinatione. Sunt autem generales quatuor. Eurus, idem Apeliotes, idem Vulturius, ab oriente. Ab occidente, Zephyrus, idem Corus, idem Favonius. Aquilo, Boreas, Aparcias idem, à septentrione. Notus, idem Libs & Auster, & Africus, à meridie. Hi sunt quatuor generales, cæteri speciales adscribuntur. Ut Iapyx Zephro, qui ab Iapygio Apuliæ promontorio flat. Leuconotus Noto, cum serenior flat. Caurus Aquiloni, cum vehementior Gallias perflat. Item Etesizæ, qui statis diebus flant per æstatem.

De Orbe Terrarum.

ORbis terrarum qui sub cælo est, quatuor regionibus incolitur. Una pars ejus est in qua nos habitamus. Altera huic contraria, quam qui incolunt vocantur Antichthones. Quarum inferiores duæ ex contrario harum sitæ, quas qui incolunt vocantur Antipodes. Orbis terrarum quem nos colimus in tres partes dividitur, totidemque nomina. Asia quæ est inter Tanain & Nilum. Libya quæ est inter Nilum & Gaditanum finum. Europa quæ est inter fretum & Tanain. In Asia clarissimæ gentes : Indi, Seres, Persæ, Medi, Parthi, Arabes, Bithyni, Phryges, Cappadoces, Cilices, Syri, Libyi. In Europa clarissimæ gentes, Scythæ, Sarmatæ, Germani, Daci, Mæsi, Thraces, Macedones, Dalmatæ, Pannoni, Illyrici, Græci, Itali, Galli, Spani. In Libya gentes clarissimæ, Æthiopes, Mauri, Numidæ, Pœni, Getuli, Garamentes, Nasamones, Ægyptus. Clarissimi montes in orbe terrarum; Caucasus, in scythia; Emodus, in India. Libanus, in Syria. Olympus, in Macedonia. Hymettus, in Attica. Taygetes, in Lacedæmonia, & Citheron Eleon, in Bœotia. Parnassus, Acroceraunia, in Epiro. Mænalus, in Arcadia. Apenninus, in Italia. Eryx, in Sicilia. Alpes inter Galliam & Italiam. Pyrenæus inter Galliam & Spaniam. Atlas in Africa. Calpe in freto Oceani. Clarissima flumina in orbe terrarum: Indus, Ganges, Hydaspes in India. Araxes, in Armenia. Thermodon & Phasis, in Colchide. Tanais, in Scythia. Strimon & Hebrus, in Thracia. Sperchios, in Thessalia. Hermus & Pactolus, auriferi. Mæander & Caystrus, in Lydia. Cydnus, in Cilicia. Orontes, in Syria. Simois & Xanthus, in Phrygia. Eurotas, Lacedæmone. Alpheus, in Elide. Ladon, in Arcadia. Achelous & Inachus, in Epiro. Savus & Danubius qui idem Ister cognominatur, in Mæsia. Eridanus & Tiberinus, in Italia. Timavus, in Illyrico. Rhodanus, in Gallia. Iberus & Betis, in spania. Bagra-

da, in Numidia. Titron, in Getulia. Nilus, in *A*gypto. Tigris & Euphrates, in Parthia. Rhenus, in Germania. Clarissimæ insulæ in mari nostro undecim: Sicilia, Sardinia, Creta, Cypros, Eubœa, Lesbos, Rhodos, duæ Baleares, Eubusus, Corsica, Gades. In oceano ad orientem, Taprobane. Ad occidentem Britannia. Ad septentrionem Thyle. Ad meridiem, Insulæ Fortunatæ. Præter has in *A*egæo mari, Cyclades duodecim: Delos, Gyaros, Myconos, Andros, Paros, Pharos, Tenedos, Cythnos, Melos, Naxos, Donusa. Præter has Sporades innumerabiles, cæterum celeberrimæ: *A*gina, Salamina, Coos, Chios, Lemnos, Samothracia. In Ionio Echinades, Strophades, Ithaca, Cephalenia, Zacynthos. In Adriatico Ciriteæ circiter mille. In Siculo *A*oliæ viii. In Gallico Stœchades tres. In Syrtibus Cercina, & Menynx, & Girrha.

De marium ambitu

MAre quo cingimur universum vocatur Oceanum. Hoc quatuor regionibus inrumpit in terras. A septentrione, vocatur Caspium. Ab oriente, Persicum. A meridie, Arabicum, idem Rubrum & Erythræum. Ad occasum, Magnum mare, idem Athlanticum, quod commerciis totius generis humani peragitur. Hoc intrat in fretum Gaditanum inter duos montes clarissimos Abinnam & Calpen, ob impositas Herculis columnas. Deim latissime simul & longissime fufum medium terrarum orbem inundat, & nomina acquirit. Balearicum, quod Hispaniam adluit. Gallicum, quod Gallias tangit. Ligusticum quod Liguribus infunditur. Tuscum, Tyrrenum, idem inferum, quod dextrum Italiæ latus circuit: Adriaticum, idem superum, quod finistrum Italiæ latus circuit. Siculum, in quo Sicilia. Creticum, in quo insula est Creta. Ionium & Aegæum, quæ Achaïam, eandem Peloponneson, simul ambiunt; ut interveniente Isthmo pœne insulam faciant.

Myrtoum

Myrtoum & Icarium, quæ adhærent Aegæo mari, illud à Mirtylo, hoc ab Icaro cognominata. Euxinum, Ponticum, quod ingenti finu Scythis infunditur. Hellesponticum fauce transmissum, inter duas celeberrimas urbes, Seston Asiæ, Abydon Europæ. Tanaiticum, quo Asia alluitur. Aegyptium ab Aegypto, Libycum à Libya cognominatur. Syrticum, à duabus Syrtibus, reciprocis æstibus retorquetur.

Miracula Mundi.

Miracula quæ in terris sunt. Ab Apollonia Athamantia millia passus quinque, in monte Nymphæo, ibi ignis est, & de terra exit flamma. In silva Panis symphonia in oppidum auditur. Item sub eo monte in campo lacus aquæ pleni, unde pix exit & bitumen. Cum manibus supplodas pix alte attollitur, & quasi ab aqua bullescit. Ambraciæ in Epiro in pariete sunt picti Castor & Pollux & Helena, manu Autochthonis, & nemo invenire potest quis pinxerit. Arcis in Epiro quod Ippaton appellatur: ibi pons magnus columnatus duplex, quem Medea ædificari imperasse fertur. Ibi picta sunt gubernacula Argonautarum, quæ cœpta navis; ibi Jovis templum Hyphonis, unde est ad inferos descensus ad tollendas sortes. In quo loco dicunt duo qui descenderunt Jovem ipsum videre. Leucade mons; unde se Sappho dejecit propter virum. In summo monte fanum est Apollinis, ubi sacra sunt. Et cum homo inde defiluit, statim excipitur lintribus. Sicyone in Achaia, in foro ædes Apollinis est. In ea sunt posita Agamemnonis Clypeus & Machæra, Ulyssis Chlamys & Thoracium, Teucris sagittæ & arcus Adrausti, arca quam deposuit, in qua quid sit ignoratur, sed & olla ærea in qua Pelias coctus dicitur. Item Palamedis cithara. Marti autem quoq; corium, remi Argonautarum, & gubernaculi brachia, cauculus quem Minerva sortita est. De Orestæ cervice una proci parafiti palla pendet, quam si quis halitu afflaverit, tota patet. Penelopæ tela. ibi de terra oleum scaturit. Argis

Inachiz

Inachiae Junonis templum magnifice ornatum, quod Atylum vocant. Olympiae templum Jovis nobile; ubi athletae initiantur. Corintho balenae costa est magna secundum mare, quam homo complecti non potest. Eodem in loco fanum est Veneris; in quo vas marmoreum Laidos, Boeotiae lacus sacer; ubi Amphiaras devoratus in eo lacu est. Urceus fictilis fractus pender, testa inter se composita, unde autem pendeat, non apparet, nisi a vento moveatur. Athenis Minervae aedes nobilis, cujus ad sinistram Clypeus oppositus quem digito tangit. In quo Clypeo medio Dædali est imago ita collocata, quam si quis imaginem e Clypeo velit tollere, perit totum opus, solvitur enim signum. Ipsa autem dea habet hastam de gramine. Illo lapis quadratus, ubi Cassandra fuit alligata, quem si ante tangas aut fricueris, lac demittit; ex altera autem parte similiter si frices, ac si sanguinem remittit. Juxta autem mare qui locus Rhœte vocatur, ibi est Achillis & Patrocli vultus, & flumen Scamandras. Epheso Dianae fanum nobilissimum maximum pulcherrimumque orbis terrarum. Introitu dextra sinistra postes marmorei monolithi longi cubitis xx, qua super templum ascensu sunt cxi millia, Samo in templo Junonis Scyphus factus ex hedera, cujus capita foras iv. Arietina magna, cornibus mirae magnitudinis contortis. Pergamo ara marmorea magna, alta pedes xl, cum maximis sculpturis. Continet autem gigantomachiam. Rhodo signum Dianae marmorei pulcherrimum, quod stat sub divo caelo, nec cum pluit aqua tangitur. Argyro est fanum Veneris super mare, ibi est lucerna super candelabrum posita, lucens ad mare sub divo caelo, quam neque ventus aspergit, nec pluvia extinguit. Sed & Herculis aedes antiqua; ibi columna pender cavea ferrea rotunda in qua conclusa Sibylla dicitur. Ibi jacent ossa balanæ, quasi lapides quadrati. Marmesiae apud Sipylum columnae sunt iv, inter has columnas est victoria ferrea pendens sine aliquo vinculo in aëre ludens.

judens. sed quotiens ventus aut pluvia fuerit, non movet. *Ædes Dianæ* Epheso, quam constituit *Amazon*. Ibi & sepulchrum *Icari* stertentis quasi dormiat, miræ magnitudinis, ex orichalco & ferro. *Rhodo* *Colossi* signum *Solis* altum super columna marmorea cum quadriga. Columna vero habet cubitos centum. *Cypro* signum *Jovis Olympii* æreum, facies ex auro, quem fecit *Phidias* in cubitis centum quinquaginta, & lata cubitis sexaginta. Domus illic *Cyri* regis ædificata lapidibus candidis, & nigellis, auro vinctis: ubi sunt columnæ diversis coloribus, & innumerabiles lanceæ ferreæ, fenestræ ex argento, & tegulæ ex lapide prasino. Murus intus medio *Babylonæ* quem *Memnon* ædificavit lapide cocto id est calce & sulphure, ferro intermixtus ut sunt juncturæ. Latitudo ejus cubitis xxx, altus cubitis cxxx, cingitur millia passuum xxx. Hunc cœpit *Semiramis*, filius ejus perfecit. *Pyramides* in *Ægypto* quas edificavit. *Agattus* oppidum. ibi est *Nilus* fluvius ære factus, plexilis in cubitis ccc, cujus facies sinaragdo limpido, brachia ex ebore magno, cujus aspectu & bestia terrentur. *Athenis* signum *Jovis Olympii*, *Alexandriæ* flumen *Nilum* maxime colunt.

Quæ suere Joves, vel alii in loco Dii Dæque.

JOves suere tres. Primus in *Arcadia* *Ætheris* filius, cui etiam *Ætherius* cognomen fuit. Hic primum *Solem* procreavit, secundus abinde in *Arcadia*, qui *Saturnius* cognominatur, qui ex *Proserpina* *Liberum* patrem procreavit primum victorum. Tertius *Cretæ*, *Saturni* & *Opis* filius optimus maximusq; est appellatus. Martes suere duo. Primus ex *Enoposse*, ut eum *Homerus* ait, & noster est *Mars Leucarpis* & aliter *Marsenius*. Secundus ex *Jove* & *Junone*. Soles suere quinque; Primus *Jovis* filius. Secundus *Hyperionis*. Tertius *Nini* filius, cui *Ægyptus* est consecrata. Quartus qui *Rhodi* natus est, cujus etiam *Zemintus* est filius. Quintus *Colchi* filius, ex quo *Circe* & *Medea* & *Phaëton*

Phaëton nati sunt. Vulcani fuere quatuor. Primus Crio & Ioppe natus. Secundus Nili filius. Tertius Saturni & Junonis. Quartus in Sicilia Meletis filius. Mercurii iv. Primus Cœli & Diei filius. Secundus Jovis & Croniæ filius, vel Proserpinæ. Tertius Croni filius & Maïæ, qui est inventor lyræ. Quartus Quilleni filius; qui Aegyptiis literas, & numerum dixit. Apollines quinque. Primus Vulcani & Minervæ. Secundus ex Corybante. Tertius Jovis filius ex Latona. Quartus Sileni filius in Arcadia. Quintus Ammonis filius in Lybia natus. Dianæ iii. Prima Jovis vel Croni filia ex Proserpina, quæ est Liberi soror. Secunda Jovis & Latonæ, Apollinis soror. Tertia, quæ vocatur Ops, de Glauco. Aesculapii tres. Primus, Apollo dictus, Vulcani filius. Secundus, Lai filius. Tertius Aristeri & Alcippei filius. Veneres iv. Prima Hædeli & Diei filia. Secunda, quæ ex spuma nata esse dicitur, & Aëris & Oceani filia. Tertia, quæ Vulcano nupsit, quæ cum Marte se miscuit, unde Cupido natus esse dicitur. Quarta Cypri & Syriæ filia, quam Adon habuit. Minervæ quinque. Prima Vulcani filia; unde Athenarum est civitas. Secunda Nili filia, quam Aegyptii colunt. Tertia Jovis filia, quæ in fecillis rebus se exercuit. Quarta Solis filia, quadrigas junxit. Quinta Pallantis & Titanidos filia. Hæc patrem occidit, pro suæ virginitatis observatione, qui ejus cupidus fuit. Unde & Pallas dicta est. Liberi quinque. Primus, ex Jove & Proserpina. Hic agricola, & inventor vini. Cujus soror Ceres. Secundus Liber ex Merone, & Flora, cujus nomine fluvius est Granicus. Tertius de Cabiroy, qui regnavit in Asia. Quartus ex Saturno & Semele, dicunt. Quintus Nisi & Hesioneæ filius. Hercules sex. Primus Jovis & Aetheris filius. Secundus Nili filius, quem principem colunt Aegyptii. Tertium conditorem loci sui Hellenes dicunt. Quartus Croni filius, & Cartheres, quem Carthaginenses colunt, unde Carthago dicta est. Quintus Ioab filius, qui cum rege Medorum pugnavit. Sextus Jovis filius ex Alemena; qui Atlanta decuit,

De Imperiis.

Imperia ab ineunte ævi memoria fuerunt septem. Primi rerum potiti sunt Assyrii, deinde Medi, postea Persæ, tum Lacedæmones, dein Athenienses: post hos inde Macedones: sic deinde Romani.

Reges Assyriorum.

Ninus Rex; qui primus exercitum prope totam Asiam sub se redegit, & clarissimam urbem nominis sui condidit Ninon. Belus Rex Jovis filius, cujus posterum primū Asiæ regnaverunt: per Ægyptum Libyæ, per Dariam Europæ. Semiramis, Circetis nymphæ filia, à columbis educta, uxor Nini regis. Cujus post mortem Regnum Nini ampliavit; armis Indiam quoque parum prospera expeditione tentavit. Hæc urbem pulcherrimam omnium, quæ unquam fuerunt, Babylona constituit, supra flumen Euphratem. Sardanapalus, qui ob nimias delicias & luxuriam perditum regno, ne in potestatem hostium veniret, cum exoletis suis venenum bibit, & igni subjecto cum regia sua conflagravit.

Reges Medorum.

Arsaces, primus Rex, qui everfas Assyriorum opes luxuria Sardanapali transtulit, eosque justissime rexit. Astyages, vir fortis & justus, quæ per insidias victus à Cyro est, & dissolutum est Mediæ regnum.

Reges Persarum.

Cyrus rex fortissimus, qui majore parte Asiæ subacta Europam quoque intrupisset, nî à Tomyre Scytharum regina victus oppressusq; esset. Cambyses, filius erat Cyri; qui, cum lxx millia hominum subegisset in Ægypto, & regem ejus Amasin, Aethiopiam profectus, magna parte militum per famem amissa, invitum rediit. Urbem tamen ibi condidit Meroen. Is quia Apin sacrum bo-

vem interfici jusserat, ira deorum ex equo præceps super gladium suum ruit, extinctusque est. Darius rex unus ex septem Persis hinnitu equi regnum adsecutus, cum cclxx millibus Europam transivit. Victus ab Atheniensibus ducenta millia apud Pseudomarathona decessit. Xerxes, Darii filius, cum recessisset pater ejus, aliquantis navibus armatis militibus in Europam transivit. Contrabulato Hellesponto & forato Atho monte, nequidquam aliud egit, quam ut Athenas incideret mari. Victus à Lacedæmoniis & Atheniensibus, in Asiam rediit, ibique suorum fraude interfectus est.

Duces & Reges Lacedæmoniorum.

Eurystenes & Procles gemini, qui genus ab Heraclidis deducunt primis, parte regna regnaverunt. Lycurgus legumlator, cui Lacedæmonii principes Græciæ per annos septem invisi fuerunt. Theopompus & Polydorus Reges, qui Messenium bellum xx annis gesserunt. Othryades vir bellator, qui Messenio bello, quo centeni, id est, quinquageni, concertaverunt, & trophæum suo sanguine scripsit, tertiusque Messenio bello, ex oraculo Apollinis, dux ab Atheniensibus per ludibrium missus, pænateas vota, militum animos concitavit, ut tam diuturnum prælium victoria consummarent. Leonidas, dux Persico bello, qui cum trecentis Lacedæmoniis apud Thermopylas totam vim Persici belli morte sua ac suorum obtinuit. Pausanias, qui Persico bello Mardonium præfectum Xerxis cum pedestribus copiis apud Asopum Bæotiæ flumen debellavit: mox prodicionis à rege suspectus idem Mardonius, ideoque accusatus in asylum Minervæ confugit, & ibi fame confectus est. Leander dux, qui dominantem toto mari classem Atticam apud Egæos primus oppressit, & victis Atheniensibus xxx tyrannos imposuit. Xanthippus, vir Lacedæmoniorum fortissimus, qui bello Punico primus Carthaginensibus dux missus Regulum cepit.

pit. Agefilaus, cuius inventum est, in hostili, quam in sua terra, pugnare; ideoque in Asiam missus, vastata ea, cum jam Regi immineret, revocatus Athenienses apud Crotonem vicit. Postea apud Corinthios flevit, quod decem millia Græcorum occisa cognovisset, nec voluit Corinthum delegare cum posset.

Clarissimi Reges & Duces Atheniensium.

Cecrops rex, qui urbem condidit Athenas, & ex suo nomine Cecropidas appellavit cives. Idem fabulose, quia indigena fuit, ab inguinibus serpens fuisse narratur. Erichthonius rex, qui mysteria Eleusina constituit. Celeus cum Euboleo sacerdote, filiabus virginibus ministris, Treptolemo frugum præfecto; qui fame laborantem Græciam circumlato frumento restituit. Pandion rex, qui filias suas Procnem & Philomelam Thraciæ regibus tradidit, ut barbaras sibi gentes adfinitate sociaret. Theseus Ægei filius, qui Minotaurum interfecit. Demophontes, ejus filius, qui cum Græcis Ilium expugnavit. Codrus rex, qui pro salute & victoria patriæ, secundum oraculum Apollinis, bello Peloponnesio se devovit. Pisistratus vir fortis, & sapiens, qui adversus principes populari causa tyrannidem invasit, eamque justissime administravit. Armodius & Aristogeiton, homines plebei, qui Hippiaum & Hipparchum Pisistrati filios sæpe dominantes facta conjunctione oppresserunt, ideoque ut conservatoribus divini honores eis sunt constituti. Miltiades dux, qui lxxx milia militum Persarum Darii regis, præfectis Date & Tisapherne, in saltu Marathonio superavit. Aristides Dicæos, qui hoc agnomen moribus est consecutus, ob id ipsum exilio multatus est. Cimon dux, qui Persico bello Xerxis copias, pedestres simul atque navales, in ipsa Asia apud Eury-medonta flumen uno die vicit. Alcibiades dux, vir genere, copia, opibus, illustris; qui propter de-truncatos nocte Mercurios reus factus ad Lacedæ-

monios confugit Peloponnesi bello, & cum fecisset eos superiores, afflictorum civium misertus, rediit in patriam, & dux creatus, iterum victores Athenienses fecit. Thrasylbulus, qui triginta Magistratus Lacedæmonios tyrannidis dominatione lævientes facta conjuratione afflixit, & libertatem Atheniensibus reddidit. Conon dux, qui omnes Lacedæmoniorum copias apud Cnidum insulam cepit, & imperium maris Athenis restituit. Dion, qui octo onerariis navibus Dionysium regem Siciliae centum rostratas habentem, dum in Italiam abest, regno expulit, occupatis Syracusis. Hiphicrates, rei militaris peritissimus, qui arma habiliore pondere & modo fecit. Phocion, qui vir bonus cognominatus est, neque ulla pecunia à Philippo potuit sollicitari ut ad eum discederet, qui admonetibus amicis, ut liberis suis consulere, Si boni, inquit, erunt, hic agellus eis sufficiet; si mali, nihil. Chabrias dux, qui gladiatoria arte pugnare militē docuit; Cypron & Naxon, & omnes Asiaticas insulas Athenis adjunxit, & circa Thion navali bello occidi maluit, quam abjectis armis enatare. Demetrius Phalereus, vir bonus existimatus, ideoque ob insignem justitiam statuis cec est honoratus, quas ei pro libertate posuerunt in facie publica.

Reges Macedonum.

Philippus, Amyntæ filius, primus Macedonum obtinuit Thraciam, redegitque in suam potestatem: & cum transire in Asiam vellet, sub ipso belli apparatu in theatro à Pausania est interfectus. Alexander, Philippi & Olympiadas filius ex urbe Pella Macedoniae cum xl millibus militum in Asiam transisset, Darium regem Persarum primū apud Granicum flumen, tum apud Issum Ciliciæ; tertio apud Arbela, tribus præliis, triginta peditum legionum, equitum bis mille falcatorum curruum vicit. Mox regem Indorum, & omnes Asiæ gentes sub potestate sua redegit, & nobilissimas urbes

bes Asiæ cepit Sarbastran, Sua, Babyloniam, ubi etiam defunctus, dubium vinolentia, an veneno, cum tamen prius & Africam peragrasset usque ad Jovem Ammonem, & Oceanum primus omnium navigasset. Philippus, qui post Alexandrum Macedonem septimo gradu Macedonia regnavit, in victus in Græciam cum sæve dominaretur, à Sulpicio consule in Phocide victus est, mox à Flaminio in Macedonia, Thessalia apud Cyncephalas, ubi dato obside filio Demetrio regni parte multatus est. Perses Philippus, Philippi filius, cum maximis copiis Macedoniis esset, & cum impetum in Græciam fecisset, cum inanibus elephantorum simulacris à Marco consule apud Scyriam paludem victus, præcipitatis in mare thesauris, profugit; mox ab Emilio Paulo tota Macedonia fugatus, Samothraciâ confugit in asylum: unde, data fide cum se Paulo commisisset, ante currum ejus in triumphum productus, mox libera custodia in Albano consenuit. Pseudophilippus, vir plebeius & degener, cum ex similitudine formæ Philippi filium se persuasisset, & Macedonas in bellum excitasset, inter initia tumultus comprehensus, sub custodia missus est Romam, ubi cum ex custodia aufugisset, concitata rursus Macedonia, Thraciam bello recepit. In arce regni paludatus jus dixit: mox à Cæci filio Metello ingenti prælio victus, cum profugisset in Thraciam, à regibus deditus, & in triumphum deportatus.

Reges & Duces Romanorum.

Romulus, qui urbem condidit. Numa Pompilius, qui sacra constituit. Tullius Hostilius, qui Albam diruit. Ancus Martius, qui leges plurimas tulit, & Hostiam coloniam constituit. Servius Tullius, qui primum censum egit. Priscus Tarquinius, qui insignibus magistratus adornavit. Tarquinius Superbus, qui ob nimiam superbiam regno pulsus est.

Clarissimi duces Romanorum.

BRutus, qui pro libertate publica liberos suos interfecit. Valerius Publicola, qui propter eandem libertatem adversus Tarquinius bellum exercuit. Idem jus libertatis dando populum ampliavit. Manlius Torquatus, qui ad confirmandam castrorum disciplinam filium suum interfecit. Quintus Cincinnatus, idem Serranus, cui aranti dictatura delata est. Camillus, qui, Senonum gente deleta Gallorum, incensam ab eis urbem restituit. Fabii duo: quorum alter una pugna Etruscos, Samnitas, Umbros, Gallosque subegit, Libertinos è tribubus repurgavit, ideoque Maximus cognominatus: alter Fabius Hannibalem mora fregit, ex quo Cunctator est cognominatus. Papirius Cursor; hic Samnites, qui Romanos sub jugum pugnando miserant, victos ignominia pari adfecit, & à velocitate Cursor est appellatus. Curius, cum in foco rapas torreret, offerentibus, Malo, inquit, in fistilibus meis & aurum habentibus imperare. Fabricius Luscinus, qui Cornelium Rufinum consularem virum tenatu amovit, luxuriæ & avaritiæ damnatum, quod decem pondo argenti possideret. Claudius Marcellus, qui Annibalem primus in Campania prælio vicit, idemque docuit, in bello quomodo equites sine fuga cederent. Scipiones duo, quorum alter prior, Africanus, qui Annibalem & in eo Africam debellavit, alter Scipio Numantinus, qui Carthaginem & Numantiam diruendo, in hac Africam, in illa Hispaniam fregit. Quintus Nero, qui Annibalem in Apulia relicto, venientem ab Hispania Hasdrubalem excepit, copiasque ejus uno die apud Metaurum flumen devicit, qui sese cum Annibali junxisset, dubitari non potest, paria eis præstiturum non fuisse. Paulus, qui cum Macedoniam vicisset, & Græciam liberasset, & opulentissimum triumphum reportasset, inter ipsos triumphi dies, amissis duobus liberis, pro concione dixit, gratias se agere fortunæ, quod

quod in suam potius domum, quam in remp. se-
vissset. Duo, Metelli: quorum alter Macedonicus,
devictis Macedonibus; qui Contrebiā inexpu-
gnabilem Hispaniæ civitatem, jussis testamenta
scribere, & vetitis redire nisi vicissent militibus,
occupavit: alter Numidicus, victa Numidia; qui
cum perniciosas reip. leges ferret, Apuleius tribu-
nus plebis totusque senatus in eas jurasset, maluit
in exilium ire, quam jurare. Hujus filius, Pius co-
gnominatus est, quod patrem in exilium secutus
est. Gaius Marius, qui in Africa Numidis, in Gallia
Cimbris Teutonibusque superatis à caliga perve-
nit usque septimum consulatum. Sylla, qui bello
civili victoria perpotitus, Romanum primus in-
vasit imperium, solusque deposuit. Sertorius, qui
proscriptus à Sylla cum in exilium profugisset,
quam brevissimo tempore prope totam Hispaniam
redegit in suam potestatem, & ubique adversante
fortuna insuperabilis fuit. Lucullus, qui Asiæ
provinciae spoliis maximas opes est consecutus, &
ædificiorum, tabellarumque pictarum studiosissi-
mus fuit. Pompeius, qui Armenios sub rege Ti-
grane, Ponticos sub rege Mithridate, Cilicas toto
mari dominantes, infra quadragesimum diem vi-
cit, & magnam partem Asiæ inter oceanum Ca-
spium Rubrumque victoriis suis triumphisq; per-
agravit. Caius Cæsar, qui Gallias Germaniasq;
subegit, & primus Romanorum navigavit Ocea-
num: in quo Britanniam invenit, & vicit. Julius
Cæsar Augustus, qui perpacatis omnibus provin-
ciis exercitus toto orbe terrarum disposuit, & Ro-
manum imperium ordinavit. Post cujus consecra-
tionem perpetua Cæsarum dictatura dominatur.

Romani qui in Toga fuerant illustres.

Manius Agrippa, qui dissidentem populum se-
natui conligavit, atque conciliavit. Appius
Cæcus, qui pacem Pyrihi diremit, ne populus qui
suis parere noluerat sub externis regibus regere-
tur. Tiberius Gracchus, qui Scipionem Asiaticum

quamvis inimicum haberet, non est passus à tribunis in carcerem duci, quod diceret, nefas ibi esse Scipionem uti captivi illius adhuc alligati tenerentur. Hic est Gracchorum pater, qui in tribunatu, cum agrariis legibus seditiones excitarent, interfecti sunt. Decimus Brutus Calæcius, qui Gracchum generum agrariis legibus Reip. statum turbantem cum Opimio consule oppressit. M. Brutus, qui Pompeii partes secutus, mox à Cæsare restitutus, in mortem ejus conjuravit, quod affectare nomen regium videretur. Lucius Drusus, qui agrariis legibus promulgatis, summum pro eo favorem consecutus, ne promissa perficeret, per insidias à Philippo Conf. domi suæ interfectus est. Lutatius Catulus, qui Lepidū acta Syllæ rescindere volentem admoto exercitu Italia fugavit, & solus omnium sine sanguine bellum civile confecit. Cato Censorius, qui toties accusatus est, quoad vixit, nocentes accusare non destitit. Hic est omnium rerum peritissimus, & ut Sallust. Crispo videtur, Romani generis disertissimus Cato. Cato Prætorius, qui bello civili partes Pompeii secutus mori maluit quam superstes esse reip. servienti. Scaurus, qui vetuit filium in conspectum suum venire, quia bello Cyprico deseruerat. Scipio Nasica, quia non rite inauguratus Consul videretur, consulatu se abdicavit, & domitis Dalmatis oblatum à Senatu triumphum repudiavit, statuasque, quas sibi quisq; in publico posuerat, in censura sua sustulit. Censuit in Senatu tamen, Carthaginem non esse delendam, propterea optimus judicatus. Cornelius Cethegus, qui fratrem suum Cethegum, quod cum Catilina conjurasset, morte multandum censuit. Tullius Cicero, qui in consulatu suo Catilinæ conjunctionem fortissime oppressit.

Qui pro salute se obtulerunt.

HOratius trigeminus, qui adversus Curiatios Albanorum; qui de summo imperio dimicaverunt. Fabii, qui trecenti, cum omnes patriciæ stirpis

stirpis essent, bellum Vejens peculiariter sibi depoposcerunt. Mucius Cordus, qui ignibus manus imposuit. Horatius Cocles, qui ponte rescisso Tiberis armatus transiit navitans. Trecenti sub Calpurnio Flamma contra Pœnos; qui in Siciliensi saltu, mortuo exercitu, populum Romanum liberaverunt, ut plane ccc Lacedæmoniorum apud Thermopylas gloriam adæquarent. Duo Decii; quorum alter Latino bello, alter Samnitico diis manibus se devoverunt. Fulvius Pontifex; qui, urbe à Gallis Senonibus incensa, se aliosque senes diis manibus devovit. Regulus; qui tormenta Carthaginensium maluit pati, quam ut inutilis pax cum eis fieret, aut ipse jurisjurandi fidem falleret. Curtius; qui se in hiatum terræ immisit, cum ex oraculo, quod optimum esset in urbe Romana, posceretur. Spurius Postumius; qui à Pontio Teslesino Samnitum duce sub jugum missus cum exercitu, autor fuit rumpendi fœderis, seq; hostibus censuit esse dedendum. Gaius Metellus Pontifex, ardente templo Vestæ Palladium extulit, & oculos amisit.

Qui spolia opima retulerunt.

Romulus de Acrone Ceninensium rege. Cossius Cornelius de Larthe Tolumnæ Veiensium rege. Claudius Marcellus de Viromaro rege Gallorum.

Qui provocati ab hostibus manu contenderunt.

Manius Torquatus, qui Gallo torquem detraxit, eumq; sibi circumdedit. Valerius Corvinus; qui à Gallo provocatus cum pugnaret, corvus galeam ejus insedit, & hostem perturbavit. Scipio Aemilianus cum esset legatus ab Lucullo imperatore apud Intercatiam Vaccæorum urbem, provocatorem barbarum occidit. Lucius Opimius sub Lutatius Catulo Cōsule, in saltu Tridentino provocatorem Cimbrum interfecit.

Qui pro Romanis gentes superaverunt.

Scipio Africanus, Scipio Numantinus, Scipio Asiaticus, Mummius Achaicus, Servilius Isauricus, Brutus Callaicus, Paulus Macedonicus, Metellus Creticus, Cæsar Germanicus, Cæsar Dacicus.

Quot illustres Scipiones qui magnis rebus gestis cognominati sunt.

Scipio magnus Africanus, qui vicit Annibalem. Scipio minor Numantinus, qui Numantiam, & Carthaginem diruit. Scipio Asiaticus, qui de Antiocho triumphavit. Scipio Nasica, qui à Senatu vir optimus est judicatus. Scipio, qui occiso Pompeio partes restituit, & victus se interfecit.

Secessiones plebis.

Secessiones plebis à patribus fuerunt quatuor. Prima secessio propter impotentiam fæneratorum, cum in montem plebs armata secessit. Secunda, propter impotentiam Decemvirum, cum interfecta filia sua Virginii Appium & totam ejus factionem in Aventino monte circumvenit, effecitque ut abdicato magistratu accusati, atque damnati variis supplicis punirentur. Tertia propter matrimonia plebei: ut ne patriciis nuberent, quam Canuleius concitavit in monte Janiculo. Quarta secessio in foro, propter magistratus, ut plebei consules fierent, quam Sulpicius Stolo concitavit.

Seditiones.

Seditiones in urbe quatuor. Prima seditio, Tiberii Gracchi; quem, de judiciariis & agrariis legibus statum civitatis moventem, Scipio Nasica facta manu in Capitolio oppressit. Secunda seditio, Gracchi fratrisejus; quem ob similes largitiones novos motus excitantem Opimius consul, cum Decimo Bruto Callæcio socero ejus, convocatis ad pileum fervis, in Aventino monte oppre-

oppressit. Tertia seditio, Apuleii Saturnini Tr. Pl. & Glauciae Consulis; quos comitia in campo caedibus perturbantes, Marius in Capitolium persecutus obsedit, & conficiendos fustibus saxisque curavit. Quarta seditio, fuit Livi Drusi, & Quinti Cæpionis, cum ille Senatus equestrem ordinem adfideret. Præcipua tamen ad motus excitandos fuit causa, quod Drusus civitatem omnibus Italicis pollicebatur, sed tum à Philippo Consule in domo sua interfectus.

Qui adversus patriam nefaria iniere consilia.

CORIOLANUS ob asperiores annonas in exilium actus Volscorum exercitu admoto patriam expugnare voluit, sed Veturiæ matris precibus victus, tum ab exercitu suo confusus est. Marcus Melius, frumentaria largitione cum videretur, iussu Quintii Cincinnati dictatoris à Magistro equitum in rostris occisus est. Spurius, cum Agrariis legibus factione dominationem pararet. Manlius Capitolinus, cum pecunia conturbatores liberaret, suspectus regni affectati de Tarpeio Saxo precipitatus est. Catilina cum in eadem Senatus, in incendium urbis, direptionem ærarii conjurasset, & in id facinus Allobrogas sollicitasset, ab Cicerone in Senatu accusatus, ab Antonio in Apulia debellatus est.

Qui Reges vel Duces cum Romanis bella gesserunt.

POPULUS ROMANUS sub Romulo pugnavit cum Sabinis, prius propter virgines raptas. Sub Tulio cum Albanis. Pontius Telesinus, dux Samnitum; qui ad Caudinas furculas Romanos sub iugum misit. Pyrrhus, Rex Epirotarum, qui pro Tarentinis bellum cum Romanis gessit, vastataque Campania ad vicesimum ad urbem pervenit, mox à Curio & Fabricio victus in patriam concessit, & cum Achaiam armis sub se redeisset, Macedoniam quoque Antigono regi eripuisse, dum

dum Argos expugnat, occisus est. Omnium Græcorum sapientissimus, & militaris disciplinæ peritissimus fuit. Annibal, qui rorem annorum patrem in Hispaniam secutus, minor annorum quindecim imperator factus; triennio in Hispania vixit, & everfior e Sagunti, rupto scedere, per Pyrenæum & Albes in Italiam venit, Scipionem ad Ticinum, Tiberium Claudium apud Trebiam, Flaminium apud Thrasymenum, Paulum & Varro-nem apud Cannas, Gracchum in Lucania, Marcellum in Campania superavit.

Status Populi Romani quas commutationes habuerit.

Populus Romanus primum sub regibus fuit. Deinde, post superbiam Tarquinii, & illatum Lucretiæ stuprum, expulsi regibus, tutelam sui consulibus tribunisque commisit. Deinde tribunitiis seditionibus agitated, abdicatis omnibus magistratibus, Decemviros, legumferendarum & Reip. constituendæ causa, paravit. Horum quoq; dominationem & libidinem detestatus, rursus ad consules rediit. Donec, exortis bellis civilibus inter Cæsarem & Pompeium, & oppressa per vim libertate, sub unius Cæsaris potestatem redacta sunt omnia. Ex eo perpetua Cæsarum dictatura dominatur.

Initium Regni Mithridatis.

Cyrus, Rex Persarum primus, imperium Medis ademit. Duos filios reliquit, Cambysem & Smerden. Horum Cambyses, defuncto patre, quod major esset, Smerden in solio sedentem, capite cælum pulsare per somnium videns, occidendum eum curavit ipse: & deinde, revertens ab Æthiopia, rebus perfractis, cum in Ægyptum venisset, incolasq; ejus loci lætantes advertisset; ratus, illos adversis suis insultare, Apin in femine vulneravit: eodemq; ictu occidit. Interim Magus quidam Smerdes, Patibiatae frater, ab utens nomine

ex formæ similitudine, filium se Cyri professus, regnum Persicum invaserat. Quod ubi Camby si nuntiatum est, regredi in patriam maturans, oblitus est gladium, quo Apin interfecerat, vaginæ reddere. Quod cum conaretur efficere, semen suum vulneravit, & eam partem, qua Apin vulneraverat. Ex eodem vulnere in paucis diebus obiit. De cuius morte postquam certior nuntius ad Persas venit, Potanes Pedimā filiam suam, qua cum Smerdes consuetudinem habebat, edocuit, ut cum ille sopitus esset, utrum aures testas comis haberet, periclitaretur. Sciebat enim, à Cyro Smerdi Mago ademptas aures. Ille falsum esse Smerden confirmavit. Tunc septem nobilissimi Persæ inter se conjuraverunt. Eorum nomina hæc sunt, Potanes, Hydanes, Aspatines, Saphernes, Megaboius, Gobies Darius. Deinde, Mago Smerde interfecit, constituerunt, uti excepto posthac Potane, ex illis regnaret cujus equus primus in loco, quem delegissent, hinnisset. Tunc Hiberes, agaso Darii, equum domini ad locum prædictum duxit, illic alia equa ab suo initur. Tunc equus Darii magnum hinnitum dedit. Ita Darius regnum obtinuit. A quo Artabanes originem ducit; quem conditorem regni Mithridatis fuisse, confirmat Sallustius Crispus.

Reges Partiorum.

Seleucus, Alexandri Macedonis amicus, Hujus post mortem Abarrida, frater ejus, jussus Babylonem obtinere, finitimos sub se redegit, unde Nicator est appellatus, & tres validissimas urbes constituit, Abarridam, Seleuciam, Laodiciam. Arsaces, forma & virtute præcipuus, cujus posterii Arsacidae cognominati sunt: qui pacem cum Sylla imperatore fecit. Orodes; qui sædus cum Cn. Pompeio percussit, Crassum cum legionibus apud Cartas funesta clade delevit. Pacorus; qui filium ejusdem nominis misit in Syriam, ut Romanas provincias popularetur; atque ipse à Ventidio legato Julii Cæsaris occisus est.

Reges Cappadociae & Armeniae.

Tigranes, qui jam scriptus est; qui tertio Pannico bello perdomuit sub Macino Cons. & Scipione Emiliano. Bellus, rex Armeniae; qui cum impetum in Græciam fecisset, & Pythii Apollinis templum incendisset, tempestate & frigore exercitum amisit. Polycrates, rex Cappadociae; qui somniavit Solem & Lunam uri; qui à præfecto Darii regis occisus est. Epaminon, ejus filius, rex; qui Thebas Græcorum pugnando vicit. Periander, Rex qui Corinthi regnavit; omnia terra & mari Romanis subjugavit. Timoleon, qui Corinthi fratrem suum regnantem interfecit. Idem & Dionysium Siciliae regem expulit, neque ipse ab offerentibus regnum accepit, sed arcem quoque demolitus est. Hic cum convitia mala audiret, ait, Tota vita mea id egi, ut omnes liberi essemus.

Reges Asiae & Pergami,

Eumenes Carduenus Philippi Alexandri armiger bellicosissimus, sed parum prospera fortuna usus, adeo tamen terribilis, ut vivente eo nemo ausus sit Rex appellari. Antiochus jam scriptus est. Eumenes alius, qui Romanos Macedonico bello juvit cum milite suo. Attalus, qui pro Romanis sæpe pugnavit. Nam testamento suo Populum Romanum heredem fecit.

Reges Ponti & Bithyniae

Pharnaces, Rex Bithyniae, filius Mithridatis; qui bello civili, quod in Pharsalica gestum est, milite patris sui Syriam invasit, & adventu Caesaris, antequam in congressum ejus veniret, ipso terrore nominis sui victus refugit in Pontum. Prusias Rex amicus populi Romani; ad quem Annibal victo Antiocho confugit, & cum à rege exposceretur per legatos, veneno se liberavit. Nicomedes, socius & amicus populi Romani; in cujus

amicitia

amicitia prima ætate Cæsar fuit. Qui moriens testamento & ipse Pop. Rom. heredem dimisit.

Reges Alexandriae.

Post mortem Alexandri Macedonis regnaverunt Alexandriae Ægyptum octo Ptolomæi nomine, multi clarissimi viri. Ptolomæus Euergetes; qui Alexandrum apud Ozydacas obiecto clipeo protexit. Ptolomæus, filius Philadelphi, literatissimus; qui plurimos libros Græcos scripsit. Ptolomæus Soter; qui ingenti classe Rhodios vicit. Ptolomæus Tryphon; qui seditiosos in theatro sagittis occidit, alios flammis dedit. Hujus filius Cypris pro Romanis multa bella gessit, adversus Garamantas & Indos. Ptolomæus, Pupillus dictus; qui Pompeium tutorem à Senatu accepit, donec pubesceret, & postea civili bello Pontino interfectus est.

Duces & Reges Carthaginiensium.

HAnno, & Mago; qui Punico bello Cornelium Conf. apud Liparas ceperunt. Hamilcar qui Boccor cognominatus est, primo Punico bello magnam partem Hispaniæ sub imperium Carthaginiensium redegit. relictis filiis quatuor, Asdrubale, Annibale, Hamilcare, & Magone. Asdrubal, frater Annibalis; qui secundo Punico bello, cum ingentibus copiis ab Hispania veniens, antequam se fratri conjungeret, à Claudio Nerone expoliatus est.

Reges Numidiæ

Syphax; quem Scipio Africanus victum in triumphum traxit, regnoque ejus imposuit Masinissam. Masinissa Rex; qui Scipionem adversus Carthaginem & Syphacem equitatu adjuvit. Ab eo, inter præmia commilitii Numidiæ regno donatus est. Jugurtha; qui scriptus est.

Reges Mauritanie.

Juba Rex; qui Curionem legatum Cæsaris oppressit: mox, occiso Pompeio, Catonis & Scipionis partes firmare conatus, cum se in regiam recepisset, post magnificam cœnam interficiendum se dedit. Juba, rex literatissimus; qui Cæsaris Augusti jussu regnavit, & magnificentissimam urbem Cæsaream condidit.

Qui adversus Pop. Rom. arma sumpserunt.

Tatius, Rex Sabinorum; qui occupata arce Tarpeia in ipso foro cum Romulo decertavit, & interventu Sabinarum pacem cum Romulo fixit. Mettius Suffetius, Rex Albanorum; qui, contra fœdus, à Fidenatibus destitutus, & jussu Tulli Hostilii deligatus ad currum, & in adversa actis equis, laceratus est. Porfenna, rex Etruscorum, qui Romanos ad Janiculum obsedit, propterque Tarquinius. Tridates, qui à Corbulone Consulari viro victus, & restitutus est.

Bella civilia quot.

Civilia bella quatuor mota sunt in urbe à Romanis. Civile bellum primum Sulpicius Tribunus excitavit, quod subscriptam provinciam Mithridaticam Sylla in Marium transferre noluisse. Secundum bellum Lepidus contra Catulum, ob metum Siciliae expoliatae. Tertium bellum Cæsar & Pompeius. Belli species magis, quam causa fuit, negatus à Senatu Cæsari consulatus. Cæterum utriusque æmulatio & cupiditas imperii occupandi. Nam, cum secundum mores legemque majorum dimisso exercitu venire in urbem Cæsar deberet, & docere Senatum de rebus à se gestis, atq; ita triumphum consequi; simulans, se gratiam timere Pompeii, negavit se missurum exercitum, nisi consularibus comitiis ratio absentis sui posita fuisset. Quamobrem hostis à Senatu judicatus, statuit in bello vindicare, Ac sic non consulatum modo

do ac triumphum, sed totum Populi Romani imperium redegit in suam potestatem. Quartum bellum Cæsar Augustus adversus complures duces; contra Pompeium juvenem bona paterna repentem; mox adversus Cassium & Brutum in ultionem interempti patris; deinceps adversus Antonium & Cleopatram ultro bellum patriæ inferentes.

Quot genera bellorum.

Bellorum genera sunt quatuor. Gentile; quod cum externis geritur; ut Romani cum Latinis, Athenienses cum Lacedæmoniis. Servile; quod Romani adversus fugitivos gesserunt, & contra duces eorum, Spartacum, Crixum, & Oenomaum. Civile; quo inter se certant sicut Marius & Sylla, Cæsar & Pompeius, Augustus & Antonius.

Ordo Belli Mariani.

Inexplebilis honoris Marii cupiditas, decretam Syllæ Ponticam provinciam voluit eripere per rogationem Sulpicii tribuni plebis. Sylla indignatus continuo ad exercitum perrexit, & cum urbi admovit, & in patriam ingressus, Capitolium occupavit. Quo terrore victus Senatus, Mario totique factioni ejus interdixit. Profecto deinde in Asiam Sylla, Marius exul cum profugisset, ac primum Minturnis in palude latuisset, tum conjectus in carcerem evasisset, interim Cinna & Octavius in urbe essent; ob hoc, occasione data, Marius rediit, & se cum Cinna adjunxit, victis Octavianis partibus. Septies consul creatus savissimis cædibus totam urbem funestavit, Sylla interim victo Mithridate in urbem reversus, prope totam Italiam in armis invenit, sub juvene Mario Marii filio: sed omnes ejus copias partim in Etruria ad Tauricinium, partim ad Collinam portam protravit: & reliquias adversariorum eorum, qui se sediderant, in villa publica trucidavit. Qui diffu-

egrant,

gerant, in tabula proscriptis, jure permissis ut interficerentur.

Ordo Belli inter Cæsarem & Pompeium.

Cæsar, & Pompeius, & Crassus, inita societate, imperium Romanorum possidebant. Cæsar Gallicos, Crassus Syriacos exercitus habebat. Pompeius, horum viribus fretus, in Senatu dominabatur. Post Crassi mortem apud Parthos Musus Barbarus Asculanus, Quintus Lutatius Catulus,

De bello Macedonico.

Populus Romanus cum Macedonibus bellum ter gessit. Sub Flaminio Consule regem eorum Philippum vicit. Sub Paulo Persen Philippi filium, Sub Metello Macedonico Pseudophilippum. Primi belli causa, quod de injuriis Macedonum Græci querebantur. Secundi, quod fœdus cum patre suo percussum ruperit Perses. Tertii, quod falso nomen regum Macedonum Pseudophilippus invasit.

De variis Cladibus Populi Romani.

Etrusco bello; cum Porfenna rex Janiculum obsedit. Gallico bello; cum Galli Senones, exercitu apud Alliam deleti, urbe incensa, Capitolium obsederunt. Tarentino bello; cum Pyrrhus ad vicesimum lapidem totam Campaniam populatus accesserat. Punico bello; cum Annibal Cannensi exercitu fuso ad tertium lapidem castra posuit. Cymbrico bello; cum Cymbri Tarentinas Alpes occupaverunt. Servili bello; cum Spartacus, Crixus, & Oenomaus gladiatores, populata prope Italia, cum ad incendendam urbem pergerent, in Lucania à Crasso, in Etruria à Pompeio Consule, opprimuntur.

De tribus Punicis bellis.

POpulus Romanus cum Carthaginiensibus dimicavit. Primum Punicum bellum navalibus copiis gestum est. Causa motus prætendebatur duplex. Altera, quod Carthaginienses Tarentinis adhiissent. Altera, quod Mamertini adversus Pænos auxilium poscerent. Cæterum, revera præmium fuit Siciliæ & Sardinia possessione, fertilissimarum insularum. Appius Claudius bellum in Siculo freto commisit; Manlius & Regulus in ipsa Africa profligaverunt: Duillius Consul apud Liparas insulas; Lutatius Catulus apud *Ægates*, merfis hostium classibus, consummaverunt. Secundum Punicum bellum longe omnium cruentissimum fuit. Causa, quod Annibal contra fœdus Saguntum evertisset. Prima clades hujus belli apud Listernum, vulnerato Patre Scipione; quem Publius Scipio, nondum pubes, protexit ac liberavit. Secunda clades apud Trebiam, Vulnerato Flacco Consule. Tertia apud Thrasymenem, vastato Flaminii exercitu. Quarta apud Cannas, deletis duobus exercitibus Pauli Consulis morte, Terentii fuga Varronis. Postea vero quatuor duces Punici belli gloriam sibi vindicant. Fabius sive Cunctator; qui imminentem urbis excidio Annibalem mora fregit. Marcellus; qui primus Annibali apud Nolam restitit, & inclinatham ejus aciem pane ictus cruciavit. Claudius Nero; qui venientem ab Hispania Asdrubalem cum ingentibus copiis, priusquam se Annibali jungeret, excepit, & ingenti prælio vicit. Tertium Punicum bellum majoris gloriæ quam operis fuit. Nam, Manilio Consule, inchoatum excidium Carthaginis Scipio *Æmilianus* consummavit; una cum Tigrahe cum incensa Carthagine totius Africae urbes in perpetuum repressit, quod contra fœderis pacitionem Carthaginienses reparassent classes, & arma finitimis intulissent.

*Usque ad imperium Trajani qui victi sunt
& per quos, C C IV.*

PER Flaminium Consulem Macedonas vicit sub rege Perse bellantes. Per Scipiones Africanos, Carthaginenses. Per Paulum Consulem, Persen in Syria vicit regem Antiochum. Per Scipionem *Æ*milianum Celtiberos, & Numantiam. Per eundem Scipionem Lusitaniam, & ducem Viriatum. Per Decimum Brutum Galliam. Per Mummius Achaicum, & Corinthum, & Achæos. Per Fluvium Nobiliorem *Æ*cholos & Ambraciam. Per Marium Numidas & Jugurtham. Per eundem Cymbros & Teuthones. Per Syllam Ponticos & Mithridatem. Per Lucillum item eosdem Ponticos & Mithridatem: item Cilicas piratas, & Armenios cum rege Tigrane, & plurimas Asiaticas gentes. Sub hoc enim ad Indicum Oceanum, & Rubrum mare usque pervenit. Per Caium Cæsarem Gallias & Germanias, Britanniam sub hoc duce non tantum vidit, sed etiam navigavit Oceanum. Per Cæsarem Augustum Dalmatas, Pannonios, Illyricos, *Æ*gyptos, Germanos, Cantabros, totumque orbem perpacavit, exceptis Indis, Parthis, Sarmatis, Scythis, Dacis, quod eos fortuna Traiani Principis triumphis reservavit.

De Comitibus.

Comitia dicuntur à comitatu & frequentia, quod Patres & Classes ad suffragia vocantur, creandorum magistratuum vel sacerdotum causa. Comitiorum autem triplex ratio est. Hæc Curiata, hæc tributa, hæc centuriata dicuntur; quia hæc per curias & per tribus & per centurias explicantur. Si translativum sit, & solitum, de quo populus curiatis transigitur. Si amplius, tributis. Si in summo discrimine est, tum miles ad suffragia vocatur, & Comitia centuriata dicuntur.

De populi Romani distributionibus.

Aniquissima Populi Romani distributio triplex est, quam Romulus fecit; in regem, in Senatum,

Senatum, in Populum. Qui populus in tres tribus dividebatur; Titensem, Lucerem, Ramnetem. Sequitur Populi Romani distributio sub Servio Tullio rege; qui eum in tribus, classes, centurias, divisit. Ab iteratione census, ut optimus & locupletissimus quisque in suffragiis, id est, in Populo Romano plurimum valeret. Et tertia divisio est in Patronos & clientelas, qua inferiores superiorum se fidei committebant.

De Rebus-publicis.

Rerum-publicarum tria genera sunt; Regium, optimatum, populare. Aut enim sub regum sunt potestate; ut Seleucia Parthorum. Aut Senatus; ut Massilia Gallorum. Aut se ipsi regunt; ut Athenienses solebant. Est & quartum genus, quod Romani commenti sunt; ut ex his tribus unum efficerent. Nam & regiam potestatem Consules habent, & penes Senatum Consilii publici summa est, & plebs habet suffragiorum potestatem.



FINIS.

